

בשם יהוה
DISSERTATIO HISTORICO POLITICA,
DE

BELLO
MITHRIDATICO,
Cujus

PARTEM PRIOREM,
Consensu Ampliss. Senatus Philos.
in Regio Upsalensium Lyceō,

PRÆSIDE
CELEBERRIMO VIRO,
DN. JOHANNES
BERGMANSSON

Eloqu. & Polit. PROFESS. REG.
& SKYTT.

Publice ventilandam sistit

S:Æ R:Æ M:TIS ALUMNUS,
LAURENTIUS PORTUAN,
GESTRICIUS.

In Audit. Gust. Maj. horis ante me-
rid. consvetis, d. xii. Decemb.
A. O. R. clcldcccxxvi.

UPSALIÆ, Literis WERNERIANI

Högädla och Wälborna
fru Biskopinna /
Fru CATHARINA
B R O M S /
Min Höggunstiga fru.

Huru Mars med swärd och dunder
Stad och Land månd' kufwa under /
Ha wi med war skada lärdt:
Wilje gierna nu förswärja
Krut och Lod / samt spets och wärja /
Som vårt Land så swära tärdt.

Dock min tanckar månd' migl drifwa /
At om slika saker skrifwa;
Och ther jemte åfwenwål /
Hnr' Förbund och Tro bör sytas /
Huru slikt ock plågar brytas /
Än med orätt / än med skäl.

Om alt sådant til at nämna /
Wifwes rum i thetta ämne;
Store MITHRIDATIS REX.
Låt / min FRU / thet arbet ringa /
Som jag månd' här om frambringa /
Med Ehrt Namn så pryda sig.

Eder

Eder höga gunst och hyllest /
Som I wisat har tilfyllest
Mig och Mine på alt sätt /
Mänd' i större grad sig finna /
Än jag nånsin then kan hinna
Prisa / och om tal: rätt.

Dock jag Thetta offererar,
Och Ehr ödmuikt dedicerar,
För all gunst och godhet slit /
Til et prof af tacksamit minne;
Tag thet op med gunstigt sinne:
Dwar en är sin gåfwa lit.

Önskan skal thet mera fylla;
Himlen tack's Ehr altid hylla /
Skyddda / leda med sin staf /
Tills han sät Ehr tackes gifwa
Ewig sällhet! Så skal blifwa
Steds min önskan / til min graf.

Högådla och Wälborna
Fru Biskopinnans

Ödmuikaste tjenare

LAURENT. PORTUAN

S:Æ R:Æ M:TIS
MAGNÆ FIDEI VIRO,
Nobilissimo ac Generosissimo,
DN. PETRO JULIO
 *PERMENSEM*
Legionis Helsingicæ
CHILIARCHÆ
Strenuissimo.

PATRONIS & PROMO-
Amplissimo atque Celeberrimo VIRO,
DN. JOHANNI
 *PERMANENSEM*
Eloqu. & Polit. PROFESSORI
REG. & SKYTT.

PROMOTORIBUS & PA-
DELicie Phœbi & Themidos; queis turba
clientum,

*Spemq; omnem debet nostra Thalia suam,
Limina jam tenui cum munere vestra, Patroni
Hæc petit, & solito freta favore rogat:
Suscipite O! faciles, tenuis munuscula chartæ:
Generosiss. Summe Reverend.*

*Summe Reverendo &
Amplissimo VIRO,*

DN. DANIELI

SURBORG,

S.S. Theol. DOCT. & PROFESS.

Primario, ARCHI-PRÆPOSITO

& PASTORI Upsalens. Dignissimo,

ven. Consist. Eccl. ADSESSORI

Gravissimo,

TORIBUS MAGNIS.

Nobilissimo atque Consultissimo VIRO,

DN. OLAVO

LUNDSTEDT,

JUDICI TERRITORIALI apud

Wermelandos æquisimo, NUTRI-

TIO meo benignissimo.

TRONIS OPTIMIS.

Obsequii hac grati pignora certa sient.

Ipsa preces castas addit, votumq; perenne;

Nec quidquam melius, quod dare possit,

habet:

Vivite Nestoreæ per tempora longa senectæ;

Este, precor, faciles tempus in omne mihi.

Ampliss. ac Nobiliss. Nom. Vestr.

devotissimus cultor

LAURENTIUS PORTUAN,

Speculatissimo Prudentissimoq; VIRO,
Dn. JOHANNI HERR/
Officin. Ferr. in Hammarby & Gam-
melstilla / PATRONO ac DIRE-
CTORI solertissimo.

VIRO Reverendo atque Doctissimo,
Dn. OLAVO MARE/
V. D. COMMINISTRO in Enånger
& Njutånger laudatissimo, consan-
gvineis & Fautoribus meis
optimis.

Speculatæ Prudentiæ ac Dignitatis VIRO,
Dn. ANDREÆ
ABRAHAMSSON BRO/
SENATORI & MERCATORI a-
pud Söderhamnenses maxime
conspicuo, Fautori meo
Honoratissimo.

Specimen hocce levi penicillo adum-
bratum, in pii animi tesseram, cum
sincera omnigenæ felicitatis adpreca-
tione

D. D. D.
Nominum Vestrorum

Cultor indefessus
L. PORTUAN.

A. † Ω.

MEMBRUM PRIUS, HISTORICUM.

§. I.



Inter gravissima, quæ
domina illa gentium Ro-
ma olim, pro adquiren-
do orbis imperio, ges-
sit bella, fuit illud, quod

ab ipso hoste acerrimo dictum fuit
Mithridaticum. Sive enim magnitu-
dinem ejus spectes, omnes Asiaticæ gen-
tes, Romanis vel sociæ vel subjectæ, ei
implicitæ fuerunt; sive diuturnitatem,
illud per integros XXX. vel ut alii vo-
lunt, XL. annos duravit, varia fortuna
terra marique gestum: adeo ut ipso
Pyrrho & Hannibale atrocior hic Ro-

A

manæ

manæ potentiaæ æmulus jure visus fuerit. Quid enim ab illo metuendum non erat, qui integra LM. equitum, peditum CCLM, naves proprias plus quam CCCC. contra hostem educere poterat? præter auxilia, quæ ei ferebant reges & reguli Armeniorum & Scytharum, quotquot Pontum Mæotidemque paludem, & inde porro usque Thracium Bosphorum mare accolebant *a*): qui, elatus animis ingentibus, Asiæ totius & Europæ cupiditate flagrabat *b*): cujus jussu, quicquid civium Romanorum in Asia fuit, trucidatum est *c*): qui tribus ingentibus bellis, subinde cæsus, castris armisque exutus, & a suis desertus, confestim vires reparare, velut hydra, uno amputato capite, gemino renascente, atrocior insurgere, ipsi tandem Italiæ ultima mala minari potuit. Unde non sine ratione, bellum illud, ut perquam grave & atrox, Cicero describit, in quo ageretur populi Romani gloria, salus sociorum atque amicorum, certissima populi Romani vestigalia, & bona multorum civium *d*) & Appianus de Cn. Pompeji triumphis,

phis, post debellatum fraude Pharnacis filii, Mithridatem, agens, fate-
tur, quod nemo ad eam diem, tanto
hoste sublato, tantum provinciarum
imperio adjunxisset, ut Romana po-
mœria usq; Euphratem promoveret *e*).
De hoc bello, in modum Dissertati-
onis Academicæ, paucis agere con-
stitui; ita ut præmissa, ad ductum o-
ptimorum reipubl. Rom. scriptorum,
breviuscula narratione historica, in
causas ejus & justitiam armorum, eo-
rumque, quæ inde consecuta sunt,
propius inquiramus.

a) Appian. Alex. de Bell. Mithrid. p. m. 295. b) Flor. lib. 3. cap. 5. c) Liv. Epit. lib. 78. d) Orat. pro Leg. Manil. cap. 2. e) de Bell. Mithrid. p. 416.

§. II.

Mithridatem, a quo hoc bellum
denominatur, Eupatorem Dionysum
cognominatum, decimum sextum suæ
stirpis esse, a Dario Hytaspide, evin-
cent historici plerique. Quamquam
enim dicit Appianus: Ὁ Μιθριδάτης
ἀπέβησεν, ἐκκαίδεκατος ἐκ Δαρείου τῆς
ὑστάτης περσῶν βασιλέως, ὃ γένος δὲ ἀπὸ
Μιθρι.

Μιθριδάτης, τῷ Μακεδόνων ἀποστάντος τε,
 καὶ κτισαμένους (κτισαμένους) τὴν Ποντικήν
 ἀρχήν: α) i. e. *Mithridates obiit sextus
 decimus ejus stirpis, a Dario Persarum
 rege ultimo, octavus autem a Mithridate
 illo, qui primus, desertis Macedonibus,
 Ponticum regnum fundavit. Vix tamen
 huic assertioni fides habenda videtur,
 si alias historiae veritas sibi constet.
 Nam si Mithridates hic decimus sex-
 tus a Dario Codomanno fuerit, quem
 vicit Alexander M., non potuit esse
 octavus a Mithridate κτιστῇ, seu fun-
 datore regni Pontici, qui Alexandro
 & Antigono Alexandri duci fuit coæ-
 taneus, & sic coætaneus etiam ipsi, cu-
 jus octavus nepos Eupator dicitur:
 quemadmodum Alex. Tollius in hunc
 locum probe observavit, qui textum
 corruptum arguit, & in hunc modum
 correxit: ἐκκαίδεκάτος ὢν ἀπὸ τῷ Δαρέ-
 ις τῷ Ἰσάσπης (pro ὕσάτης) Περσῶν βα-
 σιλέως, ἕκτος δὲ (pro ὀγδοὺς) ἀπὸ Μιθριδά-
 τος &c. i. e. *Sextus decimus a Dario Hystaspide,
 Persarum rege, sextus vero a Mithridate.*
 Hoc etiam convenit ipsi Appiano, ubi
 alias de Mithridate Ciste mentionem
 facit;*

facit: ἐπὶ τε μέγα τὴν ἀρχὴν προαγα-
γὼν παισὶ παρέδωκεν· οἱ δὲ ἡρχον, ἕτερος
μετ' ἑτέρου, ἕως ἐπὶ τὸν ἕκτον ἀπὸ τῶ πρώ-
του Μιθριδάτη, ὃς Ρωμαίοις ἐπολέμησε b).
i.e. Et in majus suum extendens impe-
rium, liberis suis tradidit: illi autem
regnarunt alius post alium, usq; ad sextum
a primo Mithridate, qui cum Romanis
bellum gessit. Et hæc sententia Polybio,
Memnoni, Diodoro, Straboni & aliis
maxime probatur, qui horum tempo-
rum historiam consignarunt. Multa a-
lias tradunt historici, de nativitate &
educatione hujus Mithridatis, quæ pau-
cis tantum attingere volumus, brevi-
tati studentes. Circa nativitatem ejus,
pariter & initium regni, dicunt come-
tam magnum, per LXX. dies, mirum
in modum luxisse, eoque quasi futu-
ram regis magnitudinem fuisse indi-
catam. Antequam ex ephebis excef-
sit, arma tractare equosque regere,
supra ætatem didicit. Cum etiam
veneno se subinde appeti videret, in-
victum se adversus illud fecit, antido-
ta sæpe bibendo. Ad quod illud Mar-
tialis quoque alludit:

Profecit poto Mithridates saepe veneno,

Toxica ne possent seua nocere sibi c).

Hinc etiam antidotum Mithridaticum appellari creditur d). Ad evitandas etiam insidias, septem annis venationibus vacavit, quo tempore continuo in silvis versatus est, neque urbis neque ruris tecto usus, semperque cum feris luctari solebat; unde corpus ad omnem laborum patientiam firmavit e). Quare Xenophon venationem verissimam rerum bellicarum exercitationem dicit f). Quod etiam vult Plinius: „olim, inquit, hæc experientia juvenutis; hæc voluptas erat: his artibus „futuri duces imbuebantur, certare cum „fugacibus feris cursu, cum audacibus „robore, cum callidis astu g). Regnum paternum habuit noster, ad oram Ponti Euxini, unde & Ponticum est vocatum, XXM. stadiorum in longitudinem patens. Cum autem juvenis adhuc, defuncto patre Euergete, regnum adeptus esset, subegit varias finitimas gentes, & dicitur tot didicisse linguas, quot gentes subjugaverat, duas nempe & viginti, ut sine interprete cum illis facile colloqui posset. Inter

Inter gentes autem, quas devicerat, erat Colchorum bellicosissima natio, Græcique, qui Pontum accolebant, & illis contigui barbari. Animos etiam sibi conciliavit Scytharum, Taurorum, Basternarum, Thracum, Sarmatarum, omniumque gentium, quæ ad Tanaim & Istrum paludemq; Mœotidem habitabant, Parthorum insuper Armeniorumque, quorum rex Tigranes Mithridatis erat gener, qui filiam ejus Cleopatram habebat in matrimonio *b*). Fortitudinem præterea atque magnanimitatem, aliasque hujus regis dotes prorsus insignes, verbis prædicat Vellejus Pat. notatu dignissimis; Mithridates Ponticus rex, “vir neque silendus neque dicendus” sine cura, bello acerrimus, virtute eximius, aliquando fortuna, semper animo maximus, consiliis dux, miles manu, odio in Romanos Hannibal *i*).

a) de Bell. Mitbrid. p. 411. *b*) pag. 303. *c*) lib. 5. Epigr. 77. *d*) Seron. cap. 62. *e*) Justin. lib. 37. c. 2. *f*) lib. 1. Cyropæd. *g*) Pagan. cap. 81. *h*) Appian. cit. p. 295. & 310. Plin. lib. 25. Hist. Nat. Justin. lib. 38. cap. 3. lib. 2, cap. 18.

§. III.

Si de tempore, quo cum acerrimo hoc hoste bellare Romani cœperunt, historicos consulamus, hi illud referunt ad primum Romanorum Triumviratum, Marii nimirum, Cinnae & Syllae ^{a)}, annumque a Roma condita DCLXIV ^{b)}. Quamdiu autem duraverit, non adeo pronum est invenire, variant enim in eo auctores. Appianus durasse dicit annos XLII. Florus XL. Justinus XLVI. Orosius XXX. Bongarsius XXIX. ^{c)} cujus ultimi tamen sententiam, ut tutissimam, sequuntur plerique, calculum ab ipso ortu hujus belli, ad Cn. Pompeji triumphum instituentes, qui in secundo Triumviratu, Romano imperio, cum Crasso & Jul. Cæsare, præfuit. Verum ut propius ad rem ipsam perveniamus, haud incongruum videtur, hoc bellum in minora quædam distinguere: quandoquidem enim scriptores fide dignissimi indicant, bis pacem in eo esse factam, tria merito bella sub unius nomine considerabimus.

^{a)} Appian. de Bell. Mitbrid. p. 343. Bissel.
de

de ortu & occasu Reip. Rom. Vet. §. 5. b)

Idem ibid. Conf. Excerpt. Chron. ad Flor.

c) Bong. ad Just. lib 37. c. 1. adde not. ad Appian. de Bell. Mithr. p. 294.

§. IV.

Primum itaque bellum Mithridaticum hanc originem habuit. Arguebant Romani, quod Mithridates, contra interdictum legatorum, Nicomedem Bithyniæ & Ariobarzanem Capadociæ regem, qui in fidem eorum confugerant, regnis privasset. Quin & crescentem ejus potentiam extimescebant, quam prævenire consultum judicabant. Nicomedes quoque suam penuriam sublevandam pro argumento habebat: postulabant enim legati, qui illum in regnum reduxerant, ut pecuniam, non solum, quam ex pacto illis debebat, sed & illam, quam Romani ad usuram ei dederant, sine mora solveret. *

** Appian. Alex. de Bell. Mithrid. p. 304. & seq.*

§. V.

Mithridates contra incusabat, quod Nicomedes in regnum ejus irrupisset,

magnamque ejus partem esset deprædatus, idque svadentibus Romanis, ut materiam belli sibi quæreret. Cumque rex a ducibus Romanis, L. Cassio, Manio Aquilio & Q. Oppio, in Asia jam degentibus, postularet, ne Nicomedis adversus se causam susciperent ac tuerentur, neve se bello peterent, nisi tota lite prius apud senatum R utrinque disceptata; postulatum illud hi repudiabant, & cæco fervore ad arma concurrebant. Rex igitur Pelopidam legatum Romam misit, expostulatum, coram consulibus R, de Nicomede, petendo, ut aut opem ferrent Mithridati contra illum, aut sinerent ipsum se defendere, nec immiscerent se huic bello. Ad quæ Nicomedis legati responderunt; illum jam dudum a Mithridate adpetitum insidiis, quum Socratem armis in regnum induceret, quieturum alioquin, & cessurum ætati fratris majoris: & de cetero orationem suam ita adornarunt, ut ostenderent, injurias, quas Mithridatem Nicomedi intulisse contendebant, non magis eum, quam Romanos ipsos concernere. Pelopidæ

de autem illi responderunt; neque placere sibi, Mithridatem molestari a Nicomede, neque Nicomedi bellum inferri passuros; illum enim detrimentis affici, non videri e republica sua. Cum vero hoc responsum coarguere vellet Pelopidas, dimiserunt eum e confistorio. *

* *Appian. de Bell. Mitbrid. p. 306. & sequ. Bissel. de ort. & occas. reip. R. Vet. §. 5.*

§. VI.

Quando itaque Mithridatis quærelæ ac postulata, uti diximus, a Romanis ducibus erant delusa; rex tandem, de justa belli causa satis persuasus, bellum strenue capeffit, Cappadociamque primum ingreditur, & Ariobarzanem regem e regno ejicit, filiumque suum Ariarathem in locum ejus constituit. Cumque Pelopidas denuo, ad ostendendum Romanis ductibus, quanta belli moles immineret, missus, castris eorum excedere jussus esset, non sine custodia; tunc in Nicomedem Bithyniæ regem armâ convertit, contractis undique auxiliis, præter ingentem numerum dome-

mesticorum militum, quorum CCLM.
 peditum & XLM. equitum erant; ha-
 bebat etiam CD. naves, aliumque
 tanti belli apparatus prorsus insi-
 gnem. Huic exercitui ipse præfuit,
 una cum Neoptolemo & Archelao
 ducibus. Quibus objiciunt se Nico-
 medes & duces Romani, qui non
 expectata S. P. q; R. sententia, bel-
 lum parantes, magnum colligunt ex-
 ercitus e Bithynia, Cappadocia,
 Paphlagonia & Gallogræcia, atq; hunc
 inter se dividunt. Cassius castrameta-
 tur in confinio Bithyniæ & Gallo-
 græciæ; Manius, qua transitus patebat
 Mithridati in Bithyniam, & Oppius in fi-
 nibus Cappadociæ. Ad Ponti quoq; cu-
 stodiam classem constituunt, cui præfici-
 unt Minucium Rufum & C. Popilium.
 Quum itaque sibi invicem occurrunt,
 in latis campis ad Amnium fluvium, fit
 magnus conflictus, dubio primum mar-
 te; tandem vero, superior Mithrida-
 tes, Bithynos fundit magna strage, &
 castra illorum, omni opulentia refer-
 ta, capit, præter ingentem numerum
 militum, quos benigne tractatos do-
 mum dimittit cum viatico, ut opini-
 onem

onem clementiæ apud hostes sibi compararet. Traditur etiam ei tota Nicomedis classis, quæ ad Pontum erat constituta. *

* *App. Alex. de Bell. Mithr. p. 311. & seq. Bissel, cit. §. 5.*

§. VII.

Post hanc victoriam Mithridates Bithyniam occupat ac Phrygiam, & quæ reliquæ erant Romanorum provinciæ in Asia minore, multumq; inde auri & argenti, atque magnum belli apparatus deportat. Tributa quoque civitatibus remittit, & vacationem quinquennii concedit: unde magnum sibi apud illos conciliavit favorem, probe gnarus, nullam rem magis trahere populum, quam immunitatem & remissionem debitorum *a*). Jam etiam Q. Oppius & Manius Aquilius vincti ei traduntur. Illum solutum secum ducit rex, captivum ducem Romanorum ostentans: hunc, ut belli auctorem, asino imponit, passimque circumvectum proclamare cogit, se esse Manium, qui furore suo bellum Asiaticum incenderat. Quibus rex forte allusum voluit, judice Bisselio *b*), ad Græ-

Græcam vocem, *μανία*, quæ furorem notat ac vesaniam. Tandem in os ejus auro liquefacto infuso, avaritiam & rapinas exprobrat Romanis. Sed sicut felix temeritas nunquam invenit modum, ut cum Curtio loquar; ita quoque hac severitate non contentus rex, paullo post ad prætores & magistratus, per totam Asiam, literas mittit, jubens, ut omnes Romanos, & quotquot Italici generis erant, uno die interficerent: quod mandatum etiam, tricesima, a datis literis, die, crudeliter exsequebantur, ostendentes se, non tam metu Mithridatis, quam odio Romanorum, tam immania perpetrasse facinora. At hi crudelitatis suæ supplicium postea luebant, primum ab ipso Mithridate superbe habitati, deinde a Corn. Sylla, fugatis inde regis præsidiiis c).

a) *Bongars. ad Just. lib. 38. c. 3.* b) *de reip. R. Vet. ort. & occas. p. 762.* c) *Appian. Alex. cit. p. 313. & sequ. ad 319. Bissel. cit. §. 5.*

§. VIII.

Postea rex in Coum pergît, indeque magnas divitias Cleopatrar, Reginar

nae Aegypti, deportat in Pontum. Jam etiam Rhodum occupare cupit, ideoque magna classe eo pergit; de cujus adventu incolae certiores facti, fortiter sese praemunierunt. Hic rex duobus praeliis navalibus fortissime vincitur a Rhodiis; omnique vi & fraude frustra adhibita, spe sua destitutus, obsidionem tandem solvere cogitur. Jam quoque adveniunt terrestres copiae ad Mithridatem navigantes, quae, tempestate magna ad Rhodum jactatae, in hostium venerunt potestatem. Sic neque fortitudine adversus Mithridatem, neque fide in Romanos, quisquam in hoc bello Rhodiis par fuit 4). Majorem tamen fortunam experiebatur rex in Graecia; quo ducem suum Archelaum miserat, ut illam, quibuscunque rationibus posset, suae ditionis faceret. Delum enim, quae ab Atheniensibus defecerat, armis vincit Archelaus, quorum amicitiam ac societatem ambiens, magnam inde pecuniam ad eos mittit, per Aristionem Atheniensem, multaque castella expugnata potestati eorum subjicit. Aristion quoque tyrannidis exercitio Ar-
che-

chelai fortunam multum auget. Jam etiam Achaja, Misitra & Bœotia Cycladesque insulæ Archelao fidem jurant. Hoc tempore Mithridates, qui plerasque jam curas ducibus commiserat, domum reversus, instrumenta bellica comparat, & novos colligit milites, quorum partem, Methrophane duce, in Græciam navibus mittit, qui dum Euboeam & agros Demetriadis Magnesiæque vastat, quæ civitates regis jugum detrectabant, Bryttius, e Macedonia veniens, navali prælio illum adgreditur, duasque ejus naves demergit, omnibus, qui in eis erant, occisis. Methrophanes autem cum suis fugam capeßere coactus est; quem cum Bryttius assequi non posset, Scia-thum expugnat, prædonum barbarorum receptaculum, quos vario cruciatuum genere afficit. Inde Bœoti-am petens, prælium init circa Chæroneam, cum Aristione & Archelao per triduum, ancipite fortuna: sed adventantibus Lacedæmoniorum & Achæorum auxiliis ad Archelaum, imparem se viribus videns, castra movit ad Piræeum, quem paullo post Archelaus occupavit *b*).

a) *Vellej. Pat. lib. 2. cap. 18.* b) *Appian. Alex. cit. pap. 318. & sequ. ad 324.*

§. IX.

Cum & Italiam jam, ipsamque Romam Mithridatis terror invaserat, necessum erat, ut Sylla, cui Senatus hoc bellum demandaverat, in Græciam pergeret, ad sedandum motus illos tempestuosos; fuit enim huc usque detentus seditionibus domesticis. Itaque huc adventans cum expedita manu militum, collectis pecuniis & com-
meatu, pluribusque copiis ex Ætolia & Thessalia, Atticam ingreditur, ibique Athenas corona cingit, volens ad deditionem fame compellere incolas: qua tandem adeo laborare cœperunt, ut coria & cadavera carnesque humanas in alimentum vertere sint coacti. Cum autem ne sic quidem se dede-
rent, instigante illos Aristione, & diu in unius urbis obsidione hære non permetteret amplitudo belli, vi urbem adgreditur Sylla; nec fortuna fefellit conatum: fame enim debilitata præsidia stationes suas confestim relinquunt. Sylla igitur, cum suis in-
tra

tra moenia irrumpens, urbem replet
cædibus, tantaque mali facies erat,
ut nulla neque sexus neque ætatis ra-
tio haberetur, urbsque in prædam
concederetur militibus. Aristion quo-
que, qui arcem occupaverat, fame
expugnatus, in Syllæ manus venit; qui
cum ceteris, magistratu aliquo fun-
ctis, proditionis supplicium luit. Sic
Athenæ, urbs Græciæ celeberrima,
Romani juris iterum facta est. Cete-
rum restitit aliquid adhuc majoris o-
peris. Archelaus enim Piræeum, mu-
nimentum firmissimum tenebat, cujus
expugnatio videbatur difficillima. Spe-
tamen fervens Sylla ultima quæque
tentat, adhibendo omnem vim & quas-
vis machinas bellicas, fessisque oppu-
gnatoribus recentes semper sufficien-
do. Alloquebatur etiam suos, jam mi-
nis, jam precibus, clamitans, in hoc
certamine sitam omnem victoriam.
Pari modo quoque Archelaus suos con-
firmat, nullique operi contra vim
hostium parcit; cumque Sylla unam
muri partem post alteram diruit, ille
interius novos muros exstruit, ne
Romani ullum finem laboris inveni-
rent.

rent. Multa igitur, ab utraque parte, militaria eduntur facinora, donec tandem, post velitationes, varia fortuna, subinde factas, insana quasi hostium pervicaciâ territus Archelaus, muros deserere, atque in munitissimam Piræei partem, fluctibus undique cinctam, se recipere cogitur. *

* *App. Alex. cit. p. 324. & sequ. ad 333.*

§. X.

Jam & tota fere Bœotia Thebæque, a Mithridate desciscentes, Syllæ sese dederunt. Successit autem illa pestis, quod Macedonia ab Archatia Mithridatis filio, profligatis inde Romanis præsidiis, occuparetur; qui vero deinde in itinere, quo contra Syllam tendit, gravi morbo afflictus, circa Tidæum moritur. Hujus exercitum statim sibi adjungit Archelaus, qui, a Piræeo tandem discedens, in Thessaliam pergit, novas copias contracturus. Hunc Sylla, incenso funditusque everso Piræeo, illa, qua potest, celeritate insequitur, cui etiam in Phocide occurrit, viribus jam satis instructo; exercitus enim ejus CXXM.

militum constabat, Syllæ vero ne dimidium quidem hostium numerum æquabat. Fit itaque prælium ad Chæroneam, ubi post fortissimum conflictum, Archelao victoria eripitur, toto fere exercitu cæso; ille autem, cum reliquiis, Chalcidem se confert, ingentem suorum cladem anxie secum reputans, nam de tanto exercitu fere XM. tantum superstites erant: in Syllæ autem castris primum non plures, quam XIV. viri, desiderati sunt, ex quibus, cum advesperasceret, duo redierunt. Itaque tropæis Martem Victoriæ & Venerem inscripsit Sylla, quod in eo prælio non minus felicitate, quam solertia & potentia, rem bene gesserat. Hujus fortunæ fama dum ad aures Mithridatis pervenit, magnum ei injecit terrorem, quem excipit suspicio de fide amicorum, quos itaque omnes trucidat, cum uxoribus & liberis. Chio quoque per Zenobium occupato, omnes ejus incolas in Pontum transportat. Idem facinus dum & in Ephesios tentat Zenobius, in carcerem ab illis conjectus, misere trucidatur. Illi vero, his crudeli-

delitatis exemplis moti, cum aliis quibusdam gentibus a Mithridate deficient; quarum plerasque deinceps in partes suas frustra reducere conatur. Nec tutior hinc ab insidiis est factus, quippe quas nonnulli jam, quibus familiarissime utebatur, in caput ejus subinde intentabant. *

* *App. Alex. cit. pag. 333. & seq. ad 342. Plutarch. in Sylla.*

§. XI.

At Syllam, sensim per Græciam, victoricibus armis progredientem, remorari necessarium duxit: itaque Dorylaum, cum ingenti navium apparatu, ad Archelaum mittit, in quibus LXXXM. delectorum militum erant; quibus instructum Archelaum statim Sylla excipit apud Orchomenum, castraque sua ex adverso hostium locat: ante concursum autem armorum, Archelai milites, moræ impatientes, Romanos invadunt, quos Sylla emiserat, ut fossas utrinque facerent, in impedimentum ac remoram hostium. Hi impugnati fugam statim capeffunt, quod ubi videret Sylla, ab equo desiliens,

filiens, & in hostem convolans, dicit: *Mihi quidem, o! Romani milites, hic pulcrum est mori, vos autem cum rogabimini, quonam in loco imperatorem vestrum prodideritis, dicere mementote, in Orchomeno a).* Quibus auditis, reversi sunt fugientes, animumque ceperunt ad resistendum. Magna itaque vi utrinque per biduum fere pugnatur: ad ultimum vero Sylla, qui jam satis didicit vincere, triumphum cantat, Diogene Archelai filio totoque fere exercitu cæso; ipse autem dux, ad ultimas angustias redactus, in paludem quandam se abdit, donec, accepta navicula, rursus Chalcidem trajecit b).

a) Plutarch. in Sylla. b) App. Alex. cit. p. 341. & seq.

§. XII.

Post hanc victoriam dona militaria distribuit Sylla: deinde, Bœotia direpta, Thessaliam petit, hiemandi gratia, de ulteriore belli apparatu sollicitus. Interim C. Cinna & C. Marius, inimici ejus Romæ, hostem eum judicant, atque in bona & amicos ejus crudeliter sæviunt. Præterea mittit
Cinna

Cinna Flaccum in Asiam, ut pro Sylla bellum hoc gereret, quem secutus est unus e senatoribus, Fimbria, qui deinde, mutua contentione orta, Flaccum interfecit Nicomediae, ipseque imperatoris munus suscipit, nonnullasque victorias sumit de Mithridate. Postea Cappadociam vexat, Iliumque funditus evertit, crudeliter tractatis incolis. At Mithridates, qui duobus jam praeliis tantam fecerat jacturam, ut maximis regni viribus exutus videretur, jubet Archelaum, de pace agere cum Sylla. Nec displicuit hoc Syllae, propter domesticas turbas, a collegis suis in ipsum motas, ad quas reprimendas, Romam reverti voluit. Conveniunt igitur duces, super hoc negotio, ad mare circa Delum, ubi templum est Apollinis: Syllaque has pacis condiciones proponit, ut Mithridates traderet ei totam suam classem, captivos quoque & transfugas; Chios etiam ceterosque, a sedibus suis in Pontum abstractos, dimitteret; praesidia, omnibus locis hoc bello occupatis, deduceret, impensaque totius belli solveret, atque paterno solo u-

nice esset contentus. Hæ autem conditiones cum non satis æquæ viderentur Archelao, regi suo illas detulit, qui propterea ipse proficiscitur, ad paciscendum cum Sylla, quem convenit in Troadis Dardano. Sed rex, audito sermone Syllæ, in prima ejus postulata consentit, & LXX. naves, cum apparatu & armamentis, Syllæ exhibet, duoque talentorum millia ei pendit, ceteris etiam conditionibus persolutis: atque sic ad regnum paternum revertitur, quod Sylla ei stabiliter asserit, & Populi R. socium ipsum decernit. *

* *App. Alex. cit. p. 343. & seq. ad 353. Plutarch. in Sylla.*

§. XIII.

Sic itaque primum hoc bellum finem obtinuit. Jam Fimbriæ milites, negantes se bellaturos contra socios, ad Syllam deficiunt. Fimbria verò servum suum inducit, ut in Syllæ castra abiens, quasi transfuga, Syllam interficeret: sed ipse carnifex trepidatione sua rem detegit, eamque mox palam confitetur. Hinc Fimbria, tanto magis Romanis odiosus, Athenio, per
con.

contumeliam, omnium ore vocatur: quo nomine aliquando, fugitivorum in Sicilia quidam, paucorum dierum rex fuerat. Itaque Fimbria omni & favoris Syllæ, suæque salutis spe destitutus, Pergamum petit, ibique in templo Æsculapii voluntariam subit mortem. Jam Sylla Curionem jubet, Nicomedem & Ariobarzanem in regna sua reducere, urbesque nonnullas libertate donat, partim in auxiliorum præmium, partim in solatium malorum, quæ in hoc bello sustinuerant, propter fidem Romanis præstitam. Deinde etiam in reliquis urbibus proclamandum curat, ut omnes servi, quos Mithridates in libertate constituerat, rursus servitutis jugo se subicerent: quod dum multæ civitates contemnunt, variæque deficiunt, magnæ exdes sequuntur, tam servorum, quam ingenuorum hominum, multarumque urbium munimenta diruuntur; quæ autem urbes, hujus factionis participes, sub hasta non venduntur, illis quinquennale tributum imponitur, in ultionem etiam prioris perfidiæ ac crudelitatis, quam sub Mithridatis au-

spicio exercuerant. Quod equidem grave erat onus Asiæ: præsertim cum & piratæ, quos Mithridates, circa initium belli, emiserat, vehementer eam vexarent, qui non tantum navigantibus, sed etiam portubus ac oppidis, molesti erant. Tandem Sylla, Græciæ Asiæque rebus constitutis, cum maiore parte copiarum, in Italiam perguit, Murena in Asia relicto, qui de ceteris rebus ordinaret. *

* *App. Alex. de Bell. Mitbr. p. 353. & seq. ad 359.*

§. XIV.

Hic non multo post, bellum renovabat contra Mithridatem, illam fingens sibi causam, quod rex, sub otio, naves & copias compararet bene multas, quibus quamvis uteretur ad Colchos & Bosphoranos, jam ante defectores, in officium redigendos; re ipsa tamen, contra Romanos, illum apparatus factum esse credit Murena, idque persuasione Archelai, qui, regi suo jam suspectus, ad hunc transfugerat. Rem quoque tanto planiorem sibi iudicat, quod nullæ pacis leges erant conscriptæ; sed in executi-

cutione fœderis acquievisset Sylla. Qua de re ita Appianus: Καὶ πρέσβειον, τὸ Μιθριδάτη τὰς συνθήκας προτίθεντι, ἔκ ἑφῃ συνθήκας ὁρᾷν· ὃ γὰρ ἀπεγέγραπτο Σύλλας, ἀλλ' ἔργω τὰ λεχθέντα βεβαιώσας ἀπήλλακτο. * i. e. Cum legati objicerent fœdera, negavit se videre ulla fœdera: nulla enim Sylla conscripserat, sed executione pactorum contentus, discesserat.

* de Bell. Mitbrid. pag. 359. & sequ.

§. XV.

Sic Murena, secundum bellum movens, regni Pontici fines transgreditur: ubi cum nemo ei resisteret, expectante scilicet rege Romanorum responsa, terram in longum & latum vastat, donec Mithridates, a Romanis rursus illusum se vicens, vim vi repellere incipit, Gordiumque ducem suum mittit ad aggrediendum Murenā, ipse quoq; cum majore exercitu secutus, prælium init cum hostibus; eaq; fortuna, ut egregiam statim de illis reportaret victoriam. Postea magnam Cappadociæ partem iterum occupat, & præsidiis communit.

Tan-

Tandem autem, cum censeret Sylla, quod Murena injustis armis irritasset Mithridatem, mittit A. Gabinium, ut Murenæ vim reprimeret, atque amicitiam inter Mithridatem & Ariobarzanem, Cappadociæ regem, constitueret: quod etiam eo successu factum est, ut Mithridates, obside tradito filio suo quadrimulo Ariobarzani, illam partem Cappadociæ obtineret, quam præsidiis occupaverat. Atque sic intra triennium hoc bellum confectum est. Jam autem Mithridates, qui otio frui non didicit, varias subigit terras, Romanis non addictas. Murenæ quoque exemplo satis edoctus, legatos bis Romam mittit, ad conscribenda fœdera, ut, contra plura ejusmodi conamina, satius esset præmunitus. Sed cum Sylla jam obiisset, infectis rebus remissi sunt legati. *

* *App. Alex. cit. p. 360. & sequ. ad 364.*

§. XVI.

Hinc tertii belli causa. Rex enim, pacem infirmo adhuc stare talo videns, metuit, ne inde causam belli reno-

renovandi, pro lubitu, Romani fingerent: ut de hoc refert Appianus: *Τὰς γενομένας οἱ τελευτάϊας συνθήκας ἐπέφερον, ὥς ἔκ ἐτέλυσιν ἀναγράψασθαι, καὶ φυλακῶντες αὐταῖς ἐπιθέσθαι* † i. e. *Postimum tædus objicebat, quod ideo noluit scribere, ut renovare bellum, per occasionem, integrum sibi relinquerent.* Nam hærebat suspicio, eos regnum ipsius affectare, si quodammodo id etiam suæ ditionis facere possent.

† de Bell. Mithrid. pag. 366.

§. XVII.

Incipit igitur tertium bellum. Dum Mithridates vocat Tigranem, regem Armeniæ, ut Cappadociam invadat; qui statim urbem ibi exstruit, eamque Tigranocertam cognominat. Mithridates autem, ut res tanto felicius sibi cederent, foedus init cum Sertorio; qui a Senatu R. Hispaniam provinciam obtinens, perfidiam, in Romanos, magnam jam detexit; M. Varium enim, duosque consiliarios, Manium & Fanium, ad Mithridatem, cum magna manu militum misit, quorum auxilio hoc bellum gereret. Totus

tus itaque in apparatu est rex, & subsidia undiq; contrahit, adeo ut CXLM. peditum & XVIM. equitum haberet; cui tanto exercitui Taxilem & Hermocratem præficit, atque ita instructus in Paphlagoniam perguit, irritatisque militum animis magniloqua oratione, Bithyniam rursus aggreditur, quam Nicomedes, moriens sine hærede, Romanorum juris testamento fecerat. Hinc Cottam, regionis satrapam, Chalcedonem insequitur, quam urbem etiam invadit, cæsis circiter IVM. Romanorum, in his quoq; L. Manlio senatore: apud Mithridatem vero non plures, quam XX. viri, desiderati sunt. Inde Cyzicum perguit rex, dum interim consul R. Lucullus supervenit, dux belli contra Mithridatem jam factus, atque XXXM. peditum & MDC. equitum instructus. Is Mithridati castra sua opponit circa Cyzicum: ante prælium autem L. Manius, audita Sertorii morte, cujus foederis, cum Mithridate icti, arbiter erat, Mithridatem Lucullo prodere tentat, eoque rem perducit, ut Rex fere cum omnibus copiis interiisset, si prælii aleam

leam subiisset. Ut autem hoc evita-
ret periculum, simulque famem ma-
gnam, qua jam premebatur, Lucullo
omnem commeatum intercludente,
contra Cyzicum se vertit, illamque
omni vi & arte aggreditur, sed fru-
stra: insequebatur enim Lucullus, at-
que, ut antea, omnia victus necessa-
ria intercepit, unde fames & pestis
magna in castris ejus oriebantur; de-
nique instans hiems propositum ejus
non parum remorabatur. Ideoque,
postquam etiam crebris Cyzicenorum
excursionibus ad paucitatem esset red-
actus, ingenti illa amplissimæ gloriæ,
egregiæque victoriæ spe destitutus,
noctu Cyzico movens, Parium classe
contendit, jubetque exercitum, iti-
nere terrestri, citato gradu Lampsa-
cum petere: quem Lucullus insecu-
tus profligat strenue, magna multitu-
dine partim cæsa, partim capta. Super-
stites autem dum classe deinde Lampsa-
co abduceret Mithridates, tempestuo-
sum mare ad maximam partem de-
struxit. Hujus Cyzici obsidionis his
verbis meminit Cicero: *Populi Roma-
ni laus est, urbem amicissimam Cyziceno-
rum, Luculli consilio, ex omni impetu
regio*

regio, ac totius belli ore & faucibus,
ereptam esse atque servatam a). Qua-
de causa honores Lucullo decreti sunt,
quos feriis celebrabant Cyziceni, il-
lasque ferias Luculleas appellabant b).

a) *Orat. pro Arch. Poët. cap. 9.* c) *App. Alex. cit. p. 364. & seq. ad 373. Plutarch. in Lucullo.*

§. XVIII.

Hoc tempore Eumachus, Mihri-
datis dux, Phrygiam vastat, multosq;
Romanorum, sine discrimine sexus,
necat: Pisidas quoque, Ilauros & Ci-
liciam subjugat, donec tandem a De-
jotaro, Gallogræciæ tetrarcha, cum
magna clade est repressus. Postea Lu-
cullus varias urbes occupat, inter
quas etiam Amisum & Eupatoriam,
quam posteriorem Mithridates con-
ditam a se denominavit, regiamque
fecit; hanc postea Pompejus, nomini
suo consecratam, Magnopolim appel-
lavit. Vario quoque jam, Sertoriano
duci, & sociis ejus, Alexandro ac
Dionysio, circa Lemnum supervenit
Lucullus, quos, e spelunca quadam
productos, capit: Varium poëna ca-
pitis

pitis plectit; Alexandrum in ferias triumphales servat; Dionysius vero ipse veneno vitam sibi adimit. Mithridates autem, amissis in tempestate, sub navigatione ad Pontum, circiter XM. militum, & LX. navibus, nova jam undique contrahit auxilia. Diocles vero, quem, ejus rei gratia, in Scythiam, magna cum pecunia, miserat, Lucullo se tradit, in magnum Romanorum emolumentum. Nec destitit tamen rex vires colligere, Cabiris jam hibernans, donec exercitum, peditum XLM. & equitum IVM. constantem, habebat. Hunc itaque exercitum, optime instructum, instante vere, quærit Lucullus Cabiris; quo antequam pervenit, rex de Pomponio, equitum R. præfecto, egregiam facit victoriam, ipsumque ducem capit; unde magnus pavor Luculli invasit exercitum. Dum autem rex mittit, ad irrumpendum in manum Luculli, quæ commeatum exercitui adferret, aliam experitur fortunam: pauci enim nocturna fuga redeunt in castra, ceteris, ut credebat, omnibus deletis. Nec minor jam metus apud Mithridatem existit; itaque ne Lucul-

C

lus

lus inopinato sibi superveniret, in Cappadociam pergit, a Tigra-
ne petens hospitium; magna-
que fit confusio militum, adeo ut in
diversas vias fugam intenderent,
nec ullus ad nutum monentium
esset intentus. Insequebantur
autem a tergo Romani, & celeritate
præstantes, regem ipsum capere
potuissent, ni cæca militum
avaritia hosti fugæ locum dedisset,
& Lucillum ipsum digna victoria priva-
set. Milites enim, ad diripiendum
aurum certatim intenti, ab insectatio-
ne subinde impediiebantur. *

* *App. Alex. cit. p. 372. & sequ. ad 380. it. 415. Plut. in Lucullo. §. XIX.*

At rex, derelictum se a fortuna
jam credens, in crudelitatis mores in-
cidit, ut in desperatione sæpe fieri
solet: Bacchum enim eunuchum mittit
in regiam suam, ad uxores, sorores
& concubinas suas interficiendas, quæ,
his auditis, vario modo ipsæ sibi vitæ
filum abscindunt. Cumque præfecti
regii audirent, desperare jam Mithri-
datem de regno, Lucullo se plerique
dederunt. Is autem, rebus ubique
constitutis, variisque oppidis, ad ma-
re, captis, relinquit ibi Fabium, cum
par-

parte copiarum, & inde in Cappadociam pergit. Jam etiam Lucullus cum Machare, Mithridatis filio, regeque Bosphori, amicitiam ac societatem facit, accepta ab illo, in signum fidei, corona aurea. Cum autem audiret Tigranes adventare Lucullum, coactis CCLM. peditum & LM. equitum, cum Lucullo in pugnam descendit, sed mala fortuna: amissis enim plerisque, cum castris opulentissimis, fuga se eripere cogitur, dum filio suo, avulsum e capite diadema, lacrimans tradit, monetque, per aliam viam fugam intendere, atque salutis suae prospicere. At ille, indignum ratus, religari sibi diadema, superflite patre, fidelissimo cuidam ex suis custodiendum committit, qui mox fuga interceptus, & ad Lucullum adductus, diadema ad pedes ejus deponit. Hujus pugnae meminit Livius, Romanos, dicens, nullis unquam hostibus, quibus cum signa contulerint, copiarum numero usque adeo fuisse inferiores; vix enim vigesimam partem eorum, qui victi sunt, exstitisse victores. Jam & ipsa metropolis Tigranocerta, magnis referta opibus, per proditionem cedit

Romanis. Nec tamen negligunt Mithridates & Tigranes milites de novo colligere, atque in aciem contra Lucullum rursus progredi, cum LXXM. peditum, & XXXM. equitum, sed ante concursum armorum, fame utrinque coacti sunt pedem removere; Tigrane sic in Armeniam, Mithridate vero in Pontum abeuntibus. Hic, fines suos ingressus, prælium init cum Luculli præsidis, tandemque, subveniente licet Triario, cum nova Romanorum cohorte, tantam hostibus infert cladem, quantam in nullo alio hujus belli conflictu experti erant Romani, nam supra VIIIM. militum cæsi sunt, XXIV. tribuni & CL. centuriones.*

* *App. Alex. cit. p. 379. & sequ. ad 387.*

§. XX.

Hoc tempore Luculli fortuna valde collabi cœpit, qua insolenter admodum utebatur: id inprimis plurimum ei obfuit, quod eorum, qui in exercitu magistratum gerebant, quanti par fuit, neminem faceret, sed neglectis omnibus, & nimis superbe habitis, nullum secum conferendum esse arbitraretur; quibus rebus invidia & odio plenos animos omnium

in semet irritabat. Harum rerum etiam accusabatur in senatu R., simulque quod bellum diutius, quam par erat, pro-
 duceret, nec strenue hostem perse-
 queretur: quam ob causam ab exer-
 citu dimittitur, ex senatus consulto,
 atque in ejus locum Cn. Pompejus sub-
 stituitur, breviori tempore bellum
 confecturus. Tum Lucullus, præda
 onustus, domum regreditur, Romam-
 que triumphali pompa, ut Romanis
 mos erat, vult intrare; quod quam-
 vis primum ipsi negatum sit a P. R.,
 ægre tamen, ex primorum persuasio-
 ne, quibus Luculli dignitas erat ca-
 ra, omnium ore ei est concessum. In-
 terea vero temporis, dum Pompejus
 occupatur in repurgatione maris a pi-
 ratibus, qui illud hoc bello repleverant,
 regiones maritimas, ut ante diximus,
 subinde infestantes; Mithridates oc-
 casionem nactus, sibi melius prospi-
 ciendi, rursus Cappadociam occupat,
 & paternum regnum jam valde debi-
 litatum, summa diligentia communit.*

* App. Alex., cit. p. 387, & seq. Plutarch.
 in Lucullo.

Amico singulari,
Disertationis,
De
BELLO MITHRIDATICO,
AUCTORI
pereximio.

H*eroas belli quæ vis tot adire labo-*
res
impulerit, mente & temnere fata
sua:
fulsi an verus amor, spes aut incerta
triumphi
Fecerit, an lauri, gloria magna,
decus;
Solerti ingenio, nobis dum tradis, a-
mice;
Ipse Tibi virtus præmia larga parat.

Ita gratulatur

C. S. HÆDEMUN.

Eruditissime
Dissertationis hujus
DOMINE AUCTOR!

Summum profecto erectioris animi indicium est, si adolescens, Musis addictus, eos, qui eruditionis morumque laude inclaruerunt, admiratione & observantia, non solum prosequatur; sed eorum etiam virtutem imitando, illis similem se referre studeat. Etenim bonæ indolis est, digna adpetere; generosæ vero, ea quæ appetiit, in usus suos vertere. Quocirca id non minimum momenti laudibus tuis, Ornatissime Domine Respondens, addet, quod inter varias gravesque fatorum acerbitates, majorum tuorum vestigia premere, & ad honesta quævis eniti sedulo adlaboraveris: quod egregio documento, Specimen hocce publicum evidenter satis comprobat. Quo nomine Tibi insignibusque, quos in literarum studiis fecisti, progressibus adplaudo, eamque, quam illi olim Tibi promittunt, fortunam ex animo Tibi gratulor. Faxit Deus O. M. ut prospere semper Tibi cedant conatus tui, præmiæque aliquando nanciscaris, labore tuo dignissima.

T. T.

P. D.

Pereximio atque Politissimo

Dn. LAURENT. PORTUAN,

Populari & amico integerrimo.

FOrtem virum res arduas plenasque
laborum maxime condecorare, quis
dubitet? Quis & inficias ibit, eum res
ista, ad verum decus & gloriam, via
indere, si simul se justitiæ ac pacis
causam præstet; si bellum, non nisi
iuria laceffit, capiet? Quæ autem
iura, quæ fœdera, quæ denique belli
causæ, in bello Romanorum, cum
Mithridate gesto, potissimum sint ob-
servatæ, hæcce Dissertatio tua, Amice,
egregie commonstrat. Id ipsum au-
tem singulari tuæ, in rebus optimis,
diligentiæ deberi novimus, quibus
Te totum consecrasti, in quibus etiam
progressus fecisti prorsus non pœni-
tendos. Precor itaque, ut Tibi pro-
spera cuncta accedant, Tuque post as-
siduos ad Lyceum nostrum labores,
brabeum studiorum reportes optimum!

Wissio d. s.

gratulabundus scripsit

Nov. 1716.

DANIEL QUÉRET.

FIL.

Til sin frögna INFORMATOR.

Wi fält å bra Soldater
Värde mer än mång' ducater;
Ehe som kunna tappert stå/
När thet gäller något på.
J / som här til K K J G bereder/
Och med MITHRIDATES Eder
Vågar til at gå i fält/
För ehrt swärd wid Pallas tålt:
Wisar at man K K J G bör dyrka
Mer af stål/ än macht och styrka:
Goda å wäl begge två /
Men thet förta måste rå.
Som J så ehrt K K J G mänd' föra/
Hoppas jag / man får ock höra /
At J blir med heder frönt/
Och ehr möda wäl belönt.

G. LUNDSTEDT.

EIDEM.

Quo minus & ego, hac occasione, gaudium
meum silentio plane involvam, eximius
ille, quo me prosequi soles, amor, & pie-
tatis officium, Præceptori optimo debitum,
prohibet. Verum gratulabundum animum,
per ingenii mei tenuitatem, multis expri-
mere non licet. Voveo itaq; Det Deus O. M.
prosperos, conatibus tuis successus, ut quæ
virtutis ac literarum cultores manent,
præmia assequaris uberrima!

C. LUNDSTEDT.

Q. V. B.
De 3.

AGRO SICHÆI

DISSERTATIO PHILOSOPHICA;
Quam,

*Consentiente illustris Academ. Upsal.
Ampliss. Senatu Philosophico,*

Sub PRÆSIDIO
VIRI CELEBERRIMI

DN. JOHANNIS

SEMMINGSON /

Eloqu. & Polit. Prof. Reg. & Skytt.

h. t. Decani Spectabilis,

Pro solitis in Philosophia Honoribus,

In Aud. Carol. Maj. d. IX. Maji MDCCXXII,

horis ante meridiem consuetis,

Publico bonorum examini modeste submittit

SÆ RÆ. M.TIS Alumnus

MAGNUS P. HELSTENIUS

VEST-GOTHUS

UPSALIÆ, literis WERNERIANIS.

Maxime Rever. atque Amplissime
DN. ERIC E
BENZELI,

S. S. Theol. DOCT. & Academ. Upsal.
BIBLIOTHECARIÉ celeberrime, PA-
STOR in Hageby & Ramstad laudatiss.
Patrone, submissa mentis veneratione ætatem colende.

Amplissime atque Celeberrime D:ne
MAG. PETRE
SCHYLLBERG,
Poët. PROFESS. Reg. & Ordin. Patro-
ne, omni animi observantia jugi-
ter devenerande.

Admod. Rever. atq; Præclariss. D:ne
MAG. ERIC E
MONTHELI,

PASTOR & PRÆPOS. in Söderbårde optime me-
rite, Euergeta, venerabunda mente suspiciende.

Vestris pro meritis, ingenti proque favore,
Muneris en instar mens pia semper erit:

Tentarem justas nam si persolvere grates,
Impar res fieret viribus illa meis.

Cetera cum desint, Vobis quæ ferre volebam,

Vos, Decus Aonidum, nostra Camena colet,

Pignora sint nostræ submissæ vera, Patroni,

Quæ sisto, mentis, supplice voce rogo.

MAXIME REVER. CELEBERR. ATQU

observantissimè
MAGNU

Maxime Rever. atque Amplissime

**DN. JOANNES
STEUCHI,**

S. S. Theol. DOCT. & Philos. Theor.
PROFESS. celeberrime, PASTOR in
Mds dignissime, Patrone, omni reve-
rentiæ cultu æternum prosequende.

Amplissime atque Celeberrime

**DN: JOHANNES
SCHMIDTSON,**

Eloq. & Polit. PROFESS. Reg. & Skytt.
Facult. Philos. h. t. Decane Spectabilis,
Patrone, omni honoris cultu semper devenerande.

Admod. Rever. atque Præclariss. D:ne

**MAG. HARALDE
ULLENI,**

PASTOR & PRÆPOS. in Timeleb vigilantissime,
Fautor & Benefactor æstumatissime.

Magnis pro meritis sunt sane munera parva,

Nec cuivis possunt illa placere viro;

Assidue vestro cultori sed faveatis,

Ut bene cœpistis, ter celebresque Viri.

Quod superest, visis, felices, Nestoris annis.

Vivite cœlicolæ regna beata poli.

PRÆCLARISS. NOMINUM VESTRORUM

cultor

HELSTENIUS.

Til Brufs, PATRONEN,
Ädel och Högachtad
Hr. ABRAHAM ROBSAHM,
Min Högårade Gynnare.

Wackert gods och rika häfwor /
Dygdens fruchter / Himlens gåfwor /
Mycken nytto i ett land
Ha / när the rätt läggas an.

Kunna ock stor skada göra
Genom misbruk / och så föra
Mången tit / han aldrig tänkt /
Att han ser sig der af fränkt.

These bladen sådant drifwa :
Eder til att samma skrifwa /
Herr Patron, är pliktig jag :
Se them an med wälbehag.

Eder gunst och godhet prisa /
Som J mig behagat wisa /
Kan jag intet / fast jag wil /
Som sig bör / nu hinna til.

Loftwar / med ett wördsamt sinne
Allid hafwa them i minne
Skola wara mitt begiär ;
Såsom jag ock stadigt är

Ädle och Högachtad Herr Brufs
PATRONENS

hørsammaste tienare

M. H.



I. N. S. S. T.

§. I.

PYgmalionis, Ty-
riorum regis, so-
ror erat Dido, pro-
prio nomine Elifla
dicta, quam uxo-
rem duxit Sichæus, Herculis sacer-
dos, qui aliis Sicharbas, Acerbas
aliis, aliis Acervas appellatus, di-
gnitate regi proximus fuit. Hic,
ut Virgilius canit, erat,
- - - ditissimus agri,
hoc est, opibus inter Phœnices
maxime abundabat. Quamvis e-
nim Poëta, hunc agrorum modo
divitem fuisse, primo intuitu in-
nuere videatur; dubitandum ta-
men

2
men non est, magnum eum auri
argentique pondus, magnasque,
dissimulatas licet, habuisse diviti-
as; quas, metu regis, non tectis,
sed terræ crediderat. Ut enim
mos fuit, ab ultima hominum me-
moria usitatus, pretiosissimas res,
securitatis causa, deponendi in
templis & fanis; ita non nostris
temporibus, quasi novum inven-
tum, tribuenda est ratio defodien-
di facultates, metu in primis hosti-
um; sed remotissimis retro seculis.
Nam experti etiam sunt suo damno
antiqui, adeo difficile esse, si non
difficilius, adversus insidiatores di-
vitiarum, opes posse tueri, ac eas
comparare; ideoque circumspecti
varias excogitarunt rationes, se-
cure retinendi thesauros suos; nul-
la autem tam certa inventa est,
quin auterri potuerint, ut non ra-
ro ablati sunt. Licet enim homi-
nes communiter rem ejusmodi i-
gnorarint, tamen locuta est;
qua

qua incensi opum cupidi, nihil³
non tentarunt, atque moliti sunt,
ut caras ad se corradere potuerint
divitias. His non raro irritati sunt,
hodieque irritantur liberi, ad dis-
cordias cum parentibus: ob has o-
runtur jurgia & contentiones, in-
ter affines & consanguineos: ob
has fiunt furta, deprædationes &
latrocinia: ob has denique amici-
tiz dirimuntur, violantur sepulcra,
templa spoliantur: hæ principes ad
internecina odia excitant: hæ ju-
cundissimam reipublicæ pacem
turbant, atque ad bellum incitant:
hæ ad horrendas cædes alliciunt,
ut vel innocentissimo sint exitio.
Vere itaque Poëta b):

- - *Quid non mortalia pectora cogit
Auri sacra fames?*

a) Libr. I. Æneid. v. 347. b) Libr. III. Æneid. v. 56.

§. II.

Inter alios, quibus opes mortem
accelerarunt, non quidem per se, sed

sed per aliorum nequitiam, infelix fuit Sichæus. Avarus enim Pygmalion, immodica divitiarum ejus cupiditate accensus, eum, licet affinis & avunculus esset, sine ulla necessitate, sine respectu fidei & caritatis in sororem, clam ante aras, ut thesauros ejus arriperet, inhumaniter occidit. Verum magno suo excidit voto: Elissa enim fratrem dolo aggressa, dissimulato in eum odio, mitigatoque interim vultu, fugam tacito est molita: fingendo se ad eum migraturam, ne amplius sibi, cupidæ oblivionis, interfecti mariti domus gravem luctus imaginem renovaret, aut amara admonitio oculis suis occurreret. Hæc sororis verba cum non invitus audiret Pygmalion, existimans, cum ea & aurum Acerbæ ad se venturum, ei ministros migrationis misit. Hos, omnibus opibus suis in naves impositis, Dido in altum provecta, onera arenæ, prope-

pecunia involucris involuta, in mare dejicere compulit, & deflens, lugubrique voce Acerbam ciens, oravit, opes suas libens acciperet, quas reliquerat, haberetque inferias, quas habuerat causam mortis. Ministros postea aggressa, sibi dixit quidem optatam olim mortem; sed illis acerbos cruciatus, & dira supplicia imminere, qui Acerbæ opes, ob quas rex parricidium fecerat, avaritiæ tyranni subtraxerant. Ingenti itaque metu omnibus injecto, fugæ comites eos, cum quibusdam principibus, magno in regem odio motis, Elissa accepit, primoque, patria relicta, Cyprum accessit. Post longam deinde navigationem, in sinum Africæ delata est, ubi thesauris occisi mariti Carthaginem, Romani imperii æmulam, ædificasse fertur. Hujus opes cum successu rerum florerent, rex Maxitanorum (vulgo Mauritanorum) Hiabas, decem Poeno-

rum principibus ad se vocatis, nuptias Elissæ, sub belli denuntiatione petivit. Has ea simulans, multis hostiis, velut viro Acerbæ, ante festum nuptiale, missura esset inferias, cæsis, pyram, in ultima parte urbis exstructam, sumto gladio conscendit; quo præfata se, ut populus præceperat, ad virum ituram, vitam finivit, uti hæc proluxius tradit Justinus c).

c) *Libr. XVIII. cap. 4, 5, & 6. vide sis Hybner. in parte I. Polit. Quæst. p. m. 325. Liv. Epit. Libr. XXXIV. c. 61. & Flor. Libr. II. c. 15.*

§. III.

Expositis sic quam brevissime infelicibus Sichæi, ob thesauros, fati; per cujus agrum, ut innuimus, cum opes sint intelligendæ, vitio mihi non verum iri spero, si nonnulla attulero, quæ ad divitias in genere spectare videantur, comoda earum considerando atque incommoda. Sunt autem de illis
varia

7
varia variorum judicia. Nonnulli
enim tantis efferunt opes laudibus,
ut præcipuam in illis vitæ felicitatem
consistere, easque nihil non
efficere posse credant: unde Ho-
rati^{us}, ex avari iudicio, canit *d*):

*Virtus, fama, decus, divina huma-
naque pulchris*

*Divitiis parent; quas qui constru-
xerit, ille*

*Clarus erit, fortis, iustus, sapiens
etiam, & rex,*

Et quidquid volet.

Alii eas ita vituperant, ut tanquam
omnium vitiorum instrumenta, &
quævis damna afferentes, maxime
fugiendas esse ducant. Hinc Maxi-
mus Tyrius *e*): *Opes, inquit, petis;
Noli Deos obtundere: nihil boni petis.*
Et Lycurgus, apud Spartiatas, ve-
tuit liberos homines quidquam at-
tingere, quod circa rem pecuniari-
am versaretur *f*). Quidam vero nec
laudandas, nec vituperandas illas
esse existimant; sed ex usu & ab-

usu æstimandas. Inter hos sunt Censorinus & Seneca. Is sic loquitur: g) *Sapientum disciplina formatus, satis liquido comperisti, huiusmodi divitiarum munera, suta in lubrico, bona malave per se non esse, sed τῶν μέσων, bonorum malorumve medio censerari. Hic vero ita differit: h) Divitias nego bonum esse; nam si essent, bonos facerent. Nunc quoniam, quod apud malos deprehenditur, dici bonum non potest; hoc illis nomen nego. Ceterum & habendas esse, & utiles & magna commoda adferentes, fateor. De singulis differendi, in sequentibus dabitur occasio, considerata prius vocis etymologia. De hac autem inter eruditos non convenit. Ambrosii sententia est, divitias exinde dici, quod mentem dividant, atque in diversum scindant, nec sinant incorruptam esse & integram i). Cornelius Frontonis k) existimat divitem, unde divitiæ, a facultate dividendi appellari, ut locuples a copia lo-*

locorum, & opulentus ab opibus dicitur. Isidorus *l)* vero divitem putat vocari, quasi *diu vescentem*, vel cui *diu æs* est. Varroni *m)* autem dives dicitur, quasi *divus*, cum is, ut deus quidam, nulla re indigere videatur; unde Plautus: *n)*

Dei divites sunt: Deos decet opulentia. Quæ postrema derivandi ratio ceteris vero similior videtur. *o]*

d) Lib. II. sermon. Satyr. 3. e) Diss. XXX. f) Xenophon de Republ. Lacedæm. g) de Die Nat. c. I. b) de vita beata c. XXIV. i) Lib. II. Tom. I. c. 8. de Abrah. k) in Origin. l) Lib. X. m) Lib. IV. de L. L. 17. n) in Trinumm. o) conf. Lex. Etym. Vossii.

§. IV.

Verbo indicasse sufficiat, expensis jam qualitercunque vocis natalibus, non in significatione impropria, nos heic accipere nomen divitiarum, pro bonis spiritualibus, ut in sacris literis, & scriptis Patrum, interdum illud sumi solet: nec pro bonis animi, ut sunt virtutes, nec corporis, ut bona valetudo:

nec denique pro solis pecuniis, ut vulgo sumi solet; sed in sensu proprio, & in genere, pro bonis fortunæ. Hæc ut alia sunt naturalia, alia artificialia; ita consistunt vel in agris, pecoribus aut servis, vel in regionibus, prædiis, ædificiis, navibus, splendida supellectili aliisve id genus, vel in auro & argento, tam signato, quam non signato, aliove metallo, aut pretiosis lapidibus, ut cetera taceamus genera divitiarum. Synonyma harum varia occurrunt, ut sunt: facultates, opulentia, thesaurus, magna pecunia, amplæ fortunæ, rerum copia, affluentia, abundantia, opes. Hæ cum sua natura, atque in se, licet non moraliter, sint bonæ, si obveniant, nemo sanæ mentis eas rejiciat; sed grato potius animo, ut dona Dei, fructusque laborum accipiat p]. Nam sicut Sapiens nullum denarium, intra limen suum admittet male intrantem; ita & magnas

*guas opes, munus fortunæ fructumque
 virtutis, non repudiabit, nec excludet,*
 ut verba Senecæ nostra faciamus *q]*.
 Et quam ob rem respuet? cum a
 Deo in se non prohibeantur, &
 possederint eas viri pietate specta-
 tissimi, David, Salomon, Jobus, A-
 brahamus, Jacobus, Isaacus, alii, nec
 propterea summo Numini displic-
 uerint. Honestas enim divitias
 non prohibuit Deus, sed injustas
 & insatiabiles; quæ tanquam phar-
 maca non recte adhibita aut usur-
 pata, maxime nocent: unde tamen
 non concludi debet, opes in se esse
 noxias; sunt enim dona Dei, quæ
 omnino boni nomen merentur.
 Varia itaque licet facultatibus tribu-
 antur vitia, re tamen accuratius
 perpensa, nulla ipsis insunt crimi-
 na; sed hominibus, sordido & into-
 lerabili quæstu, alieno sanguine, &
 quavis injuria eas corradentibus,
 & male usurpantibus. Possunt e-
 nim mortales, ut aliis rebus in
 se bonis, ita etiam divitiis, bene
 aut

aut male uti, easque, pro lubitu, virtutum vitiorumque instrumenta habere. Unde Ambrosius: *r) Discant, inquit, divites, non in facultatibus crimen habere; sed in his, qui uti nesciunt facultatibus. Nam divitiæ, ut impedimenta improbis, ita bonis adjumenta sunt virtutis. Imo, multa in vita humana præstant commoda, dum a bonis & cordatis possidentur; qui illas non in animum, sed in domum recipiunt: qui non sunt mancipia earum, sed illis imperant: quique in honestos & pios usus eas impendunt, atque ex recta & probabili causa, liberalitatem ac beneficentiam exercent; in hac enim potissimus est earum usus.*

p) Vid. Prov. X. 22. XXII. 2. 1. Sam. II. 7. Psalm. XVII. 14. Job. I. 10. 21. XLII. 12. q) De Vita beata cap. XXIII. r) in Luc, cap. XIX.

§. V.

Diximus opes, in hac vita, multa præstare commoda: aliqua ho-

horum recensere oportet. Ut vero in omnibus nostris & dictis & actionibus, Divini Nominis gloriam respicere, eamque pro cynosura habere debemus; ita illud apprime convenit in usu divitiarum. Interveniunt autem hæ promovendæ gloriæ Dei, in vero ejus cultu, verique divini ministerio defendendo & conservando: in captivis miseris eorum carceribus liberandis: in scholis, gymnasiis, Academiis & templis, quæ vel nunquam exstructa fuerunt, vel ab hostibus spoliata & diruta, vel incendio aliove infortunio læsa, dilapsa, aut solo prorsus æquata, ædificandis, reficiendis & exornandis, atque indefessam in illis navantibus operam suppeditando, quæ sint necessaria. Sunt enim opes, hoc respectu, nullius propriæ, sed a clementissimo Numine mutuo datæ; quid ergo convenientius, quam erga illud gratum declarare animum, atque

que munera hæc ad eos usus conferre, qui eidem bene placeant, & nobis aliisque profint? Utiles porro sunt divitiæ, ad eleemosynas erogandas, sustentandos egenos, honestarum artium, atque scientiarum discendarum, studio flagrantibus, quorum inopia obstat conatibus, stipem conferendam, atque quavis ratione oppressos sublevandos. Suadet hoc officium humani generis societas, præcipiunt divina oracula, jubet humana natura. Non enim datæ sunt facultates, ad propria cujusvis commoda tantum promovenda, sed illis quoque subveniendum, qui alieno opus habent auxilio. Unde Chrysostomus s]. *Non ad hoc, inquit, accepisti, ut in delicias absumeres; sed ut in eleemosynam erogares. Nunquid enim tua possides? Res pauperum tibi sunt creditæ, sive ex laboribus justis, sive ex hereditate paterna possideas.* Et Lactantius, qui hunc
in

in modum egregie loquitur: *Hic*
divitiarum maximus & verissimus est
fructus, non uti opibus, ad propriam
unius voluptatem, sed ad multorum
salutem: non ad præsentem suum fru-
ctum, sed ad justitiam, quæ sola non in-
terit. Atque hujus qui inmemor est,
non recte facultatibus utitur, nec
dominus earum dici potest, sed fa-
mulus potius aliena custodiens. Non
enim fruitur illis tanquam suis, sed
alius velut depositum, quod inte-
grum restituendum esset, servare
videtur u].

1) Homil. XXIII. ad Popul. Antioch. 2)
Lib. VI. Instit. cap. 12. u) Vide sis Ambros.
de Nabuche cap. XV.

§. VI.

Ad virtutem & felicitatem com-
 parandam, plurimum certe confert,
 bona a primis annis liberorum in-
 stitutio; unde tota fere reliqua vi-
 ta dependet. Ut enim ager, si bo-
 narum frugum fertilis erit, diligen-
 ti cura & industria, ad sementem
 præ-

præparandus est; ita etiam ingenii nostri ager, magna cura coli, atque probe institui debet, ut meliorem uberiolemque fructum ferat. Verum summo non raro impedimento est dira egestas rectæ ejus culturæ, probæque liberorum educationi: destituta quoque est facultatibus eam instituendi; quibus ut divites gaudent, nemo inficias ibit, eas, si recte collocaverint, non modo probam educationem promoverè, & acquirendæ eruditionis instrumenta esse, quapropter & Suidæ *u) ἐφόδιον παιδείας*, *viaticum eruditionis*, appellantur; sed variis quoque discendis artibus & disciplinis inservire. Nemo enim, ut ut subactò sit judicio, quamvis præpolleat ingenio, propria industria, ad illam ἀκμὴν, ad quam artes & scientiæ dudum ascenderunt, sine sumtu, & facultatibus necessariis, pervenire poterit. Propterea, qui affluit opibus, quique disciplinæ capax

pax est, & strenuam adhibet operam, citius, quam egenus, non modo insignes progressus facere, in arte aut scientia addiscenda, sed longe etiam excellere potest, ut satis superque quotidiana ostendit experientia. Huc spectant divitiarum commoda conciliandi dignitates. Non intelligo autem pravam istam consuetudinem, largitionibus honores ambiendi; sed prærogativam divitum, præ egenis, bene excolendi ingenia sua, multa discendi, atque variarum rerum experientiam, peregrinationibus aliisque honestis modis, sibi acquirendi, quibus, præsupposita probitate & virtute, habiliores officiis, atque præclaris muneribus digniores fieri possunt opulenti. Præterea, cum divites patriæ excidio plus perdant, quam pauperes, amantiores quoque ejus esse solent, ideoque magistratus officium tutius eis committi posse,

sunt qui existimant. Nam non tantum facultates eorum, loco pignoris, fidei & amoris in rempublicam sunt; sed perspecta prudentia privatis rebus bene consulendi; unde eos publicis quoque recte prospecturos judicamus. Parit insuper inopia contemptum, qui magistratui valde est periculosus: quapropter Phormio Atheniensis classis imperium recusavit, dicendo, se obæratum, non satis auctoritatis apud milites habiturum α). Parit illa quoque suspicionem, manum alienis rebus injiciendi; hinc Horatius:

*Magnum pauperies opprobrium iubet
Quidvis & facere pati,*

Virtutisque viam deserit ardua γ);
eo enim multos egestas compellit, ut munera capiantur, quæ sapientum oculos obcæcant, & verba justorum subvertunt δ). Parit denique apud multos agendi dicendique timiditatem: ut inops officio fungens,

gens; ad evitandum potentiorum odium, de jure suo remittat. Atque has ob causas, divites muneribus præponuntur præ egenis: qui licet non prorsus ab illis excludendi sint, verum tamen est illud Juvenalis a):

Haud facile emergunt, quorum virtutibus obstat

Res angustæ domi.

Verumtamen, utut de his sit, non absolute hæc adserta volumus: nam etiam ad hæc modicæ opes sufficere possunt: & sæpe longe melior disciplina, etiam apud ipsos magistratus, paupertate magistra stetit, quam in summa rerum omnium affluentia. In adversa quoque valetudine tantus opum est usus, ut multi morbo affecti, exinde, quod ob inopiam eidem occurrere non potuerint, inciderint in graviolem, atque perierint; ut nihil dicam, de honesta & necessaria familiæ sustentatione, de indulgenti æris alieni solutione, pro dignis cognatis & a-

micis, de commodis in aliis rebus-
publicis habendi ministros, qui
speculentur atque ea tractent, quæ
suis civitatibus usui sint, hospita-
liter accipiendi, munifice habendi
legatos, atque justis possessiones,
respublicas & regna ampliandi ra-
tionibus; quibus omnibus copiam
rerum inservire posse, nemo non
videt.

v) pag. 1110. x) Pausanias in Atticis. y)
Lib. III. Carm. Od. 24. z) Deut. XVI. 19.
a) Satyr. III. 164.

§. VII.

Effet quidem humanæ naturæ
maxime conveniens, in perpetua
pace & tranquillitate vivere; ve-
rum cum dentur non pauci, qui
variis delectantur inferendis inju-
riis, & vilissimas sæpe ob causas,
bellis alios aggrediuntur, frustra a-
liis tentatis viis, illata vis & inju-
ria vi est propulsanda. Nam & ra-
tio doctis, & necessitas barbaris, &
mos gentibus, & feris natura ipsa
præ-

prescripsit, ut omnem semper vim, a corpore, a capite, a vita propulsent b). Nequit autem hoc fieri (loquor de bello contra potentem hostem gerendo) sine magno sumtu. Nam ut aves sine alis volare nequeunt; sic nec bellum, sine re nummaria, geri potest; ædificandæ enim sunt classes, portus parandi, mœnia & propugnacula erigenda, exercitus comparandi & sustentandi, atque arma acquirenda, quæ sumtibus & expensis fiunt efficacia; nam testatur experientia exemplis firmata, ære deficiente, arma vel prorsus abjici, vel saltem frigide tractari, leges filere, disciplinam militarem contemni. Quivis itaque videt, opes non tantum huic negotio esse utiles, sed & maxime necessarias. De cetero, per mores corruptos seculi, adeo fortes dejiciendorum castellorum illæ machinæ sunt, ut Cicero nihil tam munitum esse dicat, quod non his ex-

pugnari queat c). Illæ quoque sunt rerum gerendarum nervi, quibus princeps se suosque cives, divina favente gratia, defendere, quæ sua sunt, retinere, & desideratam pacem, propter quam bellum geritur, reconciliare possit.

b) *Cicer. in orat. pro T. Annio Milone, cap. XI. c) in Verr. c. 2.*

§. VIII.

Manifestum est, nullam terram adeo foecundam esse, ut omnibus sufficiat necessitatibus, nec adeo sterilem, quin nonnullis gaudeat, quibus non indigeat. Alia itaque civitas alius mutuam poscit operam, quæ mercatura optime haberi potest. Hæc quam necessaria, quamque variis periculis multisque infortuniis obnoxia, tam utiles quoque sunt opes illi exercendæ, hisque ita ferendis, ut commercia jugiter florere queant. Sed dicis, mercaturam non esse reipublicæ
uti-

utilem, quod varia invehat superflua, multisque laboret vitiis, atque faciat, egeamus multis, quæ antea prorsus ignota erant. Verum nihil adeo prodest, quin idem etiam nocere possit.

*Ignem quid utilius? si quis tamen urere
tecta*

Cæperit, audaces instruit igne manus d.).

Et bono ingenio quid præstantius nobis dari potuit? si vero quis eo abutatur, maxime illud est noxium. Sic licet mercatura suis scateat vitiis, illa tamen non ipsi imputanda sunt, sed hominibus eam exercentibus; propter abulum, cum is non æquet, nedum superet usum, removenda non est. Nam si verus rerum usus, propter abulum, esset tollendus, nec duces essent utiles, nec medicina, nec ipsa denique sapientia: cum in illis gravissima nonnunquam flagitia deprehensa sint e). Commoda insuper sunt divitiæ mutuis dan-

dis, vel modico cum scœnore, ad humanam indigentiam, quæ satis frequens est, sublevandam: commodæ sunt opificiis, commodæ agriculturæ, commodæ rei metallicæ. Munera enim, quæ in montium visceribus reconduntur, adeo dubia & incerta sunt, ut non sine maximo multorum damno, tentamina, ut vulgo vocari solent, plura frustra fiant; & si dives tandē metalli vena inveniatur, non absque labore & impensa, montium cryptis erui potest. Huc accedit, quod plures sint fodinæ profundæ & aquarum abundantes, e quibus sine magno sumtu metalla effodi nequeunt. Ut vero monticolæ, eruendis durissimis metallis, multam operam & impensam faciunt; sic nec minor iisdem liquefaciendis, ut cruda materia variis usibus apta reddatur, sumtus impenditur; qui tamen, eo largiori proventu, benigna vena abunde compensare solet. Præter

ter recensitas multæ quoque sunt
aliæ opum commoditates, quæ o-
ptime cerni possunt, ex comparatio-
ne divitum cum egenis, qui fame,
siti, frigore, aliisque molestiis sæpe
premuntur: cum contra dives o-
mnium horum semper fere est im-
munis *f*).

*d) Ovid. Lib. II. Trist. e) Quint. Lib. II. Instit.
orat. c. 17. f) conf. etiam Stobæus Sermone,
CCXXVIII. & seqq. atq; Hor. Lib. I. Epist. 6.*

§. IX.

Verum, licet opes tot præstent
commoda, nequaquam tamen vi-
tæ sufficientiæ, quæ *αὐτάρκεια* au-
dire solet, præferri debent. Nam
animi tranquillitatem conciliare
non possunt, sed curæ sæpe atque
anxietatis causa sunt, tam retinen-
di acquisita, quam eadem augendi.
Est enim inveteratus divitum mor-
bus, ut, quo plura habent, eo am-
pliora desiderent. Deinde vitæ suf-
ficientia magis est necessaria, quam
magnæ opes; his enim sæpe carere

possumus, ea vero non ita: illa, quæ e re sunt, præstat; hæ plura, quam semper sint necessaria. Præterea non tanta sunt pericula conjuncta cum vitæ sufficientia, quanta cum divitiis: ideoque Agur, in Proverbiis Salomonis, opes & paupertatem deprecatur, partemque sibi demensam atque sufficientem expetit *g*). In summis denique divitiis miseria locum habere potest, ut exemplum Midæ ostendit: de quo narratur, omnia, ob stultum ejus votum, quæ attigerit, in aurum commutata fuisse, ut, licet distissimus esset, fame & siti confectus sit *h*); absurdum itaque esse antedictæ virtuti eas anteponere, satis constat *i*). Nec veram vitæ felicitatem constituere possunt: instrumenta enim sunt vitæ sustentandæ propter hominem; summa autem felicitas non est instrumentum vitæ, sed ejus finis, ideoque in illis consistere nequit. Porro

ro

ro, expetitur ſum̃um bonum propter ſe; facultates vero ejus utilitatis gratia, quam in vita humana præſtant: unde parens eloquentiæ dicit, divitias expeti, tum ad uſus vitæ neceſſarios, tum ad perfrueſdas voluptates *k*). Cum inſuper plus corpori opes inſerviant, quam animo, qui eſt pars hominis nobilior, pro ſumma felicitate ſalutari nequeunt: non enim bona fortunæ ad eam parandam ſufficiunt, ſed requiruntur omnino bona animi; unde etiam plurimi cum Ariſtotele, eam in perpetua actione virtutis ſitam eſſe comprobant. Et quomodo ſumum bonum, quod non niſi licitis & honeſtis rationibus acquiritur, in rerum copia conſiſtere poterit, quæ vi, rapinis, dolo, & quibusvis injuriis ſæpe comparatur, & eſt adeo fluxum, fragile & caducum bonum, ut qui uno die ſumma rerum omnium affluentia abundat, atque vel Cræſo-

so ditior est; altero miserrimus I-
 rus esse possit? Utc enim fortuna
 nunquam diu eodem stat vestigio;
 sic nec opes diu durant: quippe
 quæ igne consumi, ab hostibus ab-
 ripi, a furibus auferri, a latroni-
 bus eripi, maris violentia perdi,
 aliisque variis modis amitti possunt.
 Cum autem ejusmodi damnis &
 periculis summa felicitas non est
 obnoxia, in opibus consistere non
 potest l).

g) cap. XXX. 8. b) Aristot. Lib. I. Polit.
 c. 6. i) vid. Vendèlini Phil. Moral. de vite
 suffic. k) Lib. I. de Offic. cap. 8. l) vid.
 Hornej. Phil. Mor. Lib. I. cap. 5.

§. X.

Ex illis, quæ allata sunt, faci-
 le patere existimo, divitias, in vi-
 ta humana, adeo esse utiles & ne-
 cessarias, ut viro prudenti non
 modo liceat, sed etjam incumbat,
 æquis eas rationibus quærere, &
 suis aliorumq; usibus servare. Sunt
 enim adminicula conciliandæ felici-
 tatis, ornamenta conciliatæ, libe-
 rali-

ralitatis instrumenta. Verum, ut nihil est ab omni parte beatum, nullumque adeo commodum, quin suum habeat incommodum; sic, licet divitiæ, ut diximus, adjumenta virtutum sint, & beneficentiæ, variisque necessitatibus inserviant; cum molestiis tamen, laboribus, curis, invidia & insidiis non modo sunt conjunctæ, sed variorum quoque imprudentibus existunt irritamenta vitiorum. Est ea humanæ naturæ imbecillitas, ut in secunda fortuna plerumque inconsideratiores, quam adversa, specie utilitatis, quæ minus sunt utilia, sectemur, atque rebus prosperis obcæcati, affectibus & cupiditatibus nostris obediamus. Hinc multis adolescentibus, per blandam parentum indulgentiam, atque propriam stultitiam, divitiæ, quæ artium discendarum, & acquirendæ eruditionis instrumenta essent, impedimenta fiunt; unde Seneca *m*) dicit eas ad philosophandum multis ob-

obstitisse. Ὅποιοι γὰρ ἂν τινες ὦσιν δι-
 χρώμενοι, τοιαῦτα καὶ τὰ πράγματα αὐ-
 τοῖς ἀνάγκη εἶναι: *Quales illi sunt,*
qui rebus utuntur, tales & res ipsas
eis esse necesse est, inquit Æschi-
 nes Socraticus *n*). Cum autem
 non pauci, desidiæ & perditis vo-
 luptatibus dediti, nihil laudabile
 operentur; sed facultates in vesti-
 um luxum, in opipara convivium,
 in res ludicras, vanas, & nullum
 adferentes usum impendant, atque
 perpotandi pervigilandique insana
 dulcedine decepti, splendide cuti-
 culam curent in diem vivendo;
 non possunt non, ea ratione, mores
 depravari, debilitari memoria, ho-
 nestarum rerum ignorantia induci;
 morbi contrahi, libidines provoca-
 ri, vires & mentis & corporis fran-
 gi, atque ipsis a se ipsis res in se bo-
 næ, malæ fieri. Hinc idem Æschi-
 nes *o*): Τοῖς μὲν καλοῖς καὶ ἀγαθοῖς τῶν
 ἀνθρώπων τὰ πράγματα τυγχάνει ἀ-
 γαθὰ ὄντα, τοῖς δὲ φαύλοις μοχθηρὰ:
 honeste

bonestis & bonis viris res bonæ fiunt, malis vero malæ. Atque non solum adolescentiam opum abundantia ad mollitiem, luxuriam, superbiam, aliorum contemptum & contumeli- am, atque alia vitia allicit, sed ad- dultam quoque, & grandiore æ- tatem agentes, imo, totas respu- blicas irretit atque seducit. Popu- lus Romanus tam diu clarus fuit, quamdiu pauper; dives autem fa- ctus, variis se passus est obrui vitiis. De his L. A. Florus p). Syria, inquit, prima nos vicla corrumpit: mox Asiati- ca Pergami regis hereditas. Illæ opes & divitiæ afflixere seculi mores: mer- samque vitiis suis, quasi sentina, rem- publicam pessum dedere. Et paullo post. Jam speciosiora vitia tangamus, nonne ambitus honorum ab iisdem divi- tiis incitatus? Atque inde Mariana, inde Syllana tempestas. Aut magnifi- cus apparatus conviviorum, & sumtu- osa largitio, nonne ab opulentia, pa- ritura mox egestatem. Opes itaque, quæ

quæ hoc modo effunduntur, ne dicam usurpantur, præter luxum & ambitionem, comitem habent inopiam, multa mala suadentem. Cum enim voluptatum & luxuriæ alimenta deficere incipiunt, convertuntur prodigi, non, ut par esset, ad meliorem frugem, sed deliciis adsueti, plerumque ad malas artes. Suorum profusi, aliena cupiunt: rapiunt, consumunt; pudorem, pudicitiam, divina atque humana promiscua, nihil pensi neque moderati habent *q*).

m) Epist. XVII. n) in Dialog. de Divitiis p. 46. o) p. 50. p) Lib. III. c. 12. q) Conf. Sallust. Catilin. bell. c. 8.

§. XI.

Sunt præterea opes, quæ incitant ad alios damnis & injuriis afficiendos, atque inopes & inferiores opprimendos. Multi enim inveniuntur, qui, cum opibus circumfluant, quidquid fere velint, se posse impune facere existimant,

stimant, & alium, in primis pauperem, non audere illatam sibi injuriam, ad magistratum aut judicem deferre. Et si ea deferatur, aut pecunia hi conducunt, qui falsum edant testimonium: aut causam protrahunt, morbos fingendo, aliasque rationes, specieiem veri habentes, adferendo, atque ab uno procedendo tribunali ad aliud, ut alter sumtibus expendendis non possit sufficere, sed litem pertæsus, minus damnum potius ferat, quam majoribus impensis prorsus exhauriatur: aut procuratorem, qui alterius partis causam coram tribunali aget, muneribus corrumpunt, ut bonam & justam causam, quam defendendam suscepit, vel pervertat, vel non ea, qua deberet, diligentia & æquitate persequatur: aut denique judicem promissis & largitionibus in partes suas trahunt. Noverunt enim munera magistratus ac iudices ita

obcæcare, ut quid justum, quid in-
 justum sit, non videant: ita aures
 eorum obdurare atque corrumpere,
 ut voces litigantium non recte
 percipiant vel discernant: ita lin-
 guam manusque eorum constringere,
 ut ad justitiæ normam neque
 pronuncient, neque distribuant,
 quicquam r). Alii honorum cupi-
 di, licet immeriti sint, sæpeque di-
 gnitatibus impares; cum tamen
 divitiis abundant, incenduntur il-
 lis ad ambiendos honores; ideoque,
 ut virtutibus carent, quibus ad eos
 provehi possent; ita aureo, ut dici
 solet, malleo fores eorum pulsant,
 quorum ope votorum suorum
 compotes fiant. Quæ munera e-
 mendi prava ratio, ingens tam sta-
 tui ecclesiastico, quam politico da-
 mnum affert, atque præter inju-
 riam, qua afficiuntur vitæ integri-
 tate, eruditione, dexteritate & me-
 ritis conspici, cum indigni illis
 præferantur, grandi & horrendæ
 bar-

barbarie: viam sternit. Nam ubi
 bonus deteriore divitiis magis clarum,
 magisque acceptum videt, primo æ-
 stuat, multaque in pectore volvit; sed
 ubi virtutem opulencia vincit, animus
 aut ad voluptatem a vero deficit s),
 aut avaritiam, omnium malorum
 radicem. Alii denique abutuntur
 opibus, corrumpendo legatos, ur-
 bium, regionum atque castellorum
 præfectos, aliosque ministros, &
 a fide, regi & patriæ debita, mune-
 ribus avocando. Sic Diomedon,
 Cyzicenus, rogatu Artaxerxis,
 Epaminondam pecunia corrumpen-
 dum susceperat; qui tamen orbis
 terrarum divitias, pro patriæ cari-
 tate, accipere noluit t). Sic Darius
 Codomannus percussorem in Ale-
 xandrum, regem Macedoniae, mil-
 le talentis emere voluit; ideoque
 summo jure ab eo in hunc modum
 est reprehensus: *impia bella suscipi-
 tis, & quum habeatis arma, licitamini
 hostium capita u)*. Sic Tati-
 us, ad pro-
 dendum Capitolium, promissis se-
 duxit

duxit virginem Tarpejam. In pretium vero proditionis obruta est hæc clypeis Sabinorum, iisque necata x). Sic Ganelo, Caroli Magni legatus, pecunia se corrumpi passus est, atque Marcillo, Saracenorum duci, Francorum aciem, in qua Rolandus, & alii illustres viri perierunt, prodidit γ). Et quid immoremur exemplis, cum omnium temporum annales, hac perversa ratione, castella, urbes & provincias sæpius hostibus proditas fuisse testentur? Fœda enim avaritia, fidem, probitatem, ceterasque artes bonas subvertens, omnia venalia habet: sed non raro iusta accelerat deditis sibi supplicia. Licet enim proditio ametur; proditores tamen ab omnibus odio habentur: ideoque exempla habemus, quod ipsi hostes eos catenis vinctos, ad penates remiserint, ut, exempli causâ, & communis regum securitatis, debitas perfidiæ luerent pœnas.

r) vid.

r) *vid. Bernegg. in Tatit. Quest. 80.* s) *Sallust. in Orat. II. de republ. Ordin.* t) *Curt. Lib. IV.* u) *Cornel. Nep. in vita Epamin., c. IV.* x) *Valer. Max. Lib. IX. cap. 6.* Flor. *Lib. I. c. 1.* y) *Sabell. En. 8. Lib. 8.* Gaguinus *Lib. IV. de Francis.*

§. XII.

Hæc memorata vitia, quæ ex abusu divitiarum fluunt, sunt quidem satis detestanda; sed est aliud adhuc magis abominandum. Dantur enim multi, quos tanta invasit cupido divitiarum, ut omni seposita justitia, fide, pietate, aliis virtutibus, magnis opum cumulis ad majores corradendos irritentur: quibus, in neminem boni, in se vero pessimi, pro Deo serviunt, in quibus spem ponunt, quibus confidunt. Atque sic horrenda facta apostasia, verum Deum, quem ore profitentur, operibus denegant, & pravo suo avaritiæ exemplo, homines alios seducunt, aliis scandalum movent. Hi, ut omnium rerum satietate famem sibi pararunt (est enim avaritia inexplebilis) &

non tam dici possunt possidere divitias, quam ab illis possideri; ita, facta earum jactura, vitæ quoque jacturam ex desperatione faciunt, violentas sibi inferendo manus: sui tortores & carnifices, qui vitæ humanæ stationem, in qua a maximo omnium Imperatore collocati sunt, turpiter deserunt.

Possent quidem plura, & commoda, quæ opes præstant, & incommoda, quæ ex illis proveniunt, adferri; sed cum sint innumera, paucis his recensitis acquiescimus, verbo jam indicantes modum & verum earum usum. Negari non potest, divitias ad varios requiri usus. Verum, *ut navigia, quæ modum excedunt, regi nequeunt* & nimis longa tunica minus commoda est, quam concinna; sic immodicæ divitiæ non raro homines impediunt, & ita obcæcant, ut a virtutis tramine declinent. Modus itaque, cum in aliis rebus, tum in divitiis est servandus, atque cavendum, ne quidquam

quam aliorum injuria acquiratur: quæ enim malis artibus comparantur, male etiam dilabi solent. Et cum facultates suppetunt, quæ rebus necessariis sufficiant, contenti esse debemus: *optimus enim pecuniæ modus est, qui nec in paupertatem cadit, nec procul a paupertate discedit, teste Seneca a), qui eandem thesin alio etiam loco hoc modo exponit: quis sit divitiarum modus, quævis? Primus, habere, quod necesse est, proximus, quod sat est. Prior respicit id, quod natura requirit, posterior, quod humanitas, & ut commode vivere possis b).* Huic assentitur Aristoteles, dicendo, tantas opes suffecluturas, quantæ nec insidias possidenti, nec rerum necessariarum inopiam conciliabunt c). De usu autem divitiarum, pro ratione nostri instituti, dixisse sufficiat, eas nec prodige effundendas, nec sordide retinendas; sed impendendas in usus pios & honestos: unde Apostolus d):

*Τοῖς πλεονείοις ἐν τῷ νῦν αἰῶνι παράγ-
γελ-*

γελλε, μὴ ὑψηλοφρονεῖν, μηδὲ ἡλπι-
 κέναι ἐπὶ πλῆττε ἀδηλότητι, ἀλλ' ἐν τῷ
 Θεῷ τῷ ζῶντι, τῷ παρέχοντι ἡμῖν πλῆ-
 σίως πάντα εἰς ἀπόλαυσιν. Ἀγαθοεργ-
 εῖν, πλῆτεῖν ἐν ἔργοις καλοῖς, εὐμε-
 ταδότεις εἶναι, κοινωνικὸς. Ἀποθη-
 σαυρίζοντας ἑαυτοῖς θεμέλιον καλὸν εἰς
 τὸ μέλλον, ἵνα ἐπιλάβωνται τῆς αἰ-
 νῆς ζωῆς. *lis, qui divites sunt in hoc
 seculo, denuncia, ne efferantur animo,
 neque spem ponant in divitiis incertis,
 sed in Deo vivo, qui præbet nobis o-
 mnia copiose ad fruendum. Ut sint be-
 nefici, ut divites sint operibus bonis,
 faciles ad impertiendum, facilis con-
 victus: congerentes sibi, pro thesauro,
 fundamentum bonum in posterum, ut
 apprehendant æternam vitam. Tem-
 poris rerumque angustia vetat in hac
 materia ulterius progredi, ideoque pau-
 cis his finem imponens, enixe rogo,
 velit C. L. leviuscula hæc, pro solito
 favore, benigne interpretari.*

2) *Curt. Lib. IV. c. 2. a) De tranquill. An-
 imi, c. 8. b) Epist. II. c) vid. Lib. II. c. 5.
 d) 1. Timoth. VI. v. 17, 18, 19.*

Soli DEO Gloria.

S. C. F. N. 4.

DISSERTATIO HISTORICO-POLITICA

De

PUNCTO.
OCCASIONIS.

Quam,

Cum consensu Amplissimæ Facultatis Philos. in Regia Upsal. Acad.

PRÆSIDE

CELEBERRIMO VIRO,

DR. JOHANNES

SEMMARSON /

Eloquent. & Polit. Profess. Reg.

& Skyttian.

Publice ventilandam sistit

NICOLAUS PACQUALIN

DALEKARLUS.

In Aud. Gust. Maj. ad d. XII. Decemb.

An. MDCCXXII.

Horis ante meridiem solitis.

UPSALIÆ, Literis WERNERIANIS.

S:Æ R:Æ M:TIS
SUMMÆ FIDEI VIRO
Perillustri Generosissimoq;

BARONI ac DOMINO,

**DN. OTTONI
REINHOLDO
STRÖMFELT,**

**Territoriorum Magni
Cuprimontii Sæterensis & Næs-
gardenfis, nec non utrius-
que Dalekariæ**

**PRÆSIDI & GUBER-
NATORI**

Exoptatissimo.

MÆCENATI MAGNO.

Ne. Quæso,
Indigne. Feras,
PERILLUSTRIS. Ac GENEROSISSIME, DOMINE.
Quod. Ego.
Inter. Musarum. Cultores. Infimus.
Audaces. Adeo. Gressus.
Ad. Illustres. Tuos. Lares.
Moliri.
Atque. A. Tuo. Splendidissimo. Nomine.
Lumen. Obscuris. Hisce. Pagellis.
Fornicari. Ausim.
Solito. Enim. Tuo.
Erga. Literarum. Cultores. Favore.
Et. Gratia. Celebratissima.
Aditum. Mihi. Hæsitanti.
Pandente.
Veniamque. Pollicente.
Fretus.
Piz. Mentis.
Venerabundique. Animi. Tesseram.
Ad. Pedes Tuos. Deponere.
Hocque. Qualecunque. Sit.
Tenue. Ac. Impolitum.
Tibi.
Mæcenæ. Magne.
Cum. Omnigenæ. Felicitatis.
Calidissimis. Votis.
Sacrum. Facere. Argumentum.
Ausus. Sum.
Diu. Itaque.
Carum. Patriæ. Pignus.
Clientum. Præsidium. Certissimum.
Vivas. Valeas.
Itemque. Faveas.

**PERILLUSTRIS & GENEROSISSIMI
NOMINIS TUI**

cultori humillimo
NIC. PACQUALIS.

Maxime Reverendo
DN. JOANNI
S. S. Theologiæ DO-
Theoret. PROFESSORI, in Re-
berrimo, PASTORI in Nâas
Optimo, Ex-

Ita summa animi veneratione
Plurim. Rever. & Præclarissimo
VIRO,

D.N. ANDREÆ
BARCHÆO,
PASTORI & PRÆPOSITO in
Norberg & Wâstanfors/ longe
meritissimo,
Patruï loco mihi omni honore ætatem
suspiciendo.

R Udem hanc Occasionis delineâ-
in se collata beneficia, grati a-
perennaturæ prosperitatis voto

devotissimus atque

N.

Amplissimoque DOMINO,
STEUCHIO,
CTORI, atque Philos.
gia Academia Upsaliensi, Cele-
vigilantissimo, ut PATRONO
optatissimo.
ad cineres colendo.

Amplissimo atque Spectatissimo

VIRO,
DN. JOHANNI
URLANDER,

Universæ Dalekarliæ CAME-
RARIO Provinciali Laudatissimo,
NUTRITIO meo propensissimo

*Quovis observantiae cultu semper
prosequendo.*

tionem, in devoti, obque insignia
nimi *ΤΕΚΝΕΙΟΝ*, cum omnis generis
sincero, dicat & consecrat

observantissimus cultor
P.

Den
Högachtade och Wälbetrodde
HEEREN/

Befallningsmannen wid Stora
Kopparbergs Låhn

Herr DANIEL SCHREY,
Min Högåhrade f. Fader/

Så och
Åhreborne och Högwärdacht. HEEREN/
Bergsmån wid Stora Kopparberget/
Herr EGGERT LUNDSTRÖM.

Samt
Herr JOHAN PACQUALIN,

På tiden sig til gagn försigtigt bruka kunna /
När lyckan låglig stund/doch til alt årbart/unnar/
Det är en ådel konst / som mycket godt bestiärt
Ein Måstar' allan tid/then hwar man doch ej lårte.
Min swaga fiäder har sig dristat der til gifwa /
Att litet här om slikt et finnes snille skrifwa:
Men hwad tro wiljan blåt / ell' biuda til förslår/
När krassten sådant wårk fullborda ej förmår?
Jag härwid endast wil mig stelf en tina påminna /
Dch sågnar mig / at jag nu mänd tilfålle finna /
Att allmänt godhet all / som J mig städs bewist /
Beprija med det lof / jag hårtils hemligt hyst.
Fördenstal nu til prof utaf et tacksammt sinne /
Uptan et papers wårck / skönt J än skolen finna/
Det gästwan mager är; Förmågan är ju swag /
Men wiljan är doch god / den anser / beder jag.
Min önskan och min bön i allan tid skal wara /
Det wille Himlens Gud sin nåde icke spara
För Ehr/ min Fader kiär och Bröder såta Twå/
Men altid låta Ehr alt godt här niuta så!
Önskar en lydig son och trogen broder
N. P.

Viro - Juveni ,
Eruditissimo ac Politissimo ,
D. NICOLAO PACQUALIN,
Amico & Populari Honoratissimo ,
PUNCTUM OCCASIONIS
Eleganter Delineanti.

A Ut nocet , aut prodest occasio rapta , relictæ ;
In puncto felix seu male prosper eris.
Non patitur quicquam fieri , qui temperat orbem ,
Quod non arbitrio diriget ille suo ;
Libera terrenis quin sit tamen optio rebus
Impedit haud , alias imperiosa , Manus.
Promoveri aut tardat cito sic data commoda quisque ,
Atque suæ sortis causa , faberque manet.
Sedulus hæc castæ monstras , PAQUALINE , juventas ,
Ut punctum prudens commoditatis ainet.
Advolet in gremium PAQUALINI occasio dives ;
Nec temeros attus deferet ille Deus ,

LAUR. WICANDER.

UT eo magis instituti nostri ratio
 circa præsentem materiam, Tal
 constet, paucis nominare volumus
 quod in V. capita tractationem ejus divisi
 mus: quorum Primum Expositionem
 tituli Nominalem & Realem contine
 In 2:do Circumstantias exponimus, qu
 ad occasionem producendam, velut in
 puncto, coincidunt. In 3:to Cap. Vim
 ejus tam in vita publ. quam privat
 monstramus. In 4:to cap. varias Quæ
 stiones morales & Politicas movebimus
 ut constet, an, vel quatenus, qualibet oc
 casione data uti liceat. In 5:to Vim ejus
 & efficaciam in rebus militaribu
 declarare animus est. Sed cum opus, in
 ter elaborandum, fere ultra modum &
 opinionem crescere videretur: hæc duo
 ultima Capita in aliam occasionem, D.
 V. reservare coacti sumus. Interea ut
 conatibus nostris faveas, & pauca hæc
 ce, quæ nunc a nobis eduntur, æqui
 bonique consulas, enixe rogamus.



1. N. 7.

DE OCCASIONE.
CAPUT PRIMUM.

- §. I. Occasionem Deam veteres fuisse, demonstrat,
- §. II. Dominari illam in cunctis rebus humanis,
- §. III. Derivationem vocis sistit,
- §. IV. Definitionem ejusdem,
- §. V. Breve explicationem vocabulorum in frontispicio adhibitorum, & duplicem acceptionem occasionis exhibet,
- §. VI. Differre eam ab opportunitate, quæ in rebus proprie spectatur.



Eteres genti-
les, supremum
Numen vel i-
gnorantes, vel
eidem, ceu o-
mnis bonitatis
fonti, debitum

honorem præstare negligentes, in-
numeros sibi finxerunt deos, illumq;
ad honorem, quicquid illis magnum
& insolitum obvenisset, evexerunt.
Nec mortales solum hoc summo
honore dignati sunt, eosque fato
jam defunctos, qui, vel corporis mo-
le, vel ingenii excellentia, vel re-
rum gestarum claritate, admiratio-
nem sui excitassent, & quod maxi-
me absonum videtur, omni inter-
dum vitiorum genere refertos, ut
homicidas, fures, adulteros & ejus-
modi tarinæ alios, sed &, quod mi-
reris, animalia bruta, & ne quid
vesaniæ deesset, res inanima-
tas

tas abjectissimasque in deorum
 repoluere, numerum: eorumque
 memoriæ aras vel statuas erectas
 dedicavere, figuris & imaginibus di-
 versas specie adornatis, adumbrarunt,
 quæ cuique maxime conveniret,
 ejusque naturam, indolem & res,
 quas fingeant, gestas, quam aptis-
 sime exprimeret. Sic iidem vete-
 res gentiles, & præcipue Lacedæ-
 monii, Fortunam deam vocarunt,
 eique omnem potentiam & vim hu-
 manarum actionum attribuere,
 eidem, pro feliciter transactis even-
 tibus, gratias egere. Si vero quid
 adversi, præter opinionem, eve-
 niret, de Fortunæ statim crudeli-
 tate querentes, temerariam adul-
 teram, arrogantem, stultam & im-
 misericordem novercam illam nun-
 euparunt: cumque nihil illius in-
 constantia constantius deprehende-
 re sibi viderentur, cum sine judi-
 cio, & bonis & malis, sua bona
 distribuere videretur, eosque, qui
 A 2 illam

4
illam maxime colerent, sæpe præter-
ire, contemptoribus vero suis & igna-
vis adhærere, nec non, quos primo
maxime evexerat, mox ad infima
detrudere, *indulgentia nunquam fa-
tigata*: a) hinc illam nudæ &
occlusis oculis, cæcæ mulieris effi-
gie, insistentis rotæ vel globulo
rotundo, quovis momento sese
circumvolvendi, firmiter stare ne-
scio, convenientissime pingi posse
debereque putarunt. Id quod Ovi-
dius hisce versibus exprimit:

*Passibus ambiguis Fortuna volubilis errat,
Et manet in nullo certa tenaxque loco.*

Similiter quoque Occasionem (cujus
illa quasi mater est, hanc sæpe ne-
gligentibus & ignavis suppeditans)
deam veteres Romani finxere, Græ-
ci vero deum, quem *καὶρόν* appel-
larunt. Varias autem hujus effigies,
passim apud ejus cultores, conspi-
cere licet: quorum plerique illam
a fronte capillatam, a cervice cal-
vam

a) *Curt. lib. 8. cap. 3.*

vam posuere, rotæ volubili, & celerissima vertigine se huc atque illuc circumagenti, insistentem: cujus pedes idcirco alati essent, dextra in dorsum retorta, novaculam acutam tenentis manu. Vestigiis ejus inhærebat puerulus quidam, lugubri, & quævis tristitiæ signa præferente vultu, nomine Metamelon. b) Quo commento indolem & brevitatem occasionis delineare voluerunt, quod sc. si, quando se offerat, arripiatur & observetur, inestimabile ejus est momentum, ad perficienda, quæ animo destinaveris; sed etiam admodum brevi favor ejus duret spatium: ut si quis illam oblatam præterire permittat, celeriter, alipes quasi, e manibus elabatur, & frustra inde quæratur: cum, quasi acuta novacula, cuncta itineris impedimenta rescindat &

A 3

remo-

b) vid. Anonymi *Exsiliium Melanchol. tit. Belegenheit.* & Katz, *Emblem. Mor.*

removeat, ut non possit reprimi.
 nec aliud quam poenitentiam, quæ
 hac ratione ejus comes fingitur, re-
 linquat. Unde etiam celerrimæ
 aquilæ eam nonnulli assimilarunt,
 quæ ad pedes advolans, a quolibet
 capi potest: si vero aufugiat in al-
 tum, eos, qui ipsam persequuntur,
 ridet, nec ut ad eos redeat, in a-
 nimum induxit. c) Huc pertinet
 etiam epigramma illud Ausonii:

*Cujus opus? Phidiæ, qui signum Pallados
 ejus,*

*Quid? Jovem fecit: tertia palma ego sum.
 Sum Dea, quæ rara & paucis Occasio nota.*

*Quid rotulæ insistis? Stare loco nequeo.
 Quid calaria habes? Volucris sum: Mer-
 curius quæ*

*Fortunare solet, tardo ego, cum volui.
 Crine regis faciem? Cognosci nolo; sed beus
 tu,*

*Occipite calvo es? Ne tenear fugiens.
 Quæ tibi juncta comes? Dicat tibi, Dic ro-
 go quæ sis?*

*Sum Dea, cui nomen nec Cicero ipse dedit.
 Sum*

c) Heidfeld. Sphinx Theol. p. 149.

Sum Dea, quæ facti non factique exigo pœnas.

*Nempe ut pœniteat, si Metanœa vocor.
Tu modo dic, quid agas tecum? Si quan-
do volavi,*

*Hæc manet: hæc retinent, quos ego præ-
terii.*

*Tu quæque dum rogitas, dum percontando
moraris,*

*Elapsam dices me tibi de manibus.
Hinc etiam tritum illud Catonis:
Rem, tibi quam nosces aptam, dimittere
noli,*

*Fronte capillata, post est occasio calva.
Sic etiam simulachrum ejus ple-
rumque depictum videre est in
frontispicio Satyrici Barclaii.*

§. II.

Dominatur autem occasio in
cunctis rebus humanis, d) aggres-
surosque aliquid permultum juvat. e)
Unde septem Græciæ sapientes,
dum quisque sententiam quandam,
in modum symboli elegerunt; ut
alius hanc: τὸ τέλος ὁρᾶν μακρὸν βίῃς:
i. e. *Spektare vitæ jubeo cunctos termi-*

A 4

num:

d) Polyb. hist. l. 9.

e) Thucyd. l. 3.

num: alius aureum illud, Γνωθὶ σεαυ-
 τὸν: alius μηδὲν ἄγαν, *Ne quid ni-*
mis, assumeret; non absque ra-
 tione egregiam illam, γνωθὶ καὶ
 γὰρ: *Nosce tempus*, Pittacus selegit:
 quam sententiam etiam, inter re-
 liquas, singulis januis Fani Apolli-
 nis Delphici inscriptas, primum
 tenuisse locum traditum est. Mul-
 tum quia interest, idem illud u-
 trum ante, an post, decernatur &
 suscipiatur: nec major est sapien-
 tia, quam in tempestivis negotio-
 rum auspiciis principiisque eligen-
 dis. Num autem aliquid ab his di-
 versum sacra nos pagina docet,
 quæ non tantum certiores nos fa-
 cit, cuncta sub sole, vitam & mor-
 tem, secunda & adversa, tempus
 sibi conveniens agnoscere, *f)* ei-
 demque & fortunæ multa deberi: *g)*
 verum etiam alio nos loco horta-
 tur, *ut tempori inserviamus*, *b)* se-
 curitati

f) Eccles. 3. 1.

g) ib. 9. 11.

b) Rom. 12. 11.

9
curitati nos non tradamus, aut de
craftino gloriemur: cum nemo cer-
te scire possit, serus quid vesp̄er ad-
vehat: i) quin potius quāmdiu vox
illa, *Hodie*, aures nostras perstringit,
rebus nostris consulamus. De ce-
tero sane obveniunt mihi hic illi
morbis laborantes variis ad Bethes-
dam: k) qui, quamprimum mor-
bi pellendi copia & occasio illis da-
ta est, per angeli descensum, certo
tempore aquam tangentis, mox ad
illam quisque primus pervenire,
quasi æmulantes, documento nobis
esse videntur, magnam vim esse
temporis, & occasionem in puncto
captandam esse.

§. III.

Cuique autem in aprico esse e-
xistimo vocabuli hujus, quod in ti-
tulo comparet, etymon, atque de-
rivationem: adeo ut non necessum
ducam, multis ostendere, vel pro-

A 5

bare,

i) *Syr.* 18. 26.

k) *Job.* 5. 3.

bare, natales ejus referri ad antiquū illud verbum *occido*, penult. correpta, quod ex *ob* & *cado* compositum, non solum perire, interire, cadere, descendere &c. significat; sed & interdum idem nobis est, ac *obvenire*, *offerre*. Unde *Occasio* dicitur, quasi *ob causam*, vel *ob casum*, *incidens*. Hinc pro *occasione* veteres *obcasum* dixere, teste Festo, & sicut a *svasum* est *svasio*, ita ab *occasum* est *occasio*. l)

§. IV.

Interroganti jam, quid sit *occasio*? respondemus, variè apud varios hanc definiri. A quibusdam enim dicitur *commoda effectrix magnarum rerum*; ab aliis *operis optima magistra*, vel *cujusvis incepti felix artifex*. m) Aliis *vite communis tanquam amanuensis* est, ea, quæ ad propriam

l) *Vossii Lex. Etym. item Becm. de origin. ling. Lat. aliquæ Lexicographi.*

m) *Reinhard. ad lib. 3. Polit. Lips. c. 8. n. 4.*

*priam cuiusque fortunam ampliandam
 , faciunt, suggerens. Quæ primum an-
 , sam vasis porrigit, deinde ven-
 , trem, & instar Sibyllæ minuit obla-
 , tum, pretium auget. n) Aliis porro
 anima actionum o) &c. Nobis haud
 inepte describi posse videtur per
 Opportunitatem rei prospere gerendæ,
 concurrentibus omnibus circumstantiis
 ad hoc requisitis, quæ si semel negli-
 gantur, frustra inde quærentur. p)
 Cum quo incidit illud Ciceronis. Oc-
 casio est pars temporis, habens in se ali-
 cuius rei idoneam faciendi vel non fa-
 ciendi opportunitatem. q) ejusdemq;
 Ciceronis. Tempus autem actionis
 opportunum, græce εὐκαιρία, Latine
 appellatur occasio. r)*

§. VI.

*n) Verulam: de dignit. & augm. scient.
 l. 6. cap. 3. & Serm. Fid. 21. l. 8. c. 2.*

o) G. Pachym. hist. l. 3.

p) Liv. Dec. 3. l. 5.

q) de invent. 56.

r) Offic. l. 1. cap. 40.

Quemadmodum vero in frontispicio dissertationis, duo vocabula, sc. *punctum occasionis* occurrunt; ita neque incommode dici arbitramur, *Occasionem esse punctum temporis opportuni*. Punctum enim, tradunt Geometræ, esse minimam & individuum quantitatis partem, vel corpus individuum, ἄτομον, quod, ob incomprehensibilem brevitatem sui, longitudinis, latitudinis & profunditatis expers, in partes dividi non potest. Hinc sumitur aliquando pro temporis particula, vel horæ momento, σιγμὴ χρόνου. Ita *multorum mensium labor, hostium perfidia & vi tempestatis, puncto temporis interisse dicitur*. s) Unde etiam tritum illud: *Accidit in puncto, quod non speratur in anno; item, Perditur in puncto, quod non reparatur in anno*. Potest ergo occasio etiam non inepte, per analogiam quandam, (si modo

in de-

s) J. Cæs. lib. 2. bell. Civ. cap. 3.

in definitionibus, terminis analo-
gicis uti liceat) dici *punctum*: quip-
pe cujus, ut plurimum, adeo est
breve spatium, angustique limites,
ut extendi vel in dies protrahi ne-
queat, & nisi prima fronte observe-
tur, frustra deinde quæratur. Hinc
Hippocrates: *Occasio est, in qua non
multum temporis est*: sic etiam ab alio
dicitur: *Punctum est, quod vivimus,
& adhuc puncto minus, meritoque ῥηγε-
ρόβιοι dicamur*, i. e. diales. t) Atta-
men hic idem observandum, quod
de reliquis quantitatibus moralibus,
quod cum aliqua latitudine concipi
debeat. Unde etiã occasio dupliciter
sumi potest, I. *Strictiori sensu*, non
nisi pro opportunitate, quæ casu
quodam improvise, vel rarius exi-
stente, provenit: qua si quis perfrui
velit, cito arripienda est, alias con-
festim evanescit. Ex. gr. si candi-
datus honoris esse velis, qui forsan
vix bene vacabit, antequam suc-
cessor

t) *Phil. Beroald. heptal. Sapient.*

cessor destinatus fuerit. Hæc potissimum in rebus magni momenti valet: de qua scite admodum dixit Imp. Rom. Carolus V. *Cunctationem animam consilii esse: celeritatem executionis: utramque simul junctam esse quintam essentiam Boni Principis* u) & II. *Latiori*, pro quavis temporis aptitudine, siue data, siue industria, consilio vel beneficio cujusdam parta sit: cujus fruendæ laxius spatium dari potest, ita quidem, ut etiamsi forte, per socordiam semel iterumque negligatur, nihilominus tamen illa duret, & velut invito se se obtrudere gestiat. Ex. gr. Filius immorigerus, de quo tamen parentis cura non cessat, nullis impensis parcitur, ut homo frugi evadat. Quod si inemendabilis, vitæ morem dissolutum continuaverit, donec mortuo parente, bona dissipata sint, optimus vitæ flos perierit, donec ipse homo nauci, & ad omnia

u) *Piccart. Obj. Hist. Polit. Dec. 18. c. 6.*

omnia ineptus, pro purgamento societatis habeatur: hic talis optima occasione melioris vitæ, & fortunæ faciendæ, fœde abusus dicitur: quæ tamen satis longo tempore, ab ineunte ætate, forsan ultra juventam, duravit.

§. VI.

Quanquam autem *Occasionem* describimus per *opportunitatem*, late & fere improprie sumtam; in strictiori tamen sensu, hæc inter, differentiam quandam deprehendimus: quod sc. illa proprie ad tempus, hæc autem ad rem ipsam spectat; id quod vel ipsa vocum indoles & origo indicare videtur. x)

CAPUT SECUNDUM.

- §. I. Momenta & partes, quas præcipue continet occasio.
- §. II. Objectum ejusdem.
- §. III. Inter circumstantias ad occasionem aliquid conferentes, esse tum locum,
- §. IV. Tum præcipue tempus.
- §. V. Facultates & vires agendi ad progressum obtinendum inservientes.

§. I.

x) *Conf. Reinh. ad Lips. Lib. 5. Pol. c. 16.*

Illa itaque (Occasio) in actibus vitæ communis spectatur, vel in circulo rerum contingentium, cuius centrum (ut similitudine analogica, a puncto sumpta, amplius utar) est ipsa commoditas heic & nunc data, ad aliquid prospere agendum, cuius non majus est spatium, quam ut in puncto quasi consistat, quod in partes dividi nequit. Peripheriæ similitudinem, quæ in circulo facile extendi vel contrahi potest, hic haud inepte exprimunt vices rerum humanarum, quæ admodum breves & quavis hora mutabiles sunt: *y*) Circumstantiæ autem, quæ opus promovent, radiorum instar ad Centrum tendentium nobis sunt. Quemadmodum enim lineæ & radii, quotquot fuerint, a peripheria ducti, ad unum tamen idemque centrum vel scopum tendunt, in quo concurrunt; similiter

y) *Curt. 4. 14. 19.*

liter hæ quoque ad opus quoddam,
 vel actionem feliciter peragendam,
 singulæ, mutua quasi auxilii conso-
 ciatione conspirantes, aliquid pro vi-
 rili conferunt. Complectitur autem
 occasio quatuor imprimis momenta,
 secundum Pufendorfium 2) sc. I. *Ob-*
jectum, circa quod actio est suscipi-
 enda. II. ut adfit *commodus locus*. III.
opportuum tempus. & IV. *facultates*
agendi, viresque naturales. Cum
 quibus coincidit V. *status & conditio*
 tam agentis, quam ejus, cum quo
 negotium est, sive in vita publica
 sive privata. VI. *modus agendi*. No-
 tatu digna in hanc rem sunt verba
 Scipionis Amirati: a) *ut nunquam*
deceat nos, qualibet occasione, tempore,
exemplo, prava agere; sic in quacunque
re, etiam optima, quæ agenda sit, consi-
derandum est, an exitum sortitura sit, an
tempestive agatur, an præsentibus tem-
poribus congruat, ne absque ulla ullius
utilitate, opus irritum, sæpe periculosum,

B

& in-

2) Pufend. de J. N. & G. l. 1. c. 5. §. 5.

a) Discurs. in C. Tacit. lib. 16. disc. 2.

& incipienti exitiale aggrediamur. Et paulo post: Audita, lectave exempla statim imitatione digna ne putentur; sed etiam atque etiam perpendantur, an iis tempora conveniant, in eumq; modū consilia sua quilibet disponat, ut ea non aggrediatur, quæ sibi noxia, ceteris minimum prodesse valent.

§. II.

Ut autem eo evidentius constet, quantum ad occasionem, vel lautam & capillatam, vel calvam, illæ modo nominatæ circumstantiæ conferant, singulas earum paucis expendere lubet. Et primo, quod ad *Objectum* attinet, illud, secundum philosophos, est vel *Reale* vel *Personale*. Prius illud constituit ipsam *materiam circa quam* actionis, quam vel factum naturale, vel hominum, five industria, five neglectus præstat: quæ ubi sese præsentem sistit, scite & prudenter captanda est, ne neglectus pœnam sero illam arripiens luat. Sic si justa & opportuna tempora

pora arandi, sementa faciendi, fæni
 secandi, agricola neglexerit, parum
 lætam messem faciet. Si piscator
 lascivientium piscium copiam ne-
 glexerit, vix illa, per totum deinde
 annum, & forte plures, tam ubere
 proventu dabitur. Si navita fere-
 nam tempestatem, & ventos feren-
 tes, captare nelciat, habet quod sibi
 imputet, si dein intempesto mari
 periclitetur, vel naufragium fecerit.
 Circa objectū Personale considerari
 solet, utrū actio circa illud instituen-
 da, in bonum, vel commune utriusq̃,
 vel alterutrius vergat, utrum con-
 tra ad malum avertendum, vel in-
 terendum tendat. Sic si honestam
 feminam ambire volens proculus,
 tardiusculus & vacillans cunctetur,
 donec vel ipsa in contrarium mu-
 tata, vel dotata, & ab alio domum
 ducta sit, occasio fortunæ inde fa-
 ciendæ tota evanuit, nunquam forte
 reditura. Si hostem infirmum, &
 ad pugnam invalidum ac impar-

tum, dux belli aggredi neglexerit, donec viribus reparatis, atrocior accedat, frustra conqueritur, quod victoria sibi excidit e manibus. Si Macedonib⁹, terrore perculsis, tempestive supervenisset Darius, si Romanis in Gallia Ariovistus, longe diversum forte exitum res Alexandri in Oriente, J. Cæsaris in Galliis habuissent, & utriusque horum isti fundamento superstructa imperii magnitudo. *

§. III.

Ad actionum diversarum commoda publ. vel privata, & prosperos effectus, vel promovendos, vel impediendos, non parum *Locus* valet; ubi illarum indoles & natura talis est, ut ex loci commoditate, vel iniquitate, vel auspicio dependeat. Prudenter hoc observasse videntur primi urbium conditores, qui in locis maritimis, vel ad magna flumina, illas potissimum sitas voluerunt, quæ opibus & commerciiis

* J. Cæs. de B. Gall. l. 1. c. 9. Q. Curt. l. 4. c. 12.

ciis florent, contra in locis montosis, præruptis & inviis, quæ præsidio & robore valerent. *b)* Qualis urbium vel olim vel nunc potentissimarum, Athenarum, Romæ ac Venetiæ condendarum fuerit occasio, egregie monstrat Machiavel-
lus c) Scite admodum, ex imprudentia Spartanorum, occasionem captavit Themistocles, Piræeum, commoditate animadversa portus, exstruendi, totamque urbem & terram ad mare adcommodandi, contrariamque sectam in civitate, ac veteres Atheniensium reges, instituendi. Quæ res populi potentiam tantum auxit, ut libertatem melius deinde tueri, reliquis Græcis, vel præsidio, vel formidini esse possent.

B 3

possent.

b) Aristot. lib. 6. Polit. cap. 5. & 6. Scip. Amirat. Disc. in C. Tacit. lib. 12. disc. 5. Job. Boter. de Caus. magnitud. civit. l. I. conf. Nic. Burenstiöld dissert. de Prærogat. Rerum public. ex Situ Th. 12.

c) lib. I. de republ. cap. I.

possent. *d)* Post Romam a Gallis captam, & incendio vastatam cum desperatio, de urbe instauranda, plebem omnium rerum egenam incessisset, Vejos respicientem, urbem omnibus instructam rebus, & stantem; ut pene ad seditionem res vergeret; callide occasionem Camillus, ex auspicio loci, sumfit, incidente forte voce centurionis, qui cohortem ducens per locum consilii, ad primipilum exclamavit, ut ibi maneret, signumque statueret: *κάλυψα γὰρ ἐνταῦθα καθεδεῖσθαι καὶ μένειν. i. e. Optime enim, inquit, hic manebimus*: quo etiam Senatus exhortationes addidit, nunc monumenta & sepulcra majorum ostendens, nunc subjiciens fana & loca sacra, quæ Romulus, Numa, aliive reges sacraverant, atque ipsis reliquerant. Ipse vero Camillus, inter prima sacra, recens caput proposuit, quod in moliendo Capitolii fundamento

d) Plutarch. Themistocl. p. m. 121.

mento inventum, locum illum, portendisset, caput Italiæ fore: nec non Vestæ ignes, a virginibus post bellum accensos. Ex quibus omnibus, mirifica, in plebe, consecuta voluntatis mutatio est: ut intra annum nova tum mœnibus, tum privatis tectis, staret urbs. *e)* Credendum quoque est, sequentibus temporibus, illam de auspicio loci, in quo condita urbs stabat, persuasionem, non minus, quam omnia prodigia cetera, & profanæ superstitionis commenta, Romanis, ad magnas res audendas, stimulos addidisse. In rebus militaribus, quantum momentum, in locorum opportunitate, situm sit, de eo postea dicendi occasio dabitur.

§. IV.

Ceterum in rota occasionis, præcipuum sibi momentum *Tempus* vindicant; cum nihil non fiat in tempore: quod sicuti quovis momento

B 4

labi-

e) *Plutarch. Camill. p. m. 144. 145.*

labitur, & velut in orbem agitur,
 ita innumeras rerum sublunarium
 humanarumque, vices gyro suo
 volvit. Unde egregie Seneca *f)*
 “Quid fieri soleat, quid oporteat,
 “in univ[er]sum & mandari potest &
 “scribi: tale consilium non tantum
 “absentibus, sed etiam posteris da-
 “tur: illud alterum, quando fieri
 “debeat aut quemadmodū, ex lon-
 “ginquo nemo suadebit: cum rebus
 “ipsis deliberandum est. Non tan-
 “tum præsens, sed vigilantis est,
 “occasionem observare properan-
 “tem. Itaque hanc circumspice:
 “hanc si videris, prende: & toto
 “impetu, totis viribus id age. Sed
 cum servanda & occupanda, in re-
 bus, consiliisque aut capiendis, aut
 explicandis, jubemur tempora,
 non tam de horis anni & tempesta-
 tibus, aut noctiū vicibus, dierumq;
 (quāquā has quoq; considerare quā-
 doq; oporteat) suscipienda cogitatio
 est; quam eo intendere necesse est
 animum,

f) Senec. Epist. 22.

animum, quæ fiunt in tempore, & adjuvare, quæ agitamus, ac profligari feliciter queant, aut impedimento iisdem ac noxæ sint. Quapropter in statum rerum præsentem conjicere acriter oculos, & intueri oportet in mores hominum, in animorum habitus, & hi quid ferant, aut averfentur, colligere scienter. In nosmetipsos descendendum denique est, & incorrupta æstimatione pensandum, quæ & nunc adsint ad manus, & in futurum suppetant opes: quibus quantisque, & quam fidis ac certis nitamur auxiliis: ne aut incipiamus male, instructi non satis, aut deseramus incepta turpiter, defecti ac destituti. g) Licinius Mucianus occasione utendum ratus, oportune cauto & subtimido seni Vespasiano perſuafit, ut vago & fluctuanti, inde ab excessu Neronis, imperio o-

B 5 pem

g) *Reinb. Theatr. prud. elegant. lib. 3. cap. 5.*

pem adhiberet, & suæ in capeffen-
do imperio auctoritatis rationem
haberet. Omnino enim tunc, ad-
flicta nutansque respublica, novo
ac firmiori præsidio egebat, quam
Vitellius, soluta belli disciplina,
torpore & luxu perdidit, famamq̃,
in qua permagnum ad res geren-
das momentum est, incaute negle-
xit, & indecore amisit. Quod
consilium Muciani eventus etiam
adprobavit. *b)* Perquam simili ex-
emplo, inclutus ille magnæ Britan-
niæ Rex, Wilhelmus III. occasione
captavit, vindicandi libertatē impe-
rii & religionis, apud Anglos: quod-
si paulisper cunctatus fuisset, donec
subsidiis externis firmatus Rex Ja-
cobus fuisset, illa plane excidisset
e mani-

*b) Tacit. 2. Hist. cap. 26. Sveton. Vi-
tell. cap. 10. Xiphil. Epit. in Vitell.
Schurtzfl. diss. Mucian. auctorit. Princ.
consulens §. 3, 4. &c.*

e manibus. *i*) Contra erravit Demosthenes, cum sua & superiora tempora non distingueret, & pravo studio tantum in præteritis insisteret, neque consilia, ut par erat, rebus præsentibus adcommo-
daret. Fide quidem & amore, in Athenarum rempubl. cum Themistocle olim certare potuit, sed in ea tempora incidebat, quæ, mutata reipubl. facie, alium agendi svadendique modum poscebant. *k*) Infelix ejus imitator Cicero, alias summus vir, inter alia in eo fuit, quod libertatis restitutionem in ea civitate sperabat, quæ libertatis nullo modo capax erat: *l*) quando nullum aliud discordantis patriæ remedium erat, quam ut ab uno rege-
retur

i) *Guy Miede* Groß-Britannischer Staat. 1. Th c. 29. §. 4. Friedr: Leuth. von Franckenb. Europäischer Herold p. 2. pag. 175. *k*) vid. Schurtzfleisch diff. cit. §. 2. *l*) Bæcl. Charact. Polit. Vellej. cap. 4.

retur. Nec tempori prudentius
 inserviebat Cato, qui sua àlperita-
 te, maximorum ingeniorum poten-
 tiam irritavit potius, quam impe-
 divit: cum longe consultius fuisset,
 studium reipubl. aliqua mansvetu-
 dine temperare, impetuque & di-
 recta contentione discussa, obliqua
 & dissimulata arte, communis salu-
 tis scopum attingere. Iam enim eo
 perventum erat, ut plerique, inho-
 nesto & pernicioso consilio, poten-
 tiæ paucorum, decus atque liber-
 tatem suam gratificari cuperent:
 ceteri frustra nitebantur, neque ali-
 ud, se fatigando, nisi odium, imo
 interitum quærebant. *m)*

§. V.

Vidimus jam circumstantias,
 quibus circulus occasionis volvitur;
 sequuntur nunc *facultates & vires*
agendi, quæ ad progressum effica-
 citer obtinendum inserviunt, ideo-
 que probe ponderandæ sunt, ut si
 iis

m) ibidem.

iis præpolleas, occasionem optimam, exinde velut sua sponte prognatam, minime dimittas; sin imbecillior sis, caute illi inhies, ubi forte serena facie emicans, nunc fortiter instandum esse proposito monet. Hac arte vel imbellis homuncio Milonem Crotoniatem prosternere poterit; In pugna enim, fatali, aliquid adversarii vultus, aliquid manus mota, aliquid ipsa inclinatio corporis, intuentem monet. n) Scite hoc exprimere veteres voluerunt, per fabulam culicis taurum pungentis: ut fortissimo cuique, etiam ab invalido, periculum sit, ubi hic oportune occasionem datam captare sciverit. Vi- res autem sunt vel *animi*, vel *corporis*, vel *rerum externarum*: in quarum applicatione ad usum, probe attendendum est, utrum quæ opera suscipienda sunt, possibilia sint, an nimis ardua & impossibilia, utrum

curiosi-

n) Senec. Epist. 22.

curiositatem magis sapiant, & fructum promittant perexilem. o) Tuum vero est exinde prospicere, quomodo agendum sit. Omnia hæc tamen parum profunt, nisi occasio, a fortuna data, efficaciter illa promoveat, secundum sapientissimum illud Salomonis dictum. Annibal in Italia manum circumduxit, magis latronum cætui, quam justo exercitui similem: contra quem 80000. Romanorum lectissimæ juventutis, consul Varro, una cum L. Paulo, ad Cannas, in aciem produxit. Annibali, qui in omnem imminebat occasionem p) ecce quam lautam, in ipso ardore conflictûs, fortuna subministravit. Error equitibus Romanis est mirus oblatus. Paullum equus vulneratus excusserat. Tum ex cohorte ejus, alius post alium, omissis equis, ut con-

o) *Bac. Verul. de Augm. scient. lib. 2. præfat.* p) *Plutarch. Fab. M. p. 180. 183.*

ut consulem protegerent, ad pedes
 descenderunt. Id cum reliqui equi-
 tes perspexissent, tanquam signo
 dato, ex equis omnes devolantes
 congregiuntur cum hostibus. Quo
 viso, Annibal, τῆς, ἔφη, μάλλον
 ἡ ἐξλόμην, ἢ εἰ δεδεμένους παρέλαβον. i. e.
*Hoc, inquit, malim, quam si victi
 mihi traderentur.* Unde strages Ro-
 manorum secuta est, post homi-
 num memoriam, inaudita: nam
 50000. una cum Consule Paulo,
 cæsa fuere, 4000. capta, & sub
 pugna, in utrisq; castris, non minus
 10000. Varro solus, cum paucis e-
 quitibus, perfugit. q) Et tantam
 ea victoria conversionem fecit An-
 nibalis rerum, ut qui ante hoc præ-
 lium, non urbem, non forum, non
 portum haberet in Italia, sed diffi-
 culter & ægre necessaria suppedi-
 taret suis, rapiendo, nullo firmo
 ad bellum gerendum parato subsi-
 dio, sed palam castra, in modum in-
 gentis

gentis latronum catervæ, huc illuc circumferret, totam tunc pene Italiam ditionis faceret suæ: ut ad eum cum plurimæ & maximæ gentes ultro deficerent, tum illam ipsam, cujus plurimum, secundum Romam, pollebant opes, Capuam, suarum faceret partium. At idem ille, quam turpiter optimam exinde occasionem dimisit e manibus. Nam cum amici, ut infisteret fortunæ, unoque agmine, cum fugientibus hostibus, irrumperet in urbem, incitarent, (die quinto enim victorem in Capitolio epulaturum) ille ad Capuam, & tepentes fontibus Bajas, hærens, otio & deliciis, ac libidinibus, robur aciei suæ turpiter fregit: *r*) ut Plutarchus quidem haud facile, quæ illum a tanta victoria averterit, inire possit rationem: ἀλλὰ μάλλον δαίμονος, ἢ θεοῦ τινος ἐμποδὼν σάντος, ἔοικεν ἔργον, ἢ πρὸς τῷ μέλλησις αὐτῷ καὶ δειλίαις γενέσθαι.

r) Flor. lib. 2. cap. 6. Liv. l. 22. cap. 51.

γενεσσαι i. e. quin potius fortuna,
vel Deus quispiam, qui illi obstaret,
eam ei iniecisse cunctationem & dubita-
tionem videatur s) Romanis sub M.
Marcello Syracusas obsidentibus,
ubi machinas suas & tormenta Ar-
chimedes admovit, adversus eam
vim consistere poterat nemo; sed
tanta trepidatio cepit Romanos, ut
si vel funiculum, vel exiguum li-
gnum, ex muro conspexissent, eo
ipso machinam aliquam move-
re in ipsos vociferantes Archime-
dem, terga verterent fugerentque.
Ceterum cum festum Dianæ Syra-
cusani agerent, eum articulum
captavit Marcellus, ut Syracusanos
in vinum lusumque effusos expu-
gnaret: qua etiam confusione Ar-
chimedes ipse, formis suis, ac de-
monstrationibus, & animo & oculis
intentus, indigna nece inter-
emptus fuit. t)

C

CAPUT

s) loc. cit. in Fab Max. p. 184. t) Plu-
tarch. in M. Marcell. p. m. 307. 308.

CAPUT TERTIUM.

- §. I. Occasionem ad vitam tam publicam quam privatam referri, demonstrat.
- §. II. Utrobique considerari debere status personarum vel rerum incrementa.
- §. III. In vita Privata occasione multa debere res æconomicas.
- §. IV. Secus se rem habere in illis, quæ nobis invitis imponuntur.
- §. V. Ad quæ declinanda, circumspectam valere prudentiam.
- §. VI. Illamque in omnibus adhibendam esse, cujus partes ac officia recensentur.
- §. VII. In ipso denique modo agendi, magnum momentum situm esse.
- §. VIII. Permagni interesse demonstrat, ut prima negotiorum principia circumspecte & prudenter eligantur.
- §. IX. Per connubia & affinitates, occasionem fortunæ faciendæ, sæpe dari.
- §. X. Nec non per favorem Potentiorum, & egregia facinora.
- §. XI. In commerciis magnam esse occasionis vim & efficaciam.
- §. XII. In vita quoque publica, de salvo statu imperiorum ac rerumpubl. multa illi deberi.
- §. XIII. Hinc Rempubl. ut navigium, e ratione tempestatum moderandam esse.
- §. XIV. Consilia, quæ diu perficienda sunt, tempestive inchoanda.

§. I.

Quemadmodum autem res, rerumque eventus, ad vitam vel *publicam* vel *privatam*, illamque vel *civilem* vel *militarem* referuntur; ita quoque occasio ad quemvis statum, & vitæ professio- nem, vim & efficaciam suam expor- rigit, semperque aliquid cum hisce commercii habet. Quomodo enim actio aliqua, vel sors, felix & for- tunata, vel secus, esset unquam, deficiente ad hoc ipsum occasione? quid denique omnis ars, doctrina sapientia, experientia, & conatus quilibet valeret, absque opportu- nitate rei gerendæ? Sane sicut in- dole renitente naturali, invitaque Minerva, omne majoris momenti negotium, frustra suscipitur, quan- tumcunque operis & pretii im- pendas: ita quoque sine hac, intem- pestive, magnas res moliri, non ali- ud est, quam oleum & operam perdere: haud aliter ac piscari in aëre, vel in flumine venari.

§. II.

Ceterum in utraque, tam publica quam privata vita, considerari debet, vel *status personarum* vel *rerum incrementa*. Sic cui cura rei-publicæ demandata est, ei omnino incumbit observare, qua origine singula in civitate ceperint, unde robur & firmitatem, noxam vel damnum acceperit, quasque passa fuerit mutationes: item diligenter inquirere, quæ circa bellum & pacem, leges & decreta, vectigalia & redditus publicos, qui sunt reipublicæ nervi, quorum indiget, & quorum superflua est, &c. attendenda & emendanda sunt. u) Item in illo requiritur, non tantum notitia eorum, quæ domestica sunt, sed & ut earum rerum, quæ foris in aliis civitatibus geruntur, non sit ignarus. Ita in utraque vita observandum & illud est, quemadmodum

u) vid. *Conring. de prudent. cap. 9*
 & 12.

modum una eademque res, non omnibus ad utilitatem apta est; sic neque eadem omnibus esse honesta atque turpia x) non omnia omnibus convenire, alia plerumque aliis expedire & placere. Hinc delectus cum primis habendus locorum, temporum, rerum & personarum, quarum ratio interdum permittit jubetque, quod alias nefas habetur.

§. III.

In vita privata, quantum res œconomicae, aliaeque, occasioni debeant, haud facile dixerim: testatur hoc quivis sollers agricola, qui omnem rustificationem, in agriculturis, sationibus, insitionibus, messibus, vindemiis &c. ut antea a nobis dictum est, iusto tempore exercere, maxime anititur. Medico quis negat in danda medicina incumbere, ut tempestivitate probe observet: nam *temporibus medicina valet* y) contra

C 3

x) Corn. Nep. praefat. y) Ovid. de remed. amor.

tra autem, immatura medicina quid magis in morbis damnosum? Ita si quis ad fores principis supplicem vocem mittere, nec irritus spei abire cupit, valde e re est id tempus observet, quo remissior animo, lætus & indulgentior esse solet: quod ad successus petitionum infigne momentum habet. Plurimos autem, tempore minus apto adeuntes, repulsam ferre, constat. Ita tradunt historici, Vespasianum, eo tempore, in exaudiendis supplicantium precibus, facillimum fuisse, quo in balneum & triclinium prodibat: illamque occasionem, a domesticis, aliisque, valde optatam & observatam fuisse. Exemplo mihi hac in re obvenit haud inepte Musicus, cui cura maxime est, de recto temporis puncto, & in incipiendo & claudendo, nec non interstitiis, quæ *pausæ* illis vocantur, observandis, alias tota perditur harmonia: vel pueri, qui dum ludo illi, quem

quem vocant, *Siöna bo* / tem-
 pus sibi ad recreationem animi &
 corporis datum, impendunt, quam
 accuratissime illud momentum
 temporis circumspiciunt, quo cu-
 stos ille loci conventi exspatiatus
 est: dum subito impetu irrumpen-
 tes, & locum occupantes, de victo-
 ria gloriantur.

§. IV.

Secus autem se res in illis ha-
 bet, quæ nobis invitis, & velut fa-
 to quodam inevitabili, imponuntur,
 utpote malis damnosis, pœnis &c.
 hic enim locum habet illud Germ.
*Henden hat kein hast/Svet. Han kom
 tid nog/ som hängdes vid lüs: nun-
 quam enim, ad talia subeunda, deest
 occasio, sed æque commode hie-
 me, & æstate, hodie quam crasti-
 no die, fiunt. Ad quæ evitanda
 optime sibi consulit, qui occasio-
 nem malefaciendi evitat: quod æq;
 necessarium est dogma, ac bonæ
 occasionis ductum sequi. Sic tradi-*

tur ancillam quandam heram suam
interrogasse, quare omnem supel-
lectilem, omniaque sua bona, ei,
seris occlusa, ita absconderet, ut non
intueri, nedum tangere ea liceret,
idque hisce verbis indignatam:
An ego sum fur? cui illa respondet,
hoc ideo facio, ne posthac fur e-
vadas, si vel maxime huc usque
non fuisti: non enim ignoravit
occasionem sæpe furem facere. Res
enim alias bona, vel indifferens,
occasionem peccandi homini sæpe
subministrare potest, & sic origo
mali per accidens evadit. Sic divi-
tiæ multis noxiæ sunt, quæ per se
bonæ esse possunt; Scythis autem
ignotus pecuniæ usus, ignota sic
quoque avaritia, quia ibidem divi-
tiarum cupido est, ubi & usus. z)

§. V.

Multum vero, etiam in his
talibus declinandis, valet circumspe-
cta prudentia; ubi debita vigilan-
tia

z) *Iust. l. II. c. II.*

tia tempestive adhibetur, ad mala imminencia indaganda, iisque detectis vias omnes præstruendas; ne in effectus, nobis, aliisque exitiabiles, erumpant. Ad quod sæpenumero occasionem optimam fors dextra, velut ex improvviso, exhibet: quæ semel neglecta, gravissimas post se consequentias trahit. Cum, de evertenda urbe & republica Romana, factiones agitabat Catilina, nisi tempestive Romani M. T. Ciceronem consulem creassent, & nisi hic quoque insidias sibi paratas, quas per Fulviam callide expiscatus erat, tempestive avertisset; imprimis vero, nisi ea nocte, quæ cum armatis hominibus, sicuti salutatum, introire ad eum C. Cornelius & L. Varguntejus decreverant, hos janua prohibuisset, a) actum, procul dubio, & de ipso & universa Roma fuisset. Haud minus detestanda erat conjuratio, o-

C 5 mnium

a) *Salust. bell. Catilin. cap. 26. & 20.*

mniū, quæ recentioris & prisci
 ævi temporibus memorantur, con-
 filio, audacia, immanitate, maxi-
 me admiranda, quam quidam Ro-
 mano-Catholicæ superstitioni addi-
 cti, Londini in Anglia, adornave-
 rant: ut pulvere nitrato Vestmo-
 nasterii domui, in qua comitia re-
 gia celebrantur, subjecto, & in
 cellam, quæ throno regali fere sub-
 jecta erat, congesto, Regem Jaco-
 bum, cum familia mascula, & toto
 Parlamento, ejusdem ruinæ invol-
 verent ruderibus. Rex vero sapien-
 tissimus, ex literis, incerto auctore,
 ad Montaquilium regulum per-
 latis, præcipue ex verbis hisce:
*Terribilem conventus iste ictum sentiet,
 nec videbit percutientem: quippe præ-
 terierit periculum haud ocys, quam li-
 teras has exusseris, quid monstri
 in iis lateret, oportune conjiciens,
 quod reliquis, ne somniando quidē,
 in mentem venire poterat, & ex
 mera sagacitate animi sui, ad in-
 quisitionem in cella, quam conju-*
 rati

rati sub Parlamento conduxerant, & triginta sex tonnīs pulveris nitrati oneraverant, instituendam per-
motus, re opportune detecta, & pœna promerita de parricidis sum-
ta, conspirationis monstrum, & in-
de periculum imminens, velut in
puncto, avertit: cui simile nulla
tellus, nulla ætas aluit: quo Rex
cum Regina, parentes cum omni
sobole, ordines totius regni, totum
denique regnum, & in eo innume-
ri innocentes, ut paucorum furio-
rum libidini litaretur, uni exitio,
uno momento destinabantur. *b)*
Plura exempla principum, qui mi-
ris interdum modis, opportune ab
imminente exitio servati fuerunt,
videri possunt apud Richterum *c)*
& Christ. Andr. Brunnerum *. Ex
adverso memorabile est exemplum
Alphonſi VI. Regis Portugalliæ,
qui

*b) Tbuan. lib. 135. Hist. ad Ann. 1605.
1606. c) Axiom. Polit. 117. * de
Fato Theolog. Hist. p. 2. c. 10. sect. 27. §.*

qui feris suis & principe plane indignis moribus, cum in civium odium incurrisset, de eo principatu exuendo, ipsa conjux ejus Maria Francisca Elisabetha, cum fratre ejus Petro, & proceribus, imprimis cum præfecto Schombergio, conspiravit. Accidit autem, ut Regina quodam die in missam itura, literas, quas a Schombergio, de hac scena instituenda, acceperat, in mensa gynæcei oblita esset; quas Rex paullo post superveniens vidit, sed legere neglexit: quibus perlectis, totam fabulam pernoscere potuisset. Itaque hujus tam lautæ occasionis neglectæ gravissimas pœnas luit: nam adulta exinde conspiratione, ipse animo plane fractus, ne quidem manus, ad aliquem factiosorum in vincula conjiciendum, movere potuit; sed regno exutus, & summo mane, de lecto, in carcerem perpetuum abstra-

abstractus fuit. *d)*

§. VI.

Prudentis itaque est, ex occasionibus fructum decerpere : *e)* requiritur enim utrobique, & in publica & privata vita, singularis prudentia, usu & experientia parta: quæ ab Aristotele *f)* dicitur esse *virtus mentis, qua de bonis ac malis, quid ad felicitatem pertineat, bene possumus consulere* : eaque efficit, ut omnia consilio atque ratione agantur. A Cicerone dicitur *esse scientia opportunitatis idoneorum ad agendum temporum*. *g)* Hæc bona malaque, & quæ in vita eligenda sunt, vel fugienda, discernere, præsentibus bonis honestis uti, eorumque experientiam habere, opportunitates percal-

d) vid. *Relations de la Cour de Portugal par Vertot. p. 163. & Budd. Colleg. Hist. Eccles. MS& ab An. 1689 ad An. 1714. p. 152. Joh. P. Ludwigs Erlaut. c. 3. §. 7. e)* Fr. Guicciard. *hist. l. 4. f)* *lib. I. Rhetor. g)* Cic. *de Off. lib. I. c. 40.*

percallere, præterita meminisse, præsentia considerare, futuraque conjectare docet. Quemadmodum enim ea, de quibus quæstio institui solet, vel præsentis, vel præteriti, vel futuri sunt temporis; ita ex conclusionibus quoque & experimentis plurima deducuntur, ut possis de re aliqua pronunciare, se habituram, prout hactenus se semper habuit, ut loquitur Conring. *b)* & paullo post: *Etsi enim, quæ jam præteriere, non solent in deliberationem trahi, frequenter tamen in futurum haud probe consulere possis, nisi noveris, qua ratione, vel constituta vel corrupta, vel correctâ antehac fuerint eadem, de quibus disquiritur, & deliberatur.* *i)* Prudentis autem partes ac munera, Jovian. Pont. recenset esse, & antequam aggrediatur aliquid, & postquam est aggressus, diu multumque & simul omnia considerare, & dis-

b) de prudentia civil. i) idem Conring. p. 236.

“& discretim etiam singula pro-
 “videnterque prospicere, & quæ
 “necessaria visa sunt, apparare,
 “ac nunc cunctari, nunc festi-
 “nare, nunc insistere, nunc cedere,
 “modo incalescere, modo refrigerare,
 “introrsus res ipsas perspicere, ad
 “singula intentum esse, observa-
 “re tempora, loca, personas, res,
 “negotia, inter seque discernere,
 “vertere etiam sese, ut casus, fortu-
 “na, rerum eventa inopinatique
 “exitus tulerint, ac nunc simula-
 “re, nunc diffimulare, modo ne fi-
 “at dolo malo, sollicitari animo, ca-
 “vere ad passus singulos, ne con-
 “cidat, diligentiam ubique summam
 “retinere, cum primis adhibere de-
 “lectum, nec a se ipso discedere.
 “Quæ præcepta servantem, & intra
 præscriptum rectæ rationis se co-
 hibentem, licebit prudenter, pu-
 blice & privatim, cunctis in nego-
 tiis & inceptis sese gerere, atque
 singula, quæ ditioni suæ subiecta sūt,
 omnium

omniū cum commendatione admini-
 nistrare *k)* Quo, etiam referri pos-
 sunt, quæ idem Jov. Pont. de vigilan-
 tia monet: Ut sc. dormientibus ac
 somnolentis tempus frustra elabi-
 tur, suntque ipsi fraudibus expo-
 siti atque insidiis; sic ex contra-
 rio, vigilantibus nullum tempus,
 nullum momentum, frustra ela-
 bitur: minime autem dant ipsi lo-
 cum aut deceptioni incidiisve,
 aut ocio ac desidæ: quemadmodū
 in bello etiam copiarum duces, re-
 rumque administratores, in hac
 ipsa vigilantium fide, custodia &
 diligentia, suam totiusque exer-
 citus securitatem & salutem, no-
 turno præsertim tempore, collo-
 care videntur. *l)* Probe itaque ob-
 servandum ducimus tempus, quod
 meliores, prudentiores, & constantio-
 res nos reddere debet, *m)* ejus autem ja-

Etura
k) Jovian. Pontan. de prudent. l. 4.
 p. 389. *l)* vide auct. citatum de vigilan-
 tia. *m)* Livius Decad. 3. l. 2.

Cura damnosissima est, n) utut a multis nihil vilius tempore habeatur, somno, temulentia, nugis, alea, verbis otiosis, fritillo, chartis luforiis, aut vanitatibus ejusmodi aliis, maximam ejus partem perdentibus, qui idcirco fures temporis merito dicantur. Nunquam autem tempus suis coërcitum angustiiis retinere, vel præteritum revocare poteris, nisi, a fronte, properanti occurrens, in usum convertas tuum.

§. VII.

Prudentiam ita generaliter a nobis, pro ratione instituti, delineatam, tripliciter dividit Verulamius, o) in prudentiam *conversandi, negotiandi, & rempubl.* vel publ. negotia *administrandi*: quæ tres species ad ipsum *modum agendi*, supra a nobis nominatum, pertinent. Adeoque utcunque occasio optima adpareat, utut objectum conveniens, locus, D tempus.

n) *Plat. in Antonio.* o) *de Augm. scient. Lib. 8. cap. 2.*

tempus, viresque adsint, ceteraque
requisita, quæ bonum & prosperum
effectum promovebunt; attamen
in ipso modo procedendi grande
momentum situm est: ne si rudis,
& illotis manibus, ad opus fortunæ
fabricandæ accedas, occasionem
datam nefarie perdas. Contra ve-
ro, quicumque bonis modis proce-
dit, caute & scienter omnia obser-
vat, quæ ad occasionem datam ca-
pillis tenendam requiruntur, is fa-
vore ejus, etiam ubi adversa & con-
traria de cetero videntur omnia,
perfrui, optatum successum adsequi
potest. Ex hoc ipso (modo agendi)
manifesto elucet, utrum sapientia
tua in verum habitum increverit
& maturuerit, an vero tantum na-
tet in cerebro & conceptu, aut ser-
mone jactetur, sed radices altas
non egerit. Siquidem prior, obla-
ta occasione, in qua exerceatur, illi-
co excitatur, accingitur, dilatatur:
adeo ut se ipsa major videatur. Po-
sterior

terior vero, quæ ante occasionem
alacris erat, occasione data, fit
attonita & confusa: ut etiam ipsi,
qui ea se præditum arbitrabatur, in
dubium vocetur, annon perceptio-
nes de ea tuerint insomnia mera,
& speculationes inanes. p)

§. VIII.

Ceterum nusquam major adpa-
ret sapientia, quam in tempestivis
negotiorum auspiciis principiisque
eligendis, secundum tritum illud:
Dimidium facti, qui bene cæpit, habet.
Multa enim aleæ & periculi plena,
cum multis molestiis conjuncta ad-
parent, quæ tamen facile expediri
possunt, ubi satis circumspecte &
prudenter prima initia facta sunt:
ubi opportunitatis maturitas vel im-
maturitas, ad amussim examinata
fuit. q)

Sic in iis, quæ ex gratia
& favore aliorum, in conversatione

D 2

quo-

p) B. Verulam de Augm. Scient. Lib.
8. c. 2. parab. 32. q) Bac. Verul. Serm.
Fidel. 21.

quotidiana & convictu dependent, non parum interest, qualem de se opinionem quisque excitaverit: quæ sive bona & dextra, sive prava & sinistra fuerit, diu animis hæret, ut ægre illam inde avelli patiantur homines: r) adeoque omni opera in id incumbendum, ut quantum honestas permittit, studia aliorum & benevolentiam captet, saltem boni viri opinionem tueatur. Ubi vero res cum magno discrimine, ab aliorum vel æmulatione vel hostilitate conjuncta est, occultanda sunt consilia, & ubi opportunitas maturuit, celeritate utendum, in expediundo; ita ut ab altera parte temeritas vitetur, ab altera sordidia. Callide hoc observavit Sejanus in aula Tiberii, qui incipiente adhuc potentia, bonis consiliis notescere volebat, nec sine ratione considerabat *primas domi-*
nandi

r) *Id. de Augm. Scient. Lib. 8. c. 2, Parab. 17. & 30.*

mandi spes in arduo : ubi sis ingressus ,
 adesse studia & ministros: s) scilicet,
 ubi portæ patentes dominationis da-
 bantur , cum personam Principis
 in manibus habebat , ut de illa pro
 lubitu disponere , in quasvis partes
 illam circumducere posset , prout
 ad illa Taciti verba commentatur
 Traj. Boccalinus. t) Hic etiam e-
 xempli loco Principem Auriacum
 adducit , qui cum partes confœde-
 ratorum Belgarum , contra Hispa-
 nos , susciperet , ut ducem se iis ,
 in jugo excutiendo , præberet , ne-
 gotium suscepit , non solum multis
 maximis periculis , sed & despera-
 tioni vicinum : ut Regi ditionibus
 & potentia maximo , arma oppo-
 neret. Ceterum probe antea pensis
 tatis omnibus , mature rem aggres-
 sus , illam facillime expedivit , oc-
 casionem nactus ex publ. odio , quo
 omnium ordinum homines , in fa-
 D 3 stum

s) C. Tacit. Lib. 4. Annal. cap. 7.

t) Bilanc. Polit. part. I. p. 301.

stum & insolentiam Hispanorum, imprimis ducis Albani, terebantur: & adhuc magis ex favore aliorum Principum, quibus haud ingratum accidit, turbare res Hispanorum in Belgio, ut nimia eorum potentia, civilibus motibus domi occupata, sensimque attrita, ab infestandis exteris interea detineretur: omnium maxime, ex tributo intolerabili Belgis injuncto: quod ut propria cujusque jactura ducebatur, ita ex æquo omnes accendit. Hoc initium vero effecit, ut vires suas mari Hollandi Zelandique discerent. u) Unde cum de hac postrema rebellionis occasione quereretur, scribens ad Margaretam Parmensem Ducem Namurcensis Episcopus, ad extremum confitetur; *Hoc decimæ vigesimæque prelio, entas esse Orangio maritimas Provincias, novumque Principatum. *)*

§. IX.

u) Schurtzfleisch. diss. de Charact. Event. §. 52. *) Fam. Strad. de Bell. Belg. Dec. I. Lib. 7. pag. 357. & 362.

§. IX.

In vita communi occasionem fortunæ faciendæ, sæpe dari videmus, per connubia, affinitates, favorem potentiorum, facinorosa insignia &c. quæ si negligatur, vix denuo dabitur. Quocirca proverbium illud Græcis usitatum, μή καλῶς, καὶ λήψῃ, quo indicare voluerunt, multa quietis obtingere, quæ negentur eadem per ignes & ferrum affectantibus, huc optime adplicari potest: adeo ut fortuna indulgentissima quibusdam mater, aliis dura sævaque noverca videatur. Connubiis contrahendis miras interdum & insperatas occasiones dari, historia tam sacra, quam profana, æque ac quotidiana experientia testatur, ut constet, *conjugia esse fatalia*. Plurima hanc in rem exempla adducit Christoph. Andreas Brunnerus γ), ex quibus

D 4

inter

γ) *de Fato Theologico Hist. part. I. cap. 10, sect. 3. §. 3.*

inter alia concludit, sæpe numero fieri, ut vir egenus, sed egregiis moribus, ingenio & scientia præditus, ne obscurus & ignotus vitam agat, occasionem captet matrimonii ineundi cum uxore, formâ, genere vel opibus bene dotata, & vice versa: unde utrique prospere evenit, ut mulier viri egregiis dotibus, & inde crescentibus meritis, ille uxoris amœnitatibus contentus esse queat. Abigail lectissima femina, quæ Nabali moroso homini & morioni nupserat, quam opportune Davidi occurrit: ut sua prudentia favensque maritum, omnemque familiam ab interitu vindicaret, illoque per divinam vindictam abrepto, Davidis uxor fieret. 2) Idem etiam plurima exempla adducit utriusque sexus; ut Henrici III. qui mira occasione Conradi imperatoris gener, a quo morti destinatus erat, & deinde in imperio successor factus; Primis-

Primislai, qui ex rustico per connubium Lubuffæ, Princeps evenit. Spectasse aliquid simile Canulejus tribunus plebis Romæ videtur, quando simul legem de consulibus ex plebe faciendis, & connubiis patrum cum plebejis rogaret: inquam rem ita, apud Livium, a) consules alloquitur: *Parata vobis plebs est, si connubiis redditis; unam hanc civitatem tandem facitis, si coalescere, si jungi miscerique vobis privatis necessitudinibus possunt: si spes, si aditus ad honores viris fortibus datur: si in consortio, si in societate rei publice esse, si quod æquæ libertatis est, invicem annuis magistratibus parere atque imperitare licet.* Quod si hæc impediret aliquis, minatur, quod nemo sit dimicaturus pro superbis dominis, cum quibus nec in republ. honorum, nec in privata connubii societas est. Per connubia Ferdinandi, Arragoniæ regis, cum Isabella, &

D 5

deinde

a) Lib. 4. cap. 4.

deinde Joannæ filiæ ejus, cum Philippo Archiduce Austriæ, Hispanica potentia tantum crevit, ut formidabilis toti Europæ esset. Haud denique rara exempla conspiciuntur, præsertim inferioris sexus, quibus, occasione fortunæ per conjugia faciendæ imprudenter dimissa, nihil post festum dulcius est, quam refricari memoriam ejus temporis, quo a procis ambiebantur.

§. X.

Idem de gratia potentiorum valet. Ita insperata occasio ad majora emergendi Abdolonymo oblata est, dum invitus, exigua hortum quendam colens stipe, illuvie & sordibus plenus, otia alias præferens regno, ad quod aliis interdum per cædes & incendia grassari, patriam, penates, conjuges, ceteraque omnia in casus & præcipitia dare, parum est, subito Rex Sidonum salutatus est, vitæ necisque omnium dominus factus; ideo quod regiæ stirpi,

stirpi, quanquam longa cognatione, junctus deprehendebatur. *b)* Quam occasionem, si morosus & pervicax elabi sibi e manibus passus fuisset, etiamsi deinde vel centies ad regiam stirpis suæ originem provocasset, illa nihilominus surdas ipsi aures, & calvum occiput advertisset. Ita permultos ignobilibus natos parentibus, & a teneris caprarum contubernales & custodes, occasionis beneficio, ad summum dignitatis fastigium evectos, historia teste, compertum habemus. Apud Turcas haud insolens est, ut ex fece vulgi coqui, stabularii, aliique de grege militum & fervorum, ad magnas dignitates emergant: cum apud eos nobilitas hereditaria non sit. Apud Persas notabile est exemplum cujusdam asinorum ductoris, quem Schach Sefi, Rex, nobilem, dein socerum suum fecit; cui insperatæ promotioni, portio

b) Q. Curt. lib. 4. cap. 1.

tio aquæ frigidæ, quam asellarius iste, Regi in venatione porrexerat, occasionem dedit *c*). Alios videmus ad magna natos, ingenii acumine felices, præpollentes; cum autem auctoritate, gradu, opibusque & aliis requisitis virtuti suæ paribus destituuntur, negligi & nihili duci: si vero fortuna illis aliquando afflaverit, & ingenii sui dotes declarandi exercendique occasio data fuerit, insperato animi ipsorum generositas in lucem erumpit, quæ, ab humilitate fortunæ, antea quasi tenebris oppressa jacebat. In historia Sacra Josephi, Mardochei & Danielis prophetæ, insignia hanc in rem exempla sunt *d*). Apud Anglos Thomas Cromvell fabri rustici filius a Cardinale Wolsey, ob egregias ingenii dotes, in ministerium receptus, hinc gravissimis publ. negotiis

c) *Christ. Andr. Brunnern de fato Theol. histor. p. 1. cap. 10 sect. 2. §. 12.*

d) *Gen. c. 41. Esth. 6 & 8. Dan. 2.*

tiis admotus, post ejus mortem, a Rege Henrico VIII. ad secretiora consilia admotus, tandem Comes d' Essex & Cancellarius Angliæ factus est. Per artes bellicas olim Maximinos, Marios, Sullas, Plautianos, recentioribus temporibus Wallensteinios, Dorflingios, Bouflerios pluresque ad summas dignitates emerfisse accepimus. De omnibus autem & singulis recte dici potest: neque cuiquam tam clarum statim ingenium est, ut possit emergere, nisi illi materia, occasio, fautor commendatorque contingat. His tamen incumbit cavere, ne candidati cetera inepti, ac publico munere indigni, officiis, non sine damno rei publ. aut ecclesiæ præficiantur: quemadmodum Pontifices Romani suæ familiæ prospicere laborant, ad sumos honores evehendo cognatos; prout peculiari libro, cui titulus est Ne-potismus Romanus, docetur e).

§. II.

e) Rechenb. Dissert. de Promot. ad Munera publ. c. 3. §. 4.

§. XI.

In commerciis denique plurimam occasionis vim & efficaciam esse, quis negaverit? Namque cum in hisce prudentiæ non minus quam fortunæ locus sit, quicunque circa res in commercium venientes, versatur, qui emit, vendit, negotiatur, tempus explorat & nescit. Emtor enim captat tempus, ut emat parvo, & ne nundinarum opportunitatem se præterire patiatur, tempestive fora rerum venalium adit frequentatque. Venditor rursus maxime sollicitus est, ut, dum quibus mercibus quælibet gens indiget, exploratum habet, eas advehat, & magno, dum caritas est, vendat: nec cessat, quamdiu libertas & navigationis securitas adest, navigia sua penitus instructa habere: ut iusto tempore, cum finitimis, omni commerciorum jure misceatur. Ubi autem videt tempestatem minus commodam, loca incerta, imperitiam

tiam illorum, qui navibus præfunt
&c. remoræ sibi esse, portum mox
repetens, opportunum & idoneum
expectat tempus, cujus vis in hisce,
si unquam, magna est, sæpeque u-
tramque paginam facit. Callide
hoc observarunt Hollandi, cum Ba-
tavus ille Corn: Houtemannus, qui,
per annos plurimos, Hispanis & Lu-
sitanis mercatoribus, in Indiam na-
vigantibus, ministerium suum ac fi-
dem probaverat, a Turcis tandem
captus, e carcere liberari non po-
tuit, nisi immensi pretii lytro perso-
luto. Tunc subsidium Amsteloda-
mensis aliquot mercatores ei præsti-
terunt; ea lege, ut in patriam re-
versus, arcana omnia, leges & com-
moda Hispanicæ navigationis in In-
diam, aperiret ac revelaret. Unde
tum cognitum est, mercaturam in
India exercentibus certum lucrum,
nomine expensarum quinque sexve
florenorum, centum prope flore-
norum esse. Hinc permoti or-
dines foederati Belgii, summâ sexa-
ginta

ginta quatuor tonnarum auri collata, generalem societatem navigationis, in Orientalem Indiam, instituerunt: cui sub initium statim successus amplissimi non defuerunt. Nam partim permutatione mercium, quas Batavi vilissimas in Indiam deportabant, ut specula, plumas, orbes aut globulos vitreos, denique pupas, aliasque ejusmodi quisquiliis, Norimbergæ potissimum in Germania ex cupro, ligno, aut alia vili materia affabrefactas, quibus incredibile dictu est, quantum barbari illi delectantur, reportatisque mercibus omnium pretiosissimis, ut serico, margaritis nobilioribus, aromatibus, & si quæ ejus generis alia sunt; partim castellis aliquot Lusitanorum Hispanorumque feliciter expugnatiss, factum est, ut primo sexennio exacto, capitalis summa, præter factam in participantes reportati lucri distributionem, ad plus quam 300 tonnarum auri summam aucta esset; plurima

plurima amplissima, ditissimaque regna partim vi sub suam redigerent potestatem, commerciorum in iis exercendorum causa: partim donis fœderibusque sic sua facerent, ut exclusis Hispanis Lusitanisque, sibi solis referrent potestatem commerciorum in iis exercendorum. f)

§. XII.

In vita publica, de salvo statu & flore imperiorum ac rerum publ. eorumque, qui cum imperio sunt, multa occasione debentur. Negligentis autem est, prætermittere illam, quæ firmandæ augendæque potentia expedit: dum erepta crescendi materia, & occasione neglecta, mora inutili fortuna corrumpitur: prorsus ut non ultima hic prudentiæ regula sit, *Occasioni inservire*:

E

re:

f) *Comment. de stat. Fœder. Belgii cap. 25. §. 4. 15. 27. & 28. Mart. Schoock. Stat. Reipubl. Fœder. Belg. diss. 4. §. 51. 54 & 115.*

re: præfertim cum in rebus civilibus bis peccare non liceat. Valet hoc de regno tam adeundo, quam firmando & amplificando, idque utroque, tam belli quam pacis tempore. Quid aliud maxima in orbe imperia & regna, quæ vel olim florere, vel adhuc florent, ad fastigium potentiæ tam formidabile evexit, quam quod imperantes occasionibus vel sponte sese offerentibus, vel ex aliorum socordia, imbecillitate diffidiis, & quæ alia ejusmodi mala patentes infortunio portas aperire solent, datis, scite & promte uterentur. Petrus Arragoniæ Rex, venientibus ad se Siculorum legatis, qui regni capeffendi auctores fuerunt, eorum voluntate persecta, occasionem minime negligendam putavit. g) Contra sapientissima Anglorum Regina Elisabetha, delatum Fœder. Belgii principatum rejecit;

g) Schurtzfl. Diss. de Charact. Event. Controv. 4. §. 7.

rejecit: quem postea obnixè affectavit, ut vel sic neglectæ occasionis damnum sarciret, sed frustra. *b)* Notissima res est, ad quod fastigium potentiae devenerit monarchia Francorum, consiliis Regis Ludovici XIV. quod adlequi non potuisset, nisi prius sedatis turbis civilibus, cujus rei initia ab expugnatione Rupellæ repetit Gramondus: *i)* adeo ut excisa hac vomica, suo arbitrio regere subiectos posset, atque eo esset statu, ut neminem eorum vel amare vel metuere cogeretur. *k)* In illum finem nec minus referre, rerum civilium peritimonent, quali conditione sint finitimi, quas vires habeant, quorsum inclinent, quo intendant, quo situ opportuni sint, augendi an conservandi consilium ineant, quæ fœdera & quamobrem faciant, religionis, libertatis an metus causa paciscantur.

E 2

b) Id. Dissert. 56. §. 43. *i)* Hist. Gall. Lib. 18. *k)* Schurtzfl. cit. Diss. §. 37.

tur. Ex quibus omnibus ac singulis, quomodo occasiones commodi promovendi captandæ sint, pluribus docet, exemplisque variis illustrat Schurtzfleischius. 1) Sic in societate sancienda, fœderibusque circa bellum & pacem, commercia, aliasve negotiationes ineundis, circa hæc eatenus temporis momentum & ratio observetur, quatenus e re quidem est, tum fœdera & pacta societatis cum aliis non inire, cum necessitate quadam ad hoc ipsum cogi videmur, *quercu enim dejecta, quisvis ligna colligit.* Sic etiam apud gentes liberas, quando jus inter subditos distribuendum est, legesve ferendæ, de quacunque re, maxime de tributis & vectigalibus, observandum est, ut non tantum modeste, sine violento impetu, & injuriis exigantur; sed & illud sciendum, leges hæc quam facillime consensum civium invenire,

1) loco cit.

nire, si eo demum tempore ferantur, quo ad utilitatem publicam feliciter actis, vel peragendis rebus, animi ipsorum læti sunt, ipsique hanc necessitatem cum reip. utilitate conjunctam intelligunt. Patet hic Rehabeami error, qui sua duritie, imprudentique responso, decem tribubus a partibus suis deficienti occasionem præbuit. *m)*

§. XIII.

Recte itaque monent Politici, rempublicam, ut navigium, e ratione tempestatum moderandam esse; *n)* probeque cavendum, ne quis, Charybdis vitare cupiens, in Scyllam incidat: neve quod incivilitatis emolumentum & confirmationem cadere debebat, in oppositum damnum abeat. *o)* Neque enim levitatis semper est, mutare propositum, & rationes consiliorum, cum rebus

E 3

ipsis

m) 1. Reg. 12. *n)* Lips. Polit. lib. 3. cap. 5.

o) vid. Job. Francisc. Budd. de Prudent. Stat. Reip.

ipfis temporibusque convertere, sed
 summæ peritiæ ac artis: cum in
 puncto sæpe temporis, maxima-
 rum rerum momenta vertantur.
 Ita difficile non est, ad clavum se-
 dere & navigium regere, dum fa-
 vet dies serenus & placidus, ven-
 tisque ferentibus, rectum cursum
 tenere licet: cum vero sæva nox
 ingruit, & præliantes veluti invicem
 venti, in latus utrumque incum-
 bunt, atque huc & illuc procellis
 jactamur; tum maxime, quid guber-
 nator valeat, inquiritur: sic quo-
 que consilia ad eventus temporum
 aptanda, & sæpe inflectenda sunt,
 quibus ulterius sæpe, quam rationi
 obedire nostræ, necessum est. Hinc
 Dionys. Cato eleganter monet p)
Constans & levis, ut res expostulat, esto;
Temporibus sapiens mores sine crimine
mutat.

Vereque prudens & sapiens non semper
it uno gradu, sed una via. q) Consilia

vero
 p) de Moribus l. I. q) Lips. Polit. l. 3. c. 5.
 conf. Reinbard. Annotat. in hunc locum.

vero iusta, & reipubl. utilia, minime videntur vituperanda. Hinc quoque Minister sapiens, maiorem adfert laudem, qui in rebus gerendis, non tantum æquitatem mente concipit, sed & temporis habita ratione, occasione sese accomodat, necessitati præbet. Laudatur eo nomine Card. Richelius, quod non modo ingenii sublimitate conspicuus, experientia valens, & in omnia negotia expeditus erat; sed & temporibus consilia perquam sapienter adplicare noverat. Hic, ut ut Religionariis, ut dicebantur Reformati, infestus, cum inter motus civiles, illustris victoria, quam Rex Ludovicus XIII, in mari Rupellaro, & insula Rhea, de illis obtinuerat, illos ad inclamandam Regis clementiam pelleret, & remedium rogitandum, ex edicto Nannetensi, ceterisque indultis; jamque alii existimarent, occasionem admodum opportunam non dimittendam, ad

destruendam factionem Religiona-
riorum; sese opposuit: cum cerne-
ret magis e re esse, ut ambitioni
Hispaniæ per Italiam, Rhétos, per
Vallem Telinam, obviam iretur:
quæ si jam desererentur, armis fa-
tigatæ, Hispano crescenti permit-
terentur: nec satis esse zelo teme-
rario ob sacra duci, regni commo-
dis neglectis; gravissimis rationi-
bus permovit Regem, ut Religio-
nariis pacem indulgeret: ut ad res
Italiæ Vallisque Telinæ expeditior
esset, addita fide, Edicti Nanneten-
sis permitta ipsiis salva fore, promisso
quoq; libero religionis exercitio. r)

§. XIV.

Consilia autem, quæ diu perfici-
enda sunt, tempestive inchoanda, æ-
tate vigente & virib⁹ integris. s) Hinc
Aufonius dicit: *locare sedes, bellum ge-
rere, magnas vel parvas res agere vo-
lentem,*

r) *Hist. de Minist. Card. Richel. lib. 2.
cap. 27. s) Schurtzfleisch. dissert. 56.
§. 23. & Diss. 57. §. 17. 18. 19.*

lentem, meditari prius decet. Quia enim solum rei gerendæ aptum, qui prius meditatur rei negotium, dixit quidam ex septem sapientibus Græciæ; omniaq; consilio prius, quam armis, expediri decet: nullum enim tempus amittitur, quod accuratæ negotiorum incipiendorum meditationi tribuitur. In hunc modum, cauta consilia, arduæ deliberationes, graves sententiæ, rationes judicandi & conficiendi opportunæ, exemplorum recordatio, aptaque comparatio, duces & tribunos Romanos solebat ornare *t)* Imprudenter autem erravit Pius II. qui senio gravis, ad belli contra Turcas gerendi societatem, omnes Christiani orbis Principes invitavit; ut non multo post, magnus exercitus conflueret: annona autem mox consumpta, & pecuniis exhaustis, labori & sumtibus impar decessit, militibus ad sua dilapsis, quæ expedi-
tio,

t) ibid. Dissert. 56. §. 50.

tio, multis risum movit. *u)* *Parva*
itaque sunt foris arma, nisi sit consili-
um domi, dicente Cicerone. Sapi-
 entesque & prudentes sunt, qui,
 ut tempora incidunt, sic res quoque
 opportune cogitant, judicant, con-
 ferunt, & in ea parte præstantiores
 imitantur, nec nisi audito prius ali-
 orum consilio, quicquam molun-
 tur nec modo non videri, sed etiam
 esse omnino nolunt incauti, & negli-
 gentes: nec tamen inutili cuncta-
 tione, agendi tempora, deliberan-
 doque consumunt, *ne* scil. *multa*
ponderando, nihil concludant, quod
 præsertim, ubi ingens periculum
 præ foribus adest, & facto non con-
 sulto opus est locusve, perniciosum
 esse solet. Id quod a Cethego, in con-
 iuratione Catilinaria, reprehenditur,
 querente, ignavos socios, *dubitando,*
& dies prolatando, magnas opportuni-
tates corrumpere. *x)* Quod etiam De-
 mosthenem permovit, Athenien-
 ses acriter hoc modo compellan-
 tem

u) *Id. loc. cit.* *x)* *Sallust. Catilin. c. 43.*

tem; τὸν τῷ πρῶτῳ χρόνον εἰς τὸ πα-
 ρασκευάζεσθαι ἀναλίσκομεν: οἱ δὲ τῶν
 πραγμάτων καιροὶ ἔ μένῃσι τὴν ἡμετέ-
 ραν βραδύτητα καὶ ῥαθυμίαν. γ) i. e.
*nos rei gerendæ tempora in apparando
 consumimus, rerum autem gerenda-
 rum occasiones non expectant nostram
 tarditatem & socordiam. Hinc in-
 super constare arbitramur, quem-
 que, prout tempus sibi, suisque acti-
 onibus & conatibus conveniens,
 rite observat, & in usum suum ma-
 ture convertit honestatemque,
 sue fortune fabrum esse, multisque,
 naturam pravam, magis quàm for-
 tunam, obesse; 2) homines vero ple-
 rumque fortunam accusare, dum ipsi
 erroris arguendi sunt, quod multa
 fortunæ permittunt, futuraque non
 modo non sapienter provident, sed
 præsentia etiam non recte
 expendunt. **

CAP. IV.

1) *ibid. Mich. Piccart. Obs. Polit. Decad. 18.
 c. 5. 2) Ibid. Decad. 16. cap. 10 Bac. Veru-
 lam: de Augm. Scient. lib. 8, cap. 2. * Schurz-
 fleisch. dissert. 34. §. 1.*

Viro Juveni Pereximio,
NICOLAO PACQUALIN,

De
PUNCTO OCCASIONIS
eleganter differenti:

D*Etegis egregiè cunctis, occasio quid*
sit;

Illius & punctum, damna lucrumve
ferens,

Panditur ingenue; sic cernitur ars tua
digna,

Pectore sollerti quam tenuisse juvat.

Hec ut succedant, & quævis prospera
semper,

Ex animo voveo, suavis amice, tibi.

Phæbus, quod nequeo, tibi conferet ipse
vicissim,

Pro sudore tuo, laureaserta, brevi.

THOMAS JEDEUR.

MONSIEUR,

Comme j'ay toujours eu en vous un sincere & parfait ami, je me suis proposé de montrer, en cette occasion, la grande joie, que j'ay de vos progrès; je m'assure que tout le monde vous donnera son approbation & ses applaudissemens, en lisant votre belle dissertation, car on peut voir par là, que vous n'avez pas passé le temps en vain, mais que vous l'avez employé comme il faut: j'en suis ravi; & souhaite que Dieu veuille benir vos louables desseins, afin qu'Appolon vous couronne enfinr' une guirlande de laurier. C'est ce que vous souhaitez avec passion

MONSIEUR

*Votre très-humble & très
obéissant serviteur,*

CHARLES MAGNUS RINSTRÖM.

*Præstantissimo Politissimoque
Populari*

NICOLAO PACQUALIN

*Notitiam Nitidam Ne Niso Nem
Negabit;*

*Paulo Post Pretiis Pronis Paqua
lin Potietur.*

Paululum Posuit

JOANNES N. *WALLERUS*

Eidem

EXiguum punctum volitans occa-
sio præbet,

Quod satagit frustra prendere tar-
da manus.

Temporis hoc punctum, tua pagina,
frater amande.

Te quoque solerter præripuisse,
docet.

Ipsæ Deus faveat studiis & cœpta se-
cundet:

Palladis ut tandem præmia larga
feras!

*Prolixiori animo quam calamus
fraterne adposuit.*

AXEL PACQUALIN.

Mein Hochgeehrter Herr.

Alexander der Große hielt
sich seinem Lehrmeister A-
ristoteli höher / als seinen eignen
Eltern / verpflichtet. Denn von
diesen / sprach er / habe ich al-
lein das natürliche Leben / von
jenen aber / daß ich vernünftig
und klüglich in der Welt zu le-
ben weiß. War nun dieses un-
vergleichlichen Monarchen hoch-
achtung gegen seinen Lehrmei-
ster so groß / wie hoch werde ich
denn Ihm / mein Herr / ver-
bunden seyn / als dem ersten / der
mir ein Licht zur Weisheit und
Tugend / folglich auch zur Wohl-
fart meines Lebens angestecket /
und auch noch vorträget. Ge-
wiß / meine Liebe / Ehrerbietung /
und Pflicht ist so groß / daß ich
an

an allem Seinem Glücke/ Ehre/
und Ruhm meine höchstes Ber-
gnügen empfinde. Dahero mich
denn nicht habe enthalten kön-
nen/ selbiges an Tag zu legen/
fürnemliche bey diesem *Puncto*
Occasionis, da Er durch öffent-
liche Bezeugung Seines Fleißes
und Academischen Arbeit eine
reiche Erndte an Ruhm/ Ehre
und Hochachtung erlanget. Und
dieses ist eben/ worüber ich mich
von Herzen freue/ das größte
Bergnügen in meinem Gemü-
the hege/ und wünsche/ daß Er
auch künftig an allem dem/ was
seinen Zustand vollkommener ma-
chen kan/ wachsen und zuneh-
men möge.

Meines Hochgeehrten Herr

gehorsamster Diener

Harald Urlander.

Q. F. F. Q. S.
DISSERTATIO
Historico-Politica
DE
LENTA
FESTINATIONE
FABII;

Quam
Cum consensu & approbatione Am-
plissimi Senatus Philos. in Regia
Academia Upsaliensi,
SUB PRÆSIDIO
Amplissimi Viri

MAG. FABIANI
ORNOR

Eloq. Professoris Reg. & Ord.

PRO GRADU

Publice ventilandam sistit

ALUMNUS REGIUS

SAMUEL M. FRÖZING

Ostro-Gothus

In Audit. Gust. Maj: A:o MDCCXVI. d. xxiv. Maij,
hore ante meridiem solitis.

UPSALIE, Literis WERNERIANIS.

L. And. J. B.

Den
Ähreborne och Högacktade Herren
Brufs Patronen

Herr H A N S
HELLWEG,

Min Gunstige Gynnare.

Wära tacksamt är ju billigt
Emot den/ som gör en godt/
Fast det sker med ölfikt mått;
När dock sinnet finnes willigt.
För det goda jag har niutit
Af Herr HELLWEG, jag ej än
Wissat något prof igen;
Dock har tankan aldrig trutit.
Mig förmågan der til fattas/
Och den tack jag wiisar här/
Blott en Pappers gåfwa är:
Wiljan lär dock högre skattas.
Anse gåfwan med godt tycke/
Sinnet mitt mer tacksamt är/
Der i jag Ehr godhet bär/
Som i skrin ett wackert smycke.
Hwad jag kan det wil jag gifwa;
Önska städz Herr HELLWEG, godt
Och hans hus i högsta mått.
Eist med wördnad altid blifwa

Högacktad Herr Brufs Patronens

Skyldigste Tienare
Samuel Fröling.

Thes. 1.



Vum anceps
atq; ambigua
fit in multis
actionum hu-
manarum ra-
tio, & bonorū
malorumque causſæ adeo ſæpe
ſint in occulto, ut vel anxiam
& ſollertem investigationem
fugiant eludantque; nihil
quidem magis eximium,
& ex uſu vitæ civilis, ſed
juxta nihil difficilius, quam
inter tot dubios caſus, atque
angustias ingenii humani,
inoffenſum tenere curſum, ra-
tionesque & conſilia ita rerum
viciffitudinibus attemperare,
ut, ſi eventus propoſito non re-
A ſpon-

sponderit, ne vel sua culpa do-
 leat noxia cunctatio, vel in cas-
 sum ad fortunæ crimen mala
 sua infelix referat temeritas.
 Ea namque est rerum agenda-
 rum stupenda multitudo, & in
 multitudine infinita propemo-
 dum varietas, ut quicquid sit
 in homine prudentiæ, illud sæ-
 penumero fluctuet hæsitetque.
 Variant enim in immensum
 tempora, loca, homines, & quæ
 alia rebus adstant: quorum
 vel minima mutatio, in consi-
 lium non adhibita, sæpe spe-
 ratos actionum subvertit even-
 tus. Auget insuper ac alit hanc
 difficultatem fortuna, cujus di-
 vina & arcana vis, quia non
 intelligitur, inconstans in res
 humanas exercere videtur
 imperium: quod mirum quan-
 tum nos sæpe percellat. Nunc
 enim omni potentior consilio,
 saluberrime consulta dissipat;
 nunc

nunc rursus eadem, consilio
 atque prudentiæ non favet mo-
 do, sed etiam magnum eidem
 addit momentum. Atque ut
 rem in pauca conferam; prout
 mortalium conatibus favet vel
 adversatur fortuna, ita etiam
 consilia cujusque promovet
 aut corrumpit. Hæc syrtis est
 instar, ad quam tot magni ce-
 tera viri allidentes fecere nau-
 fragiū: hic nodus ille Gordius,
 cujus occulti & inexplicabiles
 nexus vel excellentissima tor-
 serunt ingenia: adeo ut sum-
 mi quoque Politici hanc re-
 rum varietatem, fortunæque
 imperia considerantes, perque
 ea in tradendis prudentiæ præ-
 ceptis caligare se deprehen-
 dentes, hunc laborem tantum
 non detrectaverint. Verum ne
 duce plane destituti, cæco im-
 petu in actiones suas ruerent
 mortales; in patenti hoc & pe-

conf Lips.
Polit l. 4.
c. 1.

riculosissimo campo viam
 monstrarunt, vestigia sapien-
 tium fortiumque virorum le-
 gendo, atque ex eorum rebus
 prospere vel infelicitè gestis,
 quid in hoc labyrintho sequen-
 dum fugiendumve, feliciter
 satis docuerunt: quæ tamen
 ut sexcentis adhuc immutari
 modis, ita vel prudentissimum
 quemque suspensum relinquere
 possunt & hæsitantem.

Thes. II.

Ceterum inter hos dubios
 rerum casus, haud dubie plus
 consilio, quam ulli rei alii con-
 fidendum. Pendet inde, nisi
 aliud fortuna voluerit, actio-
 num nostrarum eventus.
 Quamvis enim fatendum sit,
 fortunam, ut sæpe hominibus
 videtur, favere temeritati, ut
 illa felicius interdum rem ex-
 pediat, quam singula rerum
 momenta accurate pensitans
 pru-

prudentia ; ad ultimum tamen
 ferociam destituit, &, quasi
 cœcis furoribus non sufficiat
 fortuna, in ultimam ruere pa-
 titur perniciem. Adeo, in-
 quam, felici rerum successu,
 quem, unde sit, non capiunt,
 inescantur fortunam nacti fau-
 tricem, ut huic se non recte
 permittentes, ferociter omnia
 agant & præpropere, neglecto
 omni munere virtutis. Unde
 rerum gerendarum avidi ma-
 gis quam capaces, eo temeri-
 tatis procedunt, ut Icaro tan-
 dem casu, pœnam inconsulti
 impetus suæque stultitiæ luant
 promeritam. Tum vero, quasi
 nulla sui fuisset officii pars,
 fortunæ inconstantiam accu-
 sant, deqve ejus injuria injuste
 ac intempestive queruntur:
 sed queruntur frustra ; quum
 brutorum instar animantium,
 nec ipsi eorum, quæ prospere

eveniunt, queant reddere rationem, nec, ad ultimum infelices, sub quocunque fortunæ prætextu, a culpa suæ calamitatis liberari. Verum alia prorsus est natura & indoles actionum, quæ provido cautoque suscipiuntur consilio. Illæ enim insperato exitu animum prudentis non possunt percellere, si vel maxime non cedant ex voto: quippe qui omnibus, quæ caveri possunt, diligenter pensitatis; suæ tamen prudentiæ non plane securus, semper *diversa præsentibus, contrariaque expectatis aut sperat aut timet.* Quam obrem etiam solida, quæ ex prospero rerum exitu resultat, gloria & felicitas, agentis jure meritoque tribuenda est prudentiæ: quæ vero fortuna, cui nunquam obluetur vere prudens, in contrarium flectit, ab eorum noxa tanto facilius eum

*Vell. l. II.
c. 75.*

eum liberabunt & sapientes & recte factorum conscientia, quanto certius constat, esse quod humana temperat omnia numen. Eximia prorsus, licet obscuriora in re Christianis manifesta, in hanc rem sunt verba Ciceronis: qui cum Brutus eum admoneret imminentis periculi, ob favorem Pompeji, veteranorumque invidiam; *ego inquit, quæ provideri poterunt, non fallar in iis: quæ cautionem non habebunt, de iis non ita valde laboro-neque metuum quidquam & cavebo omnia.*

Cic. Epist. ad fam. l. x. Ep. 21.

Thes. III.

Quandoquidem igitur *nihil potest esse diuturnum, cui non subest ratio*, optatique rerum eventus non nisi virtute duce, adgubernante vero fortuna, sunt exspectandi; manet inconcussum, prudentiam consiliumque esse debere actionum,

Curt.

quæ nobis adscribantur, ducem.
 Illa ipsa, consideratis singulis,
 quantum fieri possit, rerum cir-
 cumstantiis, ostendet nobis, u-
 bi festinatio, ubi cunctatio sit
 adhibenda. Licet enim ea sit
 plurium actionum indoles &
 habitus, ut moram non pati-
 antur, sed consilium in arena
 quasi postulent; quum sæpe-
 numero in impetu quodam at-
 que vigore felix sit positus re-
 rum agendarum exitus: ta-
 men, cum sæpius, nisi præces-
 serit accuratum rei suscipien-
 dæ examen, in tristes nec re-
 vocabiles casus nos præcipi-
 temus; tutius omnino est, ad
 omnia intentos, lento atque
 suspensio quasi gradu progredi:
 Nam

*Istuc est sapere, non quod ante
 Terent. Ad. III, pedes modo est videre, sed etiam
 Act. III, illa, quæ futura sunt, Prospicere.
 Sc. 3.*

Thes. IV.

Thes. IV.

Quemadmodum igitur in omni vita, sic in re militari, primas, post divina auspicia, partes vindicare sibi prudentiam, prudentiæque alumnam quasi cunctationē, testantur magnorum ducum imperatorumque exempla : qui vel sua experientia, vel aliorum exemplis, vel denique ipsa rerum indole edocti, quoties aptus moræ locus, rem provide suscipiendo, cauteque peragendo, gloriæ ac felicitatis famam consequuti sunt immortalem. Unde non sine causa Cæsar Augustus, inter ceteras, quibus instructus fuit, virtutes imperatorias, principem locum merito adsignavit prudentiæ : cujus verus & vivus character est sapiens illud, quod perpetuo inculcabat, effatum, *σπεῦδε βράδεις*. Atque ut Augustum,

præter ingentes, quibus ipse
gaudebat, animi dotes, mul-
tum etiam profecisse nobis
persvademus, considerando ex-
empla magnorum in Repu-
blica Romana virorum; ita a-
nimo suo repræsentans cum in
aliis, tum in rebus bellicis, ve-
ram prudentis festinationis in-
dolem, hanc suam tesseram
non aliunde habuisse videtur,
quam a Q. Fabio Maximo
cunctatore: qui salutari sua cun-
ctatione, inclinatham & prope
deperditam Romanæ virtutis
spem erigendo, id assequutus
est, ut nominis ejus fama, non
nisi cum humani generis in-
teritu sit extingvenda. De hu-
jus vero Fabii *cunctatione*, seu,
quod idem est, *lenta festina-
tione*, quoniam paucis, pro in-
genii modulo, & temporis
præcipue, qua circumscribimur
angustia, agere in animum in-
duximus;

duximus; verbo tantum initio observamus, cunctationis & festinationis vocabula heic non adhiberi ut pugnantia: nec sub cunctatione tarditatem segnitieq;, neq; sub festinatione temeritatem atqve audaciam nos commendare. Eum autem lente festinare & sapienter cunctari arbitramur, qui in rebus quidem gerendis adhibet industriam & diligentiam, sed prudenti cautaqve circumspectione ita temperatam, ut præsentia præteritis, præterita futuris; fines cum mediis, & media cum finibus comparando, singula diligenter æstimet & ponderet, caveatque, ne vel nimia festinatio in pericula præcipitet, vel segnis mora magnas oportunitates sibi e manibus eripiat. Atqve hoc est maturum illud prudentiæ robur, ex quo magnarum rerum

rerum eventus expectandi sunt, humano generi aut civitatis salutare. Quemadmodum enim ignis aliquando aqua est restringendus, ne erumpat in incendium; ita etiam actiones nostræ habenis quibusdam remorantibus sunt comprimendæ, ne impetu & vehementia impediantur sana consilia, nec quæ provida ratio salubriter destinavit, fervor corrumpat.

Thej. V.

Hoc olim Romani si cogitassent diligentius, vix tot Pœnorum impetus infelicitè sustinissent, nec tantis cladibus, ad interitum prope, eos afflisset Annibal, secundi belli Punicæ dux & auctor. Etenim quæ alia P. Cornelio Scipioni, duci cetera magno, causa fuit Annibali victas tradendi manus, quam quod accepto tiro-ne exercitu, in campo patenti
inter

inter Padum & Alpes, loco sibi plane alieno, Pœnis vero, utpote equitatu prævalentibus, maxime oportuno, pugnare non dubitaverit? Verum ejusdem Scipionis ductu, mitiora post hæc fata Romani sperare potuisse videbantur, nisi is commilitonem nactus fuisset Sempronium. Scipio enim accepto & sui corporis & imperii Romani gravi vulnere, cum tandem deprehendisset, alia ratione compescendum esse Annibalis furorem, *rem* postea *trahi malebat*, cum Galli in agrorum defensionem, a Romanis auxilium adversus Annibalem peterent. Sempronius vero, *nullam patiebatur dilationem; sed cunctante collega, equitatum suum, ad defendendum agrum gallicum, trans Trebiam mittit*: initio quidem aliquo cum successu, quod prædatores Annibalis fugaverat.

Liv. l. 21,

c. 52.

Loc. cit.

rat. Unde ferox & superbus,
 ut occasione uteretur, in se unum
ibid. c. 53. vertendæ gloriæ, dum æger collega
 erat, cunctationem ejus incre-
 pans, animique magis, quam
 corporis ægritudinem ipsi ex-
 probrans, ad certamen milites
 hortatur. Huic ducis ferociæ
 temeritatiqve imminens Anni-
 bal, dum tiro hostium esset miles,
id. ibid. dum meliorem ex ducibus inutilem
 vulnus faceret, pugnam matu-
 ravit, eumqve gravi clade affe-
 ctum turpiter fugavit. Nec
 meliorem sortita est exitum in-
 sita ingenio Caji Flaminii te-
 meritas: quippe qui, spretis
 deorum hominumque consili-
 is, Anibalem ad Thrasimenum
 lacum temere aggressus, non
 modo ipse hasta transfixus oc-
 cubuit, sed etiam cladem Ro-
 manis inter paucas memoratã
 memorandamve acceleravit.

Thes. VI.

His aliisque malis, per imprudentiam plerumque & temeritatem ducum, attriti & propemodum exhausti Romani, de Italia defendenda amplius non multum cogitarunt: sed quo duce, quo exercitu, quibus denique artibus victorem hostem a mœnibus ipsius Romæ propulsarent, anxii anhelique deliberaverē. Itaque Q. Fabium Maximum populus, absente Consule, Prodictatorem creavit, & Magistrū Equitum M. Minucium Rufum: quibus a Senatu, Urbis, & si quæ sperari posset, Italiæ defensio commissa. Sensit autem Fabius, grave & periculofum sibi injunctum esse munus, quo si infeliciter defungeretur, de tanto imperio actum esset & conclamatum. Vidit præterea ad omnia cautus, Annibalis vim

vim omnem in vehementia &
 velocitate sitam ; & ob id de-
 speravit, posse se hominem his,
 quibus tam diu adveverat &
 triumphaverat, artibus supera-
 re. Erat enim Annibali plu-
 rimum audaciæ ad capeſſenda pe-
 ricula, plurimum conſilii inter ipſa
 pericula : nullo labore aut corpus
 Liv. l. 21. fatigari, aut animus vinci poterat.
 c. 4.
 His tantis animi corporisqve
 dotibus acceſſit felix rerum
 ſucceſſus : unde, ut in proſpe-
 ris fieri ſolet, aucti inflamma-
 tiqve magni ac teroces illi ſpi-
 ritus, ingenti ardore opera e-
 juſ tantum non omnia matura-
 bant ; adeo ut feſtinatam in
 plurimis actionem ſibi tanquã
 imperaſſe videretur : quæ
 niſi ſucceſſiſſet, inter teme-
 ritatis exempla ab hiſtoricis
 forte fuiſſet numerata. Hæc
 omnia probe ſecum reputans
 Fabius, de arte, qua ferocem
 tot

tot victoriis hostem exciperet
 atq; eluderet, cœpit cogitare:
 sed deerat miles, deerant ar-
 ma, deerat denique nervus
 rerum gerendarum. Itaque
 arma detracta templis, servi
 libertate donati, & opes pri-
 vatæ certatim in ærarium pu-
 blicum collatæ, scribarum
 manibus, teste Floro, facessere
 re negotium. L. 2. c. 6.

Thes. VII.

Verum enim vero ne inauspi-
 cato huic ingentis momenti
 periculique rei se accingeret
 Fabius; vocato senatu, a diis
 orsus, edocuit patres, plus ne-
 gligentia cæremoniarum auspicio-
 rumque, quam temeritate atque
 inscitia peccatum a Cajo Flaminio
 consule esse, quæque piacula iræ
 deum essent ipsos deos consulendos Liv. L. 22.
 esse. Scilicet hoc primum exi- c. 9.
 miumque sapientis ejus cun-
 ctationis specimen. Quamvis

B enim

enim crudelitas Annibalis Italianam misere devastantis, adiutumque ad ipsas Romæ portas molientis, dilationem non ferre videretur; auxilium tamen non ita maturandum voluit noster, ut aliquid neglecto deorum cultu infeliciter susceperet: satis prudens, tum demum optime consultum fore imperio, si per religiosam venerationem provocata deorum cura, pro eo fidas ageret excubias. Propterea torpentem virtutem non alias felicius, quam religione animari & erigi posse ratus; ver sacrum vovendum, ludos instituendos, pluribusque diis ac deabus ædes dicandas curavit, ubi junctis animis & suspiriis supplicarent, quotquot aliquo publicæ calamitatis sensu tangebantur: certo sibi persuadens, hanc artem, hanc virtutem esse

esse præcipuam, quæ ut pror-
 fus destituebatur Annibal,
 ita eadem eum imprimis pos-
 se debellari. Usque adeo ne-
 cessaria est in forte ac felici
 duce pietas, ut quicquid sine
 imploratione divini auxilii ag-
 grediatur, si non semper in-
 feliciter, temere tamen factum
 esse putetur: de hac vero ope
 certus atque persuasus, quic-
 quid prudentiæ humanæ reli-
 querit providum Numen, tu-
 to poterit tentare. Quemad-
 modum enim illi, qui in tene-
 bris digladiantur, innoxio sæ-
 pe ictu aëra feriunt nequic-
 quam; ita etiam nisi pietas
 in duce reliquis ejus virtuti-
 bus prætulerit facem, in o-
 mnibus cæcutiet.

Thes. VIII.

Sacris rebus ita rite atque
 ordine peractis, tum demum
 de bello gerendo, deque re-

publica defendenda cœptum
 est deliberari. Initio autem
 Fabius prudenti edicto iussit,
 ut quibus oppida castellaque im-
 munita essent, in loca tuta com-
 migrarent, ex agris quoque uti
 demigrarent omnes regionis ejus,
 qua iturus Annibal esset: tectis
 prius incensis ac frugibus corru-
 ptis, ne cuius rei copia esset.

Liv. 22.

c. 11.

Magnum enim momentum vi-
 ribus hostium terendis con-
 fert, præsertim ubi cunctan-
 do res agitur, si sterile ac nu-
 dum solum ipsis relinquendo,
 ad famem atque inopiam re-
 digantur, nec incolas inveni-
 ant, quorum vel extortator-
 mentis confessione, in peniti-
 orem rerum adversarii regio-
 nisque perveniant notitiam,
 vel sanguine famam augeant
 suæ crudelitatis. Dictator ve-
 ro ipse, sociis civibusque, qui
 Romæ nuper erant conscri-
 pti,

pti, partim in naves impositis,
 partim ad urbem defendendā
 relictis, partim etiam ad ex-
 ercitus a Servilio consule ac-
 ceptum ablegatis, lente festi-
 navit ad ea loca, ubi grassari
 sciebat Annibalem. Ac ne in-
 opinato in hostilem incideret
 exercitus, neve insidiis, quas
 Annibalis calliditas struere
 potuisset, incautus pateret;
 missis subinde speculatoribus,
 magna cura exploravit itine-
 ra: *nullo loco, nisi quantum ne-
 cessitas cogeret, fortunæ se com-
 missurus.* Et id quidem sapi-
 enter. Verum Annibal, suæ
 artis non oblitus, utendum
 ratus suorum animis, dum re-
 centibus calerent victoriis, fa-
 mæque insistendum, dum me-
 tu frigerent tironum animi;
 quam primum in conspectu e-
 rant hostium castra, militem
 educendo in aciem, Fabi-
 um non destitit irritare: ubi
 autem

*Liv. 22,
 c. 12.*

autem frustra eum laceffitum,
 nihilque molientem deprehen-
 dit, tum vero in castra rever-
 sus increpavit, *victos tandem*
martios Romanorum animos: de-
bellatumque, & concessum eis pro-
palam de virtute ac gloria esse.
 Multum profecto sua vel ha-
 tenus effecisse cunctatione,
 videtur Fabius, quod eo de-
 mentiae adegerat Annibalem,
 ut felici rerum successu infla-
 tus, de hostium virtute non
 modo judicaret iniquius, sed
 & eandem propemodum con-
 temneret. *Nihil enim tuto in*
hoste despicitur: quem spreveris,
valentiores negligentia facies.

Cur. C. c. 3. Parva scintilla contenta, ma-
gnum excitavit incendium. Nec

Corn. Nep. sine causa dicitur; matrem ti-
Trasyb. c. 2. midi flere non solere.

Thes. IX.

Sed ne sic quidem omnem
 suae virtutis suaeque pruden-
 tia existimationem in animo
 hostis

hostis plane extinxerat Maximus Cunctator. Nam hanc ejus moram Annibal secreta æstimatione perpendebat : cogitatioque animum subiit , nec cum sempronii præcipientia , nec cum Flaminiiaudacia sibi esse negotium : neque timore aut ignavia , sed prudenti forte consilio Dictatorem cunctari. Atque ut ejus prudentia tacitam ipsi injecerat curam ; ita ne vel incassum eam timeret , vel ut arte quadam infringeret , constantiam ejus voluit exploratam. Igitur *agitare & tentare animum movendo crebro castra , populandoque in oculis ejus agros sociorum cæpit ; & modo citato agmine e conspectu abibat , modo repente in aliquo flexu viæ , si excipere digressum in æquum pos-* Liv. loc. cit. *set , occultus subsistebat.* Quis vero tot superbos æquo animo fer-

ferret insultus? Cujus patientiam non defatigarent crudelia hæc irritamenta? His tamen omnibus ferendis par Fabii animus, consilium, quod ceperat cunctandi, exsequebatur constanter. Quemadmodum in mari rupes, sæviente procella, frementibus obruitur fluctibus; & dum desæviiit tempestas, immota tamen manet, eminetque: ita etiam Fabii animum adeo non fregit sævientis Annibalis furor, ut potius ad eum ille immotus, ardorem hostis adhuc infra suam prudentiam esse ostenderet. Itaque non sine magna quidem commiseratione læsos intuebatur socios; sed tempus tamen remedium illis allaturum sperans, hætenus cunctando se hosti subtraxit, donec impetus ejus, veluti ignis, vel affusa aqua, vel deficiente ali-

alimento, langvesceret. Qua-
 re etiam per loca alta agmen
 ducebat, modico ab hoste inter-
 vallo, ut neque omitteret eum,
 neque congredieretur. Vera hæc,
 & genuina prudentis cuncta-
 tionis indoles & natura. Nam
 dum multa agendo Annibal
 nihil effecit adversus invictam
 hostis constantiam; Fabius tan-
 quam aliud agendo, omnia
 hostis consilia, omnesque co-
 natus adeo turbavit, ut ipsi
 suspecta omnia & infesta, si-
 bi vero suisque cuncta redde-
 ret secura. Interea autem, ut
 tironum animi Martis sensim
 imbuerentur artibus, non uni-
 verso periculo summa rerum com-
 mittebatur: sed parva momen-
 ta levium certaminum, ex tuto
 ceptorum, finitimo receptu, as-
 pexaciebant territum pristinis cla-
 dibus militem, minus jam tandem
 aut virtutis, aut fortunæ pænitere
 sue

ibid.

ibid.

sua. Sapienter imitatus hac ratione pictores, qui artem tirones docturi, initio non totum aliquod corpus ipsis tradunt delineandum, ne tædio difficultatis insueti absterreantur: sed exiguam primo corporis partem, vel singula ejus membra sigilatim proponunt pingenda, donec integrum tandem compositum ex illis construere discant.

Thes. X.

Tæduit jam Annibalem spei tam diu frustratæ, & certaminis toties nequicquam expetiti, sensitque nunc tandem, bellum sibi esse cum Romanis. Postquam igitur in Samnio, Beneventanū vastando agrum, & urbem Telesiam capiendo, hostem accendere, & ad legitimum certamen frustra conatus fuisset provocare; per errorem ducis, Casinum
cogi-

cogitans, Casilinum pervenit,
 & in campum Stellatam de-
 scendit. Ibi primo in Faler-
 num prædatores emisit: mox
 positis ad Vulturnum flumen
 castris, exussit amœnissimum
 Italiæ agrum, villasque pas-
 sim incendit. Fabius vero ad
 ferocia hæc hostis irritamen-
 ta intentus cautusque, per
 juga Maffici montis agmen so-
 lito citius ducens, spem ipsi
 fecit congregiendi. Ceterum
 cum tot tantisque indignis so-
 ciorum cædibus nihil commo-
 veri, sed adhuc cunctabundus
 certamen videbatur detrecta-
 re; non Annibalem magis infe-
 stum tam sanis consiliis habebat,
 quam magistrum equitum Minu-
 cium. Quid quod, licet non
 in castris modo suis, sed jam et-
 jam Romæ infamem suam cuncta-
 tionem esse sciret; obstinatus ta-
 men, eodem consiliorum tenore
 æstatis reliquum extraxit. Q
 con-

loc. sup: cit.

Lib. 22. c. 15.

constantiam admirandam, concioni ac famæ prorsus reclamantem! Atque hæc profecto virtus prudentem ducem sæpe non ornat modo, sed ipsi etiam addit auctoritatem, si quod semel illi se approbavit consilium, non vacillanti animo, ad quamcunque famæ auram incautus mutat aut rejicit; sed constanti proposito, nisi aliud svaserit vel necessitas vel occasio, illud retinet ac servat. Hæc probe perpendens Fabius, inter iniquissimos rumores, & sinistra suorum judicia, immotæ constantiæ edidit insigne documentum. Nam cum Minucius increpando ejus segnitiam timiditatemque, & hortando milites ad sociorum defensionē ac certamen, eo fere animos eorum pertraxerat, ut præcipiti ejus consilio adsentirent, eumque Cunctatori præferrent. A quo hæc
 omni-

omnia tulit animo Fabius, existimans, militibus cupiditatem pugnandi convenire; duces providendo, consultando, cunctatione *Hist. l. 3. c. 20.* sepius, quam temeritate prodesse, ut apud Tacitum loquitur Antonius.

Toes. XI.

Inter hæc, sacrorum causa revocatus Romam Fabius, abiturus, consilia sua furdis commilitonis inculcavit auribus. Etenim licet non solum imperio, sed prope etiam precibus eum admoneret Dictator, *ut Liv. lib. 22. c. 18.* se potius ducem, quam Sempromium Flaminiumque imitaretur; hisce tamen contemptis, absentia collegæ, tanquam occasione fatiandi suam temeritatē, uti, & hostem quocunque loco, quacunque ratione aggredi constituit. Videbantur quidem Romani sapienter conjunxisse hos diversæ indolis commilitones, ut alter alteri-

terius temperaret ingenium ;
 sed nec fervor Minucii animū
 Fabii accendere, consiliumq̃
 ejus mutare, nec Fabii frigus,
 quantumcunque esset, magi-
 stri ignem restingvere potuit
 & temperare. Lætabatur igi-
 tur etiam Annibal non parū
 abitu Dictatoris, sperabatque,
 nunc tandem voti sui se fore
 compotem, haud ignorans,
id. l. 22, c. 22 *cum duce mutatam esse belli rati-*
onem, & ferocius, quam con-
sultius rem hostes gesturos. Nec
 ipse eum fefellit, licet calidis
 Rufi consiliis aliquantulum fa-
 vere videretur fortuna. Nam
 in dispalatos Annibalis frumē-
 tatores cæde fugaque facta,
 mox justa acie dimicans,
 sex millia hostium cæcidit,
 quinque circiter Romanorum
 amissis. Tum vero literis ad
 senatum missis, hunc suæ te-
 meritatis successum, ceu in-
 gentem victoriam, extollere
 non

non dubitavit. Fides ipsi habita Romæ: arrisit factum: deque his rebus per sæpe, & in senatu & in concione actum est. Accusabatur igitur Fabius, quod & præsens & absens fortunæ Romanæ fuerit impedimento, quodque magistrum equitum M. Minucium Rufum, ne hostem videret, ne quid rei bellicæ gereret, prope in custodiam habuerit. Ceterum prudentissimus Cunctator, tanquam de specula cuncta prospiciens, magno hæc omnia contempsit animo, levemque hunc Minucii successum potius timuit; satis gnarus, eum inde, in suam & reip: perniciem, inflatum magis fore atque ferocem: abstinensque se concionibus, nocte ad exercitum abiit. In itinere vero constitutus, acceptas senatus consulti literas, de æquato magistri imperio, adeo

Conf. Meti.

lii orat. ap.

Liv. l. 22.

c. 25.

adeo non tulit moleste, ut cum
inviolo a civibus hostibusque ani-
mo ad exercitum rediret; satis
fidens, haud quaquam cum im-
perii jure, artem imperandi æ-
quatam. Itaque licet tanto ho-
 nore superbus Rufus conten-
 deret, ut aut diebus alternis;
 aut partitis temporibus alterius
ibid. c. 27. summum jus imperiumque esset; sui
 tamen consilii, amorisque in
 remp: tenax Fabius, sua ad-
 huc cunctatione, quoniam omni-
 a non liceret, quæ posset, serva-
 turus, exercitum cum eo di-
 visit.

Thes. XII.

Solutis jam suæ audaciæ ha-
 benis, laceffit ab Annibale
 Minucius, pugnandi copiam
 tacere non verebatur: dege-
 neris animi esse existimans;
 provocatam non experiri vir-
 tutem. Initio quidem levio-
 ri pugna certabatur; crescen-
 tibus

tibus vero deinde cum certamine utrinque auxiliis, totis viribus, nec dispari primo quidam fortuna, dimicatum est: Sed erumpentes inopinato ex tumulo, quem occupaverat Annibal, infidiatores, *fecerunt, ut neque animus ad pugnam, neque ad fugam spes cuiquam superesset.* Hæc omnia videns Cunctator, stultamque & infelicem Minucii temeritatem deplo-
rans: adesse simul sentiens illud temporis punctum, quo magnum felicitatis Romanæ momentum verteretur, quodque suæ cunctationis posceret fructum: *nunc, inquit, signa extra vallum proferte. Victoriam a hosti extorqueamus, confessionem erroris civibus.* Itaque veluti cælo demissus in auxilium veniens, congregatis fugâ sparsis & dissipatis Minucii militibus, pugnam restituit,
C hostis-

cap. 28.

cap. 29.

hostisque ferociam adeo domuit, ut receptui Pœnus cerneret. Est hoc viri prudentis, momenta temporis accurate observare, & occasione se offerenti non deesse, quam si frontem avertere patitur, a tergo calvam frustra conabitur retinere. Hac sapienter usus Fabius, quam salutari sua cunctatione contraxerat infamiam, in solidam & immortalem vertit gloriam. Minucius enim, suam jam tandem ipse videns stultitiam, junctis cum eo castris, patrem eum salutans, plebiscitū de æquato imperio ipse primus antiquavit abrogavitq; : sub imperiū & auspicium ejus rediit, & signa legionisque restituit. Quin & populus Romanus *scutum imperii* eum appellavit. Verum audiveram victoriæ gloriam & famam, confitente ipso hoste

An-

Annibale ; ab se Minucium , se
 a Fabio victum. Tandemque eam
 nubem , quæ sederat in jugis montium,
 sollicitatam procella, imbrem
 dedisse. Hæc sunt, Humanis-
 sime Lector, quæ de lenta fe-
 stinatione Fabii, per temporis
 angustiam , perque adversam
 valetudinem , scribere potui-
 mus : quæ si æqui bonique
 consulere digneris, de tuo
 favore nobis gratula-
 bimur impense.

cap. 29.

cap. 30.

S. D. G.



Ad
Clarissimum Dominum
CANDIDATUM
SAMUELEM FRÖLING,
amicum ut suavissimum,
ita in paucis dilectum,
Cum de
Lenta Festinatione FABII
publice disputaret.

Hiccinò jam FABIIUS, quondam virtutis alumnus,

Cunctari & lente qui properare docet?
Scilicet interdum prudens cunctetur oportet,
Sæpe ut festinet res monet atque locus.
Nam sapiens actus cunctos sic temperat arte,
Rebus ut in dubiis tutior esse queat.
Cetera quid referam? nam Tu, carissime FRÖ-
LING,

Omnia quæ poscit cautio recta, refers.
Gratulor hæc: & nunc Tibi mitia fata precabor,
Ut possis nitido salvus adesse choro,
Pieridum in festo, cum laurus tempora cinget.
Candida, quæ debent hocce decore frui.

JSRAEL MELANDER.

Til
Höglårde Herr Candidaten
Min Högtårade gode Wän.

Är det ej rått förut sig wäl betänka /
Då man af wikt en sak angripa wil?
Ell' är det rått sig obetänkt insänka
I någon ting / der råd bör wara til?
Jag menar bäst är / at för fort ej fara;
Men skynda smått och mer försiktig wara.
Från Staden Rom en Fabius har detta
Med moget råd sig noga förestålt/
Att alt för brått en wiktig sak uträtta
Går sällan wäl; Men råd har mera gällt:
Ty har med råd han mer än slipprig lycka
En Anaibal sig kunnat undertrycka.
Om det och mer Herr Fröling wackert strifwit/
Af wanlig drift / uti sit lärda wärck /
Hwar til ej ett ell' annat hastigt drifwit/
Hans wittra wett har lagom hastat / mårck:
Han har i otid ej på Pindi högder
Upsprungit / som wäl sker; ty är han nögder.
Ja / war man nögd Herr Fröling / si / Ett nöje
Skal icke en Er kunna taga från;
Fast mången tror at lärdom platt är löje;
Bli den dock fast Guds dyra nåde-lån/
Som man sig bör med högsta flit förskaffa/
En dygde-art / den ingen rått kan straffa.
Jag önskar Er min Wän all lycklig trefnad/
Och att I lön må för Ehr möda få /
Som swara kan emot Er Dygde lefnad /
Jo jo / en frank af Lager I snart nå /
Af Pallas sielf I detta nogsamit finna /
Så börjas wäl / I lär wäl mera winna.

Wälment hastigast upsat
af

ESB. LITHMANG. M

Præceptori Carissimo

Quid & quomodo scribas, Carissime Præceptor, non capit tenella mea ætas. Ceterum quoniam interroganti mihi de labore tuo, familiariter respondisti, dissertationem te gradualem conscribere, & simul eam sub prælo jam sudare intellexi; illa occasione libenter utor, ad declarandum gratum in te animum, ob indefessam, quam geris, meæ fratrisque curam. Spero enim te gratulationem & vota mea, eadem frontis hilaritate excepturum, qua alias semper quamcunque mei in te amoris significationem respicere soles. Gratulor itaque tibi laborem improbum, in te honesta, & opto, velit Deus, in posterum honestis tuis conatibus favere.

ita gratulatur

Petrus Åkerblom



I. N. J. C. N!!!

DISSERTATIO HISTORICO-
JURIS NATURALIS

De

INJUSTITIA
CHRISTIANO-
RUM
IN PASSAGIIS,

Cujus

PARTEM POSTERIOREM,

*Ex consensu & approbatione Am-
pliss. Facult. Philos. in Reg. Acad. Upsal.*

Sub MODERAMINE

Ampliss. atq; Celeberr. VIRI,

MAG. FABIANI

ERIKSSON /

Eloq. Prof. Reg. & Ord.

Pro solitis in Philosophia honoribus

Publ bonor. examini modeste submittit

ALUMNUS STIEGLERIANUS,

ERICUS MYRIN,

STOCKHOLMIENSIS.

In Aud. G. Maj. d. 29. Aug. A. MDCCXXIV.

horis ante meridiem.

UPSALIAE, literis WERNERIANIS.

I. N. J. C. N.

Caput II.

§. I.

*Preconia nonnullorum, passagiis at-
tributa refert.*



Ulam gloriosa habita
fuerint passagia, vel
ex aliis nominibus,
quibus insigniuntur, &
quæ ex celeberrimo
Bœclero nos attuli-
mus pag. 9. innotesce-
re potest. Audiamus tamen aliqua lau-
dantium loca. Prodeat Acconensis
Episcopus, Jacobus de Vitriaco, qui
in prologo Histor. Hierosol. in hunc
modum, num. 40. Cæpi non modicum
animari, dolere & contristari, & nostro-
rum negligentiam & inertiam arguendo
accusare; eo quod filii hujus seculi pru-
denciores in generatione sua filiis lucis:

C

cum

sum tanto studio & diligentia reproborum
 hominum pereuntia gesta describere procu-
 raverunt. Ex nostris autem, diebus istis
 novissimis pauci vel nulli inventi sunt, qui
 regis eterni praelia, & triumphos glorio-
 sos, & mirabilia gesta describere & scri-
 pto mandare studuissent, ad laudem &
 gloriam illius, qui solus laudabilis est, &
 gloriosus in secula. Et pag. sequente:
 cum tamen in diebus nostris mira, & omni
 laude & memoria digna operatus sit Do-
 minus, sive in Hispania, contra Mauros;
 sive in Provincia, contra Hereticos; in
 Grecia, contra Schismaticos; in Syria,
 contra *. Sed in Ægypto contra Agare-
 nos; in remotis partibus orientis, contra
 Persas, Assyrios, Chaldaeos & Turcos. Tan-
 ta igitur & tam admiranda regis nostri
 praelia, & gloriosos de inimicis triumphos,
 sub silentio abscondere non debeo, ne forte
 ingratitude arguar. num. 10. Wilhel-
 mus Tyrensis lib. 1. cap. 16. videtur ve-
 re divinitus procuratum præsens, unde lo-
 quimur, negotium, & verbum vere egres-
 sum a Domino. Et pag. 2. prologi ad fin.
 narrationis seriem ordinavimus, exordium
 sumentes ab exitu virorum fortium, &
 Deo amabiliū principum, qui a regnis
 occiden-

occidentalibus, vocante Domino, egressi,
 Terram promissionis, & pene universam
 Syriam in manu forti sibi vendicaverunt.
 Conradus à Liechtenaw, postquam ei
 Stomachus commotus est in eos, qui
 sinistre de his ipsis expeditionibus lo-
 quebantur, in hunc modum loquitur:
 Nos autem in Domino tantum confidentes,
 nec presentibus, sed futuris inbiantes, ac
 licet spectatores pigri, fautores tamen be-
 nivoli, laudemus eosdem nostri temporis
 viros gloriosos, qui vicerunt regna mundi,
 qui, relictis propter pium ovis centesimæ
 quasitorem, conjugibus ac liberis, regnis
 & divitiis, posuerunt animas suas in ma-
 nibus suis, zelo zelantes pro Domino Deo
 exercituum; ultroque condigne armati for-
 titudine, regis sui cælestis ineuntes servi-
 tatem. Quibus consona sunt, quæ pagg.
 seqq. 176 & 177 reperiuntur. Ut pe-
 riculosissimas, ita gloriosissimas expeditiones
 nominat Bongarsius in epistola dedica-
 toria ad Ludovicum Regem Gallia, quæ
 præmittitur operi expedd. orient. Et
 quis tandem pontificiæ religioni addi-
 ctus est, qui, data occasione, non
 magnifice de his loquitur? Profecto,
 nemo illorum mihi innotuit a ceteris

discedens, nisi forte fuerit Stephanus Pasquier, Buddeo in sua Exercitatione de expedd. cruciatis §. XV. citatus, qui suam esse sententiam dicit, *Transfretationes eas fere ruinam attulisse Ecclesie, tam in temporalibus, quam in spiritalibus, eoque nomine esse improbandas, quod pontifices voluerint religionem nostram propagare per arma, quam Salvator noster voluerit crescere per preces, exhortationes, jejunia, obedientiam & paupertatem.*

§. II.

Sententiam nostram de passagiis exprimit.

Dixeris autem: *Quia tot testes in passagiis laudandis consentiunt, non injusta fortassis sunt, sed æqua & justa?* respondeo: si justum est, sine speciali mandato divino, homines, suæ potestati minime subjacentes, ex diuturna sua possessione ejicere, & hostiliter, imo inhumaniter tractare, jam tum etiam passagia Christianorum, de quibus nobis est sermo, justa erunt & æqua; sin minus, nunquam erunt justa. Duo imprimis jam veniunt probanda, siquidem tertium

tium antea constat. Ecclesiasticæ Historiæ Scriptores, quotquot mihi contigit perlustrare, in eo consentiunt, Muhammedem, seculo septimo post natum Christum, occupasse Palæstinam, &, referente quidem Curione, Hist. Sar. lib. 1. prout a Simonstonio c. 11. §. 2. de expeditionibus cruciatis, citatur, hac imprimis occasione, quod *redigebatur bello ad eas angustias Heraclius*, (Græcus Imperator is erat, cui Palæstina erat subjecta) *ut Arabes cum duce suo Mubammede, qui hoc tempore caput extollere cepit, in auxilium vocare necesse haberet: quorum opera cum Hierosolymam & ceteras urbes recepisset, e bello redeuntem Mubammedes convenit, & regionem ad habitandum petiit atque obtinuit. Cum autem militibus stipendium non daretur, quererenturque Arabes, se merito stipendio fraudari, questor imprudenter nimis, atque arroganter, vix esse respondit, quod Græco & Romano militi daretur, ne dum huic canum turba. Quæ verba in pectus alte demissa brevi toti fere Christianæ reipublicæ exitio fuere.* In sequentibus Simonstionius ex eodem Auctore, Curione, probat, ab his initiis eo fuisse

progressos Muhammedis successores, ut, occasionem subministrantibus ipsis Imperatoribus Græcis, *jus quod in Palestinam habebant non solum resignare, verum etiam tributa Sarracenis pendere coacti sint Imperatores Græci.* Cujus historiæ veritatem agnoscunt, Reverendissimus olim ArchiEpiscopus Ups. Er. Benzelius Brev. Hist. Eccl. secul. VII. pag. edit. in XII. 159. Itemque D. Lucas Osiander Hist. Eccl. cent. VII. lib. I. cap. XI. vers. Svecanæ tomo secundo pag. 211. Quin & idem Doct. Osiander ad fin. lib. I. hujus centutiæ, Sophronium, Episcopum Hierosolymitanum, adspexisse refert occupationem hujus urbis, factam a Principe Muhammedanorum, Haumaro.

§. III.

Quam juste possederint Muhammedani Palestinam, disquiritur.

Quod possessionem hujus regionis, & adjacentium, habuerint profani illi homines, negari non potest, quemadmodum etiam audivimus; *sed quo jure?* adhuc ab aliquo potest quæri. Quid, si jure belli diceremus? Certe ea, quæ
jam

jam attulimus in antecedentibus, ejusmodi sunt, ut ad justas belli causas referri queant. vid. Buddeus exercitat. de expedd. cruc. §. VII. Diuturnitatem possessionis pondus aliquod habere, non tantum consuetudo, imo lex scripta, docent, quum poscenti, rei, quam suam esse dicit, restitutionem negant, nisi mature, & saltem lege præfinito tempore eandem requisiverit; Sed & Dux ille populi Israëlis, Jiphtachus, qui regi Ammonitarum hæc nuncianda curavit: *Dum habitavit Israël Chesbone, & in villis ejus, & in Habrore, & in villis ejus, atque in omnibus civitatibus, quæ sunt secundum Arnonem, trecentos annos: & quare non eripuistis eas tempore illo?* Judic. XI. 28. Cur itaque Imperatores Orientales sive Græci, si Muhammedani occupaverint terram illam injuste, passi sunt eam per quinque fere secula (vid. Wilhelm. Tyr. lib. I. cap. III. ab initio) ab illis possideri? Occidentales vero sibi arrogare voluisse aliquod jus in hanc terram Palæstinam, nisi quod largiebatur præses iste cathedræ Romanæ, successor Petri Apostoli, imo, Christi vicarius audire volens, (sed

frustra quidem) ipsi forte non serio affirmabunt.

§. IV.

An ex sociorum religionis oppressorum precibus acquiri jus potuerit?

Fieri potuisset id , si in Muhammedanorum in se imperium nunquam consensissent illorum locorum Christiani , auxilium occidentalium postea , uti fertur , expetentes. Quomodo vero hoc affirmari poterit , tot seculis a prima occupatione præterlapsis ? Citatur Buddeo exerc. §. XI. Patriarcha Hierosolymitanus, Theodosius, in epistola ad Patriarcham Constantinopolitanum , sic inquiens : *Multam Turcæ benevolentiam & compassionem ostendunt in nos , licentiam nobis præbentes edificandi Ecclesias nostras , & tenendi sine prohibitione mores nostros , juste agentes , & in nullo nobis injuriam vel violentiam inferentes. Ideoque cum , secundum Ciceronem , duo sint genera decertandi , unum per discepcionem , alterum per vim ; cum illud proprium sit hominis , hoc belluarum , confugiendum est ad posterius , si uti non licet superiore. Et proinde , si quæ commoda religionis sociis acquirere voluerunt occidentales,*

tales, Cæsaris Caroli Magni exemplum
 sequi potuissent. Affirmante enim Ty-
 rio Wilhelmo lib. I. c. III. per contra-
 ctam cum Aarum Ressith, universi
 orientis Principe, amicitiam, plebi Dei
tranquillitas præstita est, & favor Princi-
pis clementer indultus ad multam consola-
tionem; ita ut magis sub imperatore Ca-
rolo, quam sub dicto Principe degere vi-
derentur. Addantur, quæ sequuntur
 ibidem, & quæ citantur a Simonstonio
 c. II. §. 4. Et imprimis observari merentur
 verba, Babylonienſium Imperatoris nun-
 ciorum ad Principes Occidentales, cum
 versarentur ad urbem Antiochenam,
 quæ reperiuntur apud Robertum Mona-
 chum lib. V. num. 40. *Dominus noster*
Admiravissus Babylonie, mandat vobis
Francorum Principibus salutem & amicit-
tiam, si ejus voluntati vultis obedire In
 aula regis Persarum; Dominique nostri,
 magnus vestri causa congregatus est con-
 ventus, septemque diebus protelatum est
 consilium, quidnam eis super hoc sit agen-
 dum? Mirantur enim, ut quid sic arma-
 ti queritis Domini vestri sepulchrum, gen-
 tem suam a sinibus diu possessis extermin-
 nantes; imo, quod nefarium est peregrinis,
 in ore gladii trucidantes. Quod si post-
 hac

hac in pera & baculo vultis ire, cum honore maximo, rerumque opulentia vos illuc facient pertransire: de peditibus equites facient; qui pauperes sunt, in toto itinere nec in reditu amplius esurient. Et si per menjem ad sepulchrum diurnare placuerit, bonorum copia vobis non deerit: facultas eundi per universam Hierosolimam vobis concedetur, ut quo honore placuerit, & Templum & sepulchrum quilibet veneretur. Sed animi & aures eorum fascino pontificiæ potestatis & indulgentiæ totæ occupatæ, veritatis hujus impatientes erant, nec saniora consilia admittere voluerunt, quin destinata exsequi omnino pergerent.

§. V.

De modo belli gerendi, Occidentalibus usurpato in passagiis.

Prorsus eleganter & nervose dictum est a Roberto Monacho lib. I. Historiæ Hierosolymitanæ, pag. ord. 3. num. 10. & seqq. De Petro Eremita, ejusque comitatu, magnam Longobardorum gentem, multosque alios ex diversis locorum spatiis ad urbem Constantinopolitam inveniēte, sermo ibi est nostro Rober-

Roberto, qui, *omnis congregatio hominum*, inquit, *que bono auctore non gubernatur, si ei languidum caput dominatur, in deterius labitur, & quotidie languescit, & a salute elongatur.* Propterea & hi, pergit, *reprehensibilia opera faciebant.* Ecclesias enim & urbis Palatia destruebant, & *que in eis erant auferentes, plumbum, quo tegebantur, abstrahabant, & Græcis vendebant.* Et ultra fretum, quod Sancti Gregorii Brachium dicitur, progressi, Ducem sibi elegerunt, & quendam Rainoldum sibi præposuerunt: qui, licet principem haberent, eadem tamen rapinæ opera agere non cessabant. Nam domos, quas inveniebant, igni comburebant, & Ecclesias bonis suis & facultatibus denudabant. Et hæc quidem in religionis socios, & non hostes committebant, per quorum regiones ipsis erat transeundum. vid. Wilhelmus Tyrius lib. I. cap. XXIII. num. 30. item cap. XXVII. num. 10. Quid ergo fiet de illis quos hostes habebunt? Docebit hoc ipsum porro idem Robertus lib. II. pag. 3. ad fin. Egressi de Castoria venerunt in Palagoniam, in qua erat quoddam castrum Hæreticorum, quod
unda

undique aggressi sunt, & crepantibus buc-
cinis & telis ac sagittis volantibus illico
ceperunt, & spoliatum omnibus bonis, cum
suis habitatoribus igni combusserunt. Ne-
que vero hi erant hostes, sed in qui-
busdam articulis tantum discrepantes,
quibus tamen idem Robertus de illata
sibi aliqua injuria per hoc ipsum, que-
rendi veniam non concedit, in sequen-
tibus addens; Nec id eis injuria conti-
git, quia illorum detestabilis sermo, ut
cancer, serpebat; &c. Horret autem
animus, cum ejusmodi lanienam con-
siderat, qualem, occupata tandem Hie-
rosolyma, Christianus exercitus pa-
trare sustinuit. Describit tamen illam Al-
bertus Aquensis Histor. Hierosolym.
lib. VI. cap. 30. quod totum oculis Le-
ctoris subjicio: Consilio hoc accepto, (qua-
tenus scilicet universi Sarraceni & Gen-
tiles, qui captivi tenebantur, pecunia
redimendi, aut redempti sine dilatione
in gladio corruant, ne fraude aut in-
genio illorum Christianis aliqua oc-
currerent adversa; sicuti habent præce-
dentia verba) tertio die post victoriam
egressa est sententia a Majoribus: & ecce
universi arma rapiunt & miserabili cæde in
omne

omne vulgus Gentilium, quod adhuc erat
 residuum, exsurgunt, alios producentes e
 vinculis & decollantes, alios per vicos &
 plateas civitatis inventos trucidantes, qui-
 bus antea causa pecuniæ, aut humana pie-
 tate pepercerunt. Puellas vero, mulieres,
 matronas nobiles & fœtas, cum puellis te-
 nellis detruncabant, aut lapidibus obrue-
 bant, in nullis aliquam considerantes æta-
 tem. E contra, puellæ, mulieres, matro-
 ne, metu momentaneæ mortis angustiatæ,
 & horrore gravissimæ necis concussæ, Chri-
 stianos, in jugulum utriusque sexus deba-
 chantes & sævientes, medios pro liberanda
 vita amplexabantur, quædam pedibus eo-
 rum adolvebantur, de vita & salute sua
 illos nimium miserando fletu & ejulatu so-
 licitantes. Pueri vero quinquennes aut
 triennes, matrum patrumque crudelem ca-
 sam intuentes, una miserum clamorem &
 fletum multiplicabant. Sed frustra hæc
 pietatis & misericordiæ signa fiebant. Nam
 Christiani sic neci totum laxaverant ani-
 mum, ut non sugens masculus aut fœmi-
 na, nedum infans unius anni, vivens ma-
 num percussoris evaderet. Unde plateæ to-
 tius civitatis Hierusalem, corporibus ex-
 tinctis virorum & mulierum, lacerisque
 membris

*membris infantium, adeo strata & operta
fuisse referuntur, ut non solum in vicis,
soliis & palatiis, sed etiam in locis deserta
solitudinis copia occisorum reperiretur in-
numerabilis. Plura ejusmodi coacerva-
vit exempla Simonstanius in cap. II: di-
§§. postremis.*

Cap. III.

§. I.

*De tristibus eventibus aliqua
memorat.*

Quis autem non credat, Muham-
medanos & Gentiles ceteros
hæc talia cognoscentes, adeo
detestatos Christianorum nomen, ut
vel cum vitæ suæ dispendio conati fue-
rint omnes illius confessores extra Asiæ
terminos, si non ultra, ablegare?
Credimus utique, & res ipsa loquitur.
Non cessarunt enim Muhammedis cul-
tores, & quocunque præterea nomine
venire possunt orientales non Christia-
ni, non cessarunt, antequam Imperio
Constantinopolitano finem imposuis-
sent,

sent, omnibus illius provinciis in suam potestatem redactis. Nec quidquam curarunt, Romanum Pontificem has ipsis prerogativas invidere. Quin etiam toti Europæ, præcipue vero sibi finitimis dira quævis hodierno die minitantur, quæ utinam gladio Petri avertere potis esset, qui successoris illius titulum manibus pedibusque vindicare sibi conatur, Papa Romanus! Passagia Christianorum decem præcipue memorantur; sed quas calamitates Christianos homines in iis vel subiisse vel meruisse suspicabimur; cum omnes nationes, Papæ dogmata recipientes, ad hæc passagia confluere necesse haberent; adeo ut nec majores nostri expertes hujus mali fuerint, quemadmodum id asserit Amplissimus & maxime Reverendus Dn. Professor Jacobus Benzeliuss in suæ Palæstinæ sect. poster. c. III. Quod nec omnia prospera in ipso itinere experiri coacti sint passagia facientes, adducto Petri Eremitæ exemplo testatur Jacob. de Vitriaco Hist. Hierosol. lib. I. cap. XVII. his verbis: *Multa in via illa a gente Bulgarorum passus incommoda, de exercitu suo fere decem*

*cem millia amisit in praelio. Currus etiam
 & plaustra usque ad duo millia, cum
 parvulis & mulieribus, & diuitiis multis,
 & varia suppellectilia a prædictis barbaris
 & impiis hominibus detenta sunt & violen-
 ter ablata. Quid censes futurum, vel po-
 tius factum esse, quando secundum Wil-
 helmum Tyrensem lib. I. c. XVII. num.
 40. & seq. Nulla erat uspiam in tot pro-
 vinciiis, quot habet occidentis, domus ociosa
 vel una. Cuique juxta suam conditionem
 familiaria suberant, circa quæ sollicitaban-
 tur, negotia, dum hic pater familias, ibi
 filius, illic vero tota domus ad migrandum
 se componeret? Vocantibus ceteros his,
 qui turmarum erant duces designati, cum
 singultibus & suspiriis dividebantur ab in-
 vicem carorum amplexus, & supremum
 sibi valedicentes, separabantur in osculis.
 Mater filium, parentem filia, soror fra-
 trem, uxor maritum, in ulnis deportantes
 parvulos, & fugentes ubera, cum lacry-
 mis & ejulatu comitabantur abeuntes; &
 dicto vale, quos gressu non poterant, defixis
 obtutibus prosequiebantur. Quam solitudi-
 nem & mœrorem domi manentibus,
 quas etiam ærumnas iter hoc ingre-
 dientibus, non devorandas fuisse, con-
 jicie-*

ficiemus? Quando præter vulgus, etiam summi Magistratus cruce signati transfretabant, quam in rebus publicis confusionem, imo desolationem secutam non fuisse, existimabimus? *Præ fame contabuisse multos, testis est Tyrius lib. I. cap. XXII. num. 10. & cap. XXV. num. 40. ubi hæc habet de exercitu Petri: Ceciderunt in ea congressione (cum Solimanno & illius exercitu) de viris nobilibus, qui Petri castra sequebantur, Galterus Sensaver, Rainaldus de Breis, Fulcherus Aurelianensis, & alii innumerabiles. Nam de viginti quinque millibus perditum, qui de castris egressi fuerant, & de quingentorum numero equitum, vix vel unus superfuit, qui aut mortem effugerit, aut vincula. Tandem vero hac potitus victoria, & præsentis successu Solimannus factus elatior, in castra violentus irruit; id residuum quod supererat, nemine jam qui resistere posset, invento, gladiis abolet: senes, valetudinarios, monachos & clerum universum, matronas quoque grandævas ferro perimens: solis pueris, ac puellis & impuberibus, (quibus tamen Hierosolymis non parcebatur a Christianis) quorum pro eis ætas intercedebat & facies, ad hoc*

D

parcens,

parcens, ut servituti manciparet. Simile legas exemplum cap. XXVIII. Videatur etiam Albertus Aquensis lib. VIII. cap. XIX. itemque c. XXXIV & XXXIX. Ex quibus exemplis, de tota militia per aliquot secula continuata, fiat iudicium. Et quod maxime dolendum, testimonium perhibente Rege Galliae Ludovico, in epistola ad universos cives suos, *multi imbecilles & fragiles ad victimam ab hostibus ducti, appositis gladiis super eorum cervicibus, compulsi clamare legem sceleratissimi Machometi, exorbitarunt a fide, legem illam detestabilem profitendo*, ut videri potest in opere expedd. Orient, pag. 1199. num. 20, Ut nihil dicamus de non ferendo, & quod maxima cum difficultate excuti postea potuit, iugo pontificiae tyrannidis, per has expeditiones & Imperantium & parentium cervicibus imposito; quod unicuique fuisse Pontificum propositum, singulari exemplo testatur Conradus a Liechtenaw, pag. 248. repetantur etiam quae dicta sunt superius c. I. §. IV.

§. H.

De prosperis eventibus agit.

Fatendum quidem est, pacem aliquam,

quam, saltem ad tempus nactas esse Ecclesias Orientales, post occupatas vel regiones vel urbes ab Occidentalibus Christianis, ut cultus Dei, qualis istis seculis vigebat, libere exerceretur. Neque negamus, tutelam aliquam Europæ præstitam per ordines equestres occasione horum passagiorum institutos; sed quæ adscribenda providentiæ Summi Numinis, quod adeo benignum est in filios hominum, ut mala non fineret fieri, nisi bonum aliquod inde eliceret. Hæc autem bona non per se, sed per accidens a passagiis derivari posse, pronum erit colligere.

§. III.

Finem dissertatiunculae imponit.

Quo magis festinandum erat, cum priorem particulam, a morbo convalescens, emittere necessum haberem, eo majori cum diligentia posteriorem hanc elaborare animus erat: quapropter etjam in aliud atque aliud tempus hæc curas distuli, majus aliquod otium subinde expectans. Sed quia per Summi Numinis clementiam, & Superiorum, ac quorum interest ad hoc

Illustrare

Illustre Lyceum & Urbem Upsaliensem,
benignam in me voluntatem, jam est
factum, ut labores sacros in dies mihi
multiplicari sentiam, summas hasce li-
neas ducere malui, quam quod pro-
miseram, omnino intermittere. Ipse
quidem intelligo, minus jam satisfieri
posse expectationi Candidi Lectoris; ve-
rum si Auctores a me citatos evolvere
non piget, quin sufficiens de nostris
passagiis cognitio haberi poterit, nul-
lus dubito. Ego certe, si non aliud
præstiti, saltem ex ipsis Historiarum
fontibus ostendi, & quid habitum sit
de his expeditionibus, & quid sit ha-
bendum. Ut itaque pauca hæc æqui-
bonique consulantur, humilli-
mus rogo.

SOLI DEO GLORIA!!!



Hermansson, Johan,

Diss. hist. de bello Mithridatico Pars prior

Upsalia 1726

Diss. 54#Beibd.2

urn:nbn:de:bvb:12-bsb10839483-4